

SERENISSIMI PRINCIPIS
F E R D I N A N D I
HISPANIARVM INFANTIS
S. R. E. C A R D I N A L I S
TRIUMPHALIS INTROITVS
I N
FLANDRIÆ METROPOLIM
G A N D A V V M.

A V C T O R E
G V I L I E L M O B E C A N O S. I.



A N T V E R P I Æ,
Ex Officinâ I O A N N I S M E V R S I.
A N N O M. D C. X X X V I.

SEPTISSIMI PRINCIPIS

FERDINANDI

HISPANIE ET INDIE

S. R. E. CAROLINI

TRIVMPHALIS INTRORSVS

IN

FLANDRIE METROPOLIM

GAUDIVM V. M.

AVCTORE

GABRIEL MORENO




ANTWERPIE

EX OFFICINA ANTONIS MEYER

ANNO MDCCCXXVI




ANTVERPIÆ ex officina IOANNIS MEVRSL. Anno 1636.





HOC PRÆSIDE RERVM
BELGARVM POPVLIS SVPERI FAVISTIS ABVNDÈ.






QVAM FORTI PECTORE ET ARMIS.



P H I L I P P O R E G I C A T H O L I C O.

OTESTAS Regia Diuinæ imago est. Eò in Te illustrior, quò maior. Dei imperio subsunt omnia, tuo quamplurima. Ille per omnia diffusus, Tu nominis tui maiestate orbem complexus maximus simul & optimus. In homine animus, in animo ratio, in cælo Deus, in regno tuo quod præstantissimum est imperat. Plurima adeptus, pluribus dignus es. Imperio maximus, maior exemplo. Diuinæ potestatis particeps, hominem Te & hominibus imperare meministi. Vt ingentis nauis gubernatori opes quas vehit non superbiæ, sed curæ materia sunt; ita regendi munus non elatum Te, sed sollicitum facit. Sic honorem geris, vt onus credas. Regem te non putas, nisi quos regis ferues. Felix regio cui Te non amare tantùm, sed & videre contingit! At neque cælo abscedit Sol, & tamen vniuersa illustrat. Suos ille radios, Tu tua beneficia quaquauersum dif-
**
fun-

fundis. Ipsum Deum cuncta moderantem non cernimus, sed sentimus. Quid loquor? non totus à nobis abes. Magnam tui partem in FERDINANDO habemus. Diuidere inter Vos beneficia sua Deus immortalis non voluit. Quod alterutri præstitit, amborum est. Tua solius erant sceptrum, tua regendi cura: hanc cum Fratre diuisisti. Virtutum tuarum participem in partem oneris vocasti: in hoc quoque Deo similis, qui ne cælos quidem suos solus regit. In FERDINANDO ergo beneficium tuum agnoscimus, potestatem veneramur. Pro Te illum, vel potius in illo Te suscepimus. Quos illi honores exhibere conati sumus, Tibi præstitos arbitramur. Exiguos illos, sed magni erga Te studij amorisque indices. Tu ut eos stylo calamoque adumbratos videas, demitte Maiestatem Tuam: & sine, ut quæ æui iniuriis obnoxia sunt, à nomine Tuo perennitatem accipiant. Ita vouemus

MAIESTATIS TVÆ

Deuotissimi Clientes

PRÆTOR, CONSVL, SENATVSQVE
Gandauensis.

INGREDIENTE VRBEM
SERENISSIMO FERDINANDO
MAGISTRATVM GESSERVNT.

PRIMARIVS GANDAVENSIVM PRÆTOR

Illuſtriſſimus Dominus **GVILIELMVS DE BETTE**, Marchio de Lede, Dominus de Hanghereau, Peronne, &c. Commendator Ordinis S. Iacobi, pro Rege Catholico Legionis Germanicæ Tribunus, deinde Ducatus Limburgici & Ditionis Vltra-Moſanæ Gubernator, &c.

PRIMI SVBSELLII CONSVL

Nobilis & Generoſus Dominus **IVSTINIANVS TRIEST**, Eques, Dominus de Ruddershoue, Louendeghem, Belleghem, Oueracker, Laethem, &c.

SENATORES

Nobilis Dominus **PHILIPPVS WYTS**, Dominus de Schothoucke.

Nobilis Dominus **ADRIANVS PROVOST**, dictus **DE BASSERODE**, Dominus de Enghien.

Nob. **D. IACOBVS BORLVVT**, Eques, Dominus de Schoonberghe.

Nob. **D. NICOLAUS VAN ROYEN**.

Nob. **D. EMANVEL BALLE**T, Eques, Dominus de Leeuvenburch.

Nob. **D. GVILIELMVS VANDER MEERE**, Dominus de Asperen & Singhen.

Nob. **D. REYNHALDVS DIERKENS**.

D. PASCHASIUS VANDER HELST.

D. IOANNES GALLE.

D. LVDOVICVS VAN HOOCHBROVCK.

D. FRANCISCVS BAERT.

D. GVILIELMVS VANDEN BOGAERT.

PENSIONARII

Magiſter **IO. BAPTISTA SCHORMAN**.

Magiſter **IOANNES VANDER SPEETEN**, Dominus de Eeckeloo.

Magiſter **IOANNES BAERS**.

SECRETARII

D. PETRVS ADRIANSSENS VENEDAEL.

Magiſter **GERARDVS VAN OVERWAELE**.

D. IACOBVS SNOVCK.

Magiſter **LIVINVS DOEDENS**.

D. ANTONIVS VANDER LVYTHEN.

SE-

SECUNDARIVS GANDAVENSIUM PRÆTOR

Nobilis Dominus PHILIPPVS DE STOPPELAIRE.

SECUNDI SVBSELLII CONSVL

Nobilis Dominus LVDOVICVS DE BLAZERE, Eques, Toparcha de Ydevvalle.

SENATORES

Nob.D.MARTINVS SNOVCART, Eques, Dominus de Zomerghem.

Nob.D.IACOBVS BOSSIER.

Nob.D.PETRVS VANDER VICHT.

Nob.D.FERDINANDVS SCHORMAN.

Nob.D.ANTONIUS VAN ZEVECOTE.

Nob.D.IOANNES BORLVVT, Dominus de Assenburch.

Nob.D.IOANNES VILAIN.

D.IOANNES CODDE-SMET.

D.IOANNES EECKMAN.

D.LAVRENTIVS VANDER HAEGHEN.

D.LIVINVS DE POORTERE.

D.GERARDVS VANDEN PVTTE.

PENSIONARIVS

Magister IACOBVS DE GROOTE.

SECRETARI

Nobilis D.GVILIELMVS DAMAS.

D.THOMAS HEYLINCK.

Magister ROCHVS CRVYL.

D.ADRIANVS VANDER MANDERE.

Magister FRANCISCVS COOMAN.

QVÆSTORES

Nobilis D. PHILIPPVS VOLCART, Dominus de Weldene.

D.GVILIELMVS DE CNVVDT, operum publicorum Præfectus.

D.MICHAEL DE RVDDERE, Quæstor exagogenicus.

Et

Et hi quidem eos honores, quos hîc describi-
mus, Principi Cardinali exhibuerunt, ty-
pîsque vulgari curarunt: sed quòd opera-
rum tarditate res lentius procederent, Ma-
gistratum intereà inierunt, atque à deces-
soribus acceptum Opus suæ Maieſtati hu-
millimè offerunt

PRIMARIUS GANDAVENSIVM PRÆTOR

Eriilluſtris & Generoſus Dominus ALBERTVS HVBERTVS DE
GVERNOVAL, Eques, Baro de Eckelsbeke, Catholicæ Regiæ Maieſtati
à Conſiliis bellicis.

PRIMI SVBSELLII CONSVL

Nobilis & Generoſus Dominus GVILIELMVS DE BLAZERE, Eques,
Dominus de Hellibus, Caſtere, &c.

SENATORES

Nobilis Dominus NICOLAUS SERSANDERS.

Nob. D. FRANCISCUS BORLVVT, Dominus de Boucle.

Nob. D. IACOBVS DE NORMAN, Eques, Dominus de Oxelaere, S. Alde-
gonde, &c.

Nob. D. IOANNES DE GRVYTERE, Dominus de Auyn.

Nob. D. CAROLVS DE WATRIPONT, Dominus de Baſſeghem.

Nob. D. GVILIELMVS MEYNAERT.

Nob. D. IOANNES DE KETHVLE, Dominus de Volckeghem.

Nob. D. GVILIELMVS DE VVLDER, Dominus de Dutzele.

Magiſter IOANNES STALINS, Medicinæ Doctör.

D. PETRVS LETTAERT.

D. FRANCISCUS DELVAEL.

D. IVDocus GOETHALS.

PENSIONARI I

Magiſter IOANNES VANDER SPEETEN, Dominus de Eeckeloo.

Magiſter IOANNES BAERS.

Magiſter IACOBVS DV LAVRY.

SECRETARI I

D. PETRVS ADRIAENSSENS VENEDAEL.

Magiſter GERARDVS VAN OVERWAELE.

D. IACOBVS SNOVCQ.

Magiſter LIVINVS DOEDENS.

D. ANTONIVS VANDER LVYTHEN.

SE-

SECUNDARIUS GANDAVENSIVM PRÆTOR

Nobilis Dominus PHILIPPVS DE STOPPELAIRE, Dominus
de Portes.

SECUNDI SVBSELLII CONSVL

Nobilis Dominus IOANNES BAPTISTA DE RODOAN, Eques,
Dominus de Biese, Wolfs-haghe, &c.

SENATORES

Nob. D. GISLENVS NIEVLANDT, Eques, Dominus de Lerberghe.

Nob. D. GVILIELMVS VANDER MEERE, Dominus de Asperen &
Singhen.

D. IOANNES DE GRYSE.

Nob. D. CAROLVS HELLYN, Dominus de Wassenhoue.

Nob. D. IOANNES VAN WYCKHVVS, Dominus de Wyckhuus.

Nob. D. ADRIANVS BORLVVT, Dominus de Eenhoode.

Magister IACOBVS VAN BREVSSEGHEM, Medicinæ Doctor.

Nob. D. CHRISTOPHORVS VILAIN, Dominus de Vergier.

D. FRANCISCVS VAN AVWEGHEM.

D. PAVLVS TOEBAST, Liuni F.

D. MAXIMILIANVS DHONDT.

D. IACOBVS VANDER HAEGHEN.

PENSIONARIVS

Magister IACOBVS DE GROOTE.

SECRETARI

Nobilis D. GVILIELMVS DAMAS.

D. THOMAS HEYLINCK.

Magister ROCHVS CRVYL.

D. ADRIANVS VANDER MANDERE.

Magister FRANCISCVS COOMAN.

QVÆSTORES

Nob. D. ANTONIVS VANDEN HEEDE, Dominus de Grammene.

D. GVILIELMVS DE CNVVDT, operum publicorum Præfectus.

D. MICHAEL DE RVDDERE, Quæstor exagoticus.

TRIVM-

TRIUMPHALIS INTROITVS
 FERDINANDI
 HISPANIARVM INFANTIS
 S. R. E. CARDINALIS
 IN
 FLANDRIÆ METROPOLIM
 GANDAVVM.



RAVIBVS diuturnisque bellis fessi Belgarum populi optabant eum provin- ^{Belge}
 ciis suis Moderatorem dari, qui calamitatibus illarum subleuandis cum di- ^{Moderatorem optant}
 gnitate generis parem animi virtutem adferret; gnari vsûque suo edocti, ter-
 rarum Principibus, & verò etiam Præsidibus, quorum regendorum potestas
 tradita est, felicitatem quoque commissam esse, ac quale sit illorum impe-
 rium, talem populi esse fortunam. Accendebat id desiderium intempestiua mors Ser.^{mæ}
 Archiducis ISABELLÆ, quæ difficillimis temporibus provincias, velut in mediis tempesta- ^{mortuâ Isabella,}
 tibus nauem, optima gubernatrix destituerat. Accedebat & aliud malum, dubites timen-
 dùmne magis, an detestandum: labare cœperat fides Procerum, paucorum quidem, sed ^{labante nonnullorum fide.}
 quos (præterquàm quòd, vbi semel auersa voluntas est, facile vires ad nocendum modùm-
 que inuenit) Regis benignitas haud parum potentes fecerat. Hinc hosti fiducia, nobis pe-
 riculum crescebat, eò grauius tristiùsque, quòd ab iis creabatur, à quibus auerti debuisset.
 Et sanè, nisi vnus alteriùsve prauis consiliis longè plurimorum integritas, ac totius populi
 constantia obstitisset, verendum erat ne idem ille turbo totum Belgium inuolueret, qui
 iam aliquot munitissimas vrbes abripuerat. Sed habet, vt ille ait, has vices mortalis condi- ^{Plin. in paneg.}
 tio, vt aduersa ex prosperis, ex aduersis secunda nascantur. Occultat vtrorumque semina
 Deus, & pleræque bonorum malorùmque causæ sub diuersâ specie latent.

Cùm eo statu Belgium esset vt extremam omnes calamitatem timerent, subito Deus
 fortunam vertit; & quæ res exitium allaturæ videbantur, per eas aduenit nobis, vel certè ac-
 celerata salus est. Siquidem perspectis hisce periculis PHILIPPVS IV. Hispaniarum Rex, ^{Rex FERDINANDVM}
 pro eo quo Belgicam, Maiorum suorum procreatricem atque altricem, complectitur amo- ^{missis.}
 re, Fratrem suum FERDINANDVM, iam tum, cùm adhuc saluæ res essent, ad eius regimen
 destinatum, nunc illis ad ruinam inclinantibus mittere properauit; vt is acceptis malis me-
 delam faceret, imminetia auerteret, & relictarum ab amittâ prouinciarum imperium sus-
 ciperet simul & tutelam. Viderunt tunc Belgæ quàm Regi suo curæ essent, & propè erat vt
 gauderent miseros se fuisse. Spem augebat FERDINANDI indoles & aduenturæ cum illo fe- ^{Belgarum de eo fess.}
 licitatis omen. Cùm enim (vt principio memorabam) mortalium secundas res aduersas
 que per eorum qui præsumt manus ac consilia moderetur Deus, quis ambigeret iis iam po-
 pulis fauere Numen velle, ad quos ille rector mitteretur, cui in regnatrice familiâ genito
 regendi artes ipsa nascendi conditio dedisset; ad benefaciendum verò suis nec ingenta bo-

Vota, nitas voluntatem, nec potentissimi fratris amor facultatem deesse pateretur? Vota ergo pro eius aduentu cuncti facere, precarique, non vt fortunatus modò, sed etiam vt celer esset. Votis sollicitudinem addere, de itineris progressu in dies sciscitari, ad famam appropinquantis respirare.

*Publica
lætitia,* Vt autem felix ille dies illuxit, quo fines nostros incolumis attigit, tum demum incredibili gaudio efferri; grates Deo laudésque agere; sibi de optimo, religioni de pientissimo, patriæ de fortissimo Principe gratulari: vtque iucundior post ægritudinem sanitatis sensus est, ipsam calamitatum memoriam ad oblectationis incrementum renouare. Et verò eos non vehementiùs quàm iustiùs lætari Germania documento erat. In eâ FERDINANDVS ostenderat quid Belgio præsidij, quid opis adferret. Atque vt aliquando nubibus obducto, quâ patet, cælo, mox aliquâ sui parte illustrato, diffusura se in alias quoque plagas arguitur serenitas; ita FERDINANDI aduentu, tamquàm benignissimi sideris exortu, dissipatis in Germaniâ nebulis, sua quoque Belgio lux, sua mox temperies reditura sperabatur; eoque ampliùs quòd Germanis commodatus, Belgis donatus videretur; per illos transiisset, ad hos moraturus veniret, plus aliquid, vt aiebant, suorum causâ præstaturus, quàm fecisset amicorum. Hinc ingens illa in occursum venientis effusa multitudo; hinc integrarum pænè ciuitatum in agros, quâ transiturus erat, commigratio, & ad Brabantia fines non tam hominum quàm populorum confluxus. Mouit FERDINANDVM obuiantium turba, & in ipso prouinciæ limine occurrens lætitia. Ergo non minorem ille spem capere, quàm adferre: rerum præsentium sensus præsagium futurarum erat.

*A Flandria
Ordinibus
saluta-
tur.* Mox vt Bruxellas consuetam Principum Moderatorumque Belgij sedem pridie Non. Nouembris venit; vndique conuenère qui Ordinum, Ciuitatumque simul gratulationes exponerent, simul obsequia deferrent. Pro Flandris iuère Ordinis sacri, & quatuor Membrorum (vt vocant) Legati. Nobilis vir D. d' Eeckeloo Gandauensis Syndicus, ad quem pro Membri sui dignitate dicendi munus pertinebat, in hæc eum verba affatus est:

S E R E N I S S I M E P R I N C E P S,

Communis gaudij, quod Regia Celsitudo Tua vniuersis attulit, quantam in partem Flandri venerimus, cum maximè testatum cupimus, eloqui non possumus. Verba affectui defunt. Vtque Regis in nos fauor supra spem votumque est, ita lætitia magnitudo modum excedit. In tuto positam prouinciā nostram credimus, dum Tibi commissā est: securi sumus, dum Tu illius curam geres. Quid enim post Nordlingam aut tam formidabile sit, quod Te præsentē timeamus, aut tam arduum quod à virtute tuâ non speremus? Graues calamitates & grauiores metus, dum abesses, passi sumus: sed nimirum minùs pateret quantum Tibi deberemus, si priùs venisses. Ex præteritis incommodis præsens beneficium æstimamus: & vt cæli temperiem turbines tempestatésque, ita huius temporis felicitatem quæ præcesserunt mala commendant. Atque vtinam non agnoscere tantum, verum & referre gratiam possemus! Sed optabile debitum est, supra quàm soluendo sis, bonis Principibus obstringi. Si satis gratis esse non licet, certè, quod licet, dabimus operam ne aut Regem demandatæ Tibi prouinciæ, aut Te susceptæ pœniteat. Sub curâ vestrâ vobis viuemus: amor, quo nos complexi estis, obseruantiam & fidem rependemus. Hactenus vt illam probaremus, nec tempus nobis, nec, vt speramus, nos tempori defuimus: at modò cum eorum quæ agemus inspectorem Te fore intelligimus, præterquàm quòd tali testē lætamur, etiam incendimur, vt, quam aduersis rebus seruauimus, redditâ per Te felici-

tate

tate augeamus voluntatem. Sic affecti oramus Regiam Celsitudinem Tuam, vt quos ita sibi deuotos videt, etiam commendatos habeat; & cum obsequia acceptauerit, curam, quam suscepit, sustinere ne intermittat.

Dicentem audiuit FERDINANDVS eo vultu qui eximiam animi benignitatem testaretur, atque eius beneuolentiæ, quam modò experimur, fiduciam faceret. Sed non intra verba Flandrorum gratulatio stetit. Quadringenta insuper nummum millia non insuetâ liberalitate obtulerunt, opportunum ad belli necessitates subsidium, & eò non ingratum.

Digressis inde Legatis noua mox iniicitur cura. Intelligunt Principi in animo esse præcipuas Belgij ciuitates propediem adire. Docent eâ de re suos: vt dignitati consulant hortantur. Multa ipsi pro muneris, quod gerebant, auctoritate curant. Id agunt vt, quam mouerant, sustineant ac tueantur expectationem. Quid tamen magnoperè parari posset durissimo anni tempore? voluntati tempestas obstabat & sæuiens præter morem hyems. At nihil adeò difficile est, quod non amor cedat: & magnum adferentibus studium, pro paruo omnis ducitur labor. Quod si frigoris vis insolentem cæli nostri FERDINANDVM retardatura non erat, quò minùs suorum visendorum studio viæ se committeret; cur ciuitatum in illo excipiendo conatus impediret? Gandauenses inprimis neque sumptui, neque labori parcendum ducere: ab ipsâ difficultate animos sumere: ciuitatem Senatus, Senatum Consul instigare: nihil omittere quò minùs Flandricarum urbium prima tantum antecederet alias magnificentiâ, quantum præcedit dignitate.

Iam curâ & industriâ tantum effectum erat, vt propter auræ inclementiam moles difficilior quidem, sed non multò tardius assurgerent; cum superatâ, quam timuerant, molestiâ maior ex insperato superuenit. Spectabat iam tum Gallus si quem sibi aditum in Belgium aperiret fortuna, paci quæ nuntium missurus, id agere dicebatur vt priùs occuparet aliquid, quàm oppugnaret. Hinc nescio quod periculum finibus nostris impendere creditum est. Augebant timorem quæ ad Caletum conuenerant copiæ. FERDINANDVS haud ignarus inter consilia parantium & gerentium bella parum nonnumquam interessè, maturat in Flandriam iter, discussurus præsentiam suâ vel periculum vel periculi metum. Ea celeritas quàm patriæ necessaria, tam Gandauensibus incommoda erat. Concidebant animi cum cernerent maximas expensas frustrâ esse; nihil in tempore parari, nihil ad perfectionem adduci posse. Sed ea FERDINANDI benignitas est, vt suorum non commodis modò, sed etiam votis consilia sua attemperet. Senatui nuntiat, Gandauum se venire, non urbis inuisendæ, sed transeundæ causâ. Si quid spectare se velint, in reditum parent. Simul hoc, simul venire Principem adfertur. Sed nihil de triumpho splendore decerpi placuit. Solis armatorum ciuium collegiis obuiandi negotium datur. Senatus ad pontem S. Georgij, quo Scaldis, quâ castrum præterfluit, committitur, intrantem excepit, clauis de more obtulit, ad palatium CAROLI V. Cæsaris incunabulis celebre deduxit. Hic ab Ordinibus Concilioque salutatur. Paria ac nuper Bruxellis officia pari benignitate admittit. Postridie, quò res vrget, iter instituit. Tum verò magnoperè & studium ciuium & cura Senatus aucta est. Illud Principis, vt sit, aspectus accenderat; hanc breuitas temporis, quo abfuturus erat, intendebat. Diligentia ex necessitate crescit: dies noctesque operibus insistitur; vt quoniam Gandauensium votum anticipare cogatur, ea quidem perficiant quæ possint, quæ verò informata relinquere necesse sit, pro iis conatum exhibeant. Alia interim quæ vel triumpho ornamentum, vel Principi oblectationem adferre possint, strenuè accurrent.

Gandauenses ad se ventura honores parant.

Periculum à Gallo.

FERDINANDVS in Flandriâ tendit.

Gandauo transit.

*Nobili-
tas, ut
reducem
exciplat,
conue-
nit.*

Gandauum, Flandriæ caput, nobilibus familiis & viris præ ceteris abundat. Eos omnes, tum qui in vrbe, tum qui in agro vicino sedem habent, Senatus inuitat, vt v. Kal. Februar. Principem excepturi conueniant, eodemque secum munere fungantur. Gaudebant abs se peti Nobiles in quod sponte ferebantur. Adfuere ad conditum diem magno numero, superboque cultu. Alij auro argentoque fulgebant; alios ætas grauitasque & exacti honores honestabant: omnes ad publicam magnificentiam priuatum aliquod decus adferebant. Ea res quantum ad pompam, tantum altera ad voluptatem fecit. Via, quæ Gandauum Brugis fert, sita est ad peramplam fossam, quæ, quoniam sub Ser.^{mo} ALBERTO ducta est, Albertina dicitur. Ea gelu durata opportunitatem spectaculo dedit, quod extra Belgium non visum, nouitate placuit. Veniebat secundum ripam Princeps: appropinquantibus occurrit in cohortis militaris speciem turba iuuenum ita glaciem ferreis talaribus percurrentium, vt equi cursum præuerrere celeritate possent. Præter pernicitatem ordo mirabilis erat. Seu recto cursu agerentur, seu se inflecterent, seu ordines miscerent, diceres in terræ solo firmis vestigiis ferri. Hoc ex tot hyemis incommodis elici commodum potuit. Ceterum dies illa quamuis asperante aërem gelu frigida, tamen pro tempore serena fuit. Innubi cælo splendebat Sol, & silentibus ventis aura lenius aspirabat. Quasi per FERDINANDI aduentum post atros bellorum turbines aduentura Flandriæ serenitas ac tranquillitas portenderetur. Sed multò magis, quàm cæli temperies, mitigabat frigus ciuium erga Principem ardor, Principis in ciues beneuolentia.

*Discur-
sus in
glacie.*

*Cæli tem-
peries.*

*Ad urbē
appro-
pinquat.*

Vt in conspectum venit eorum qui ex vrbe sese obuiam ferebant, relictâ rhedâ equum conscendit. Ita conspicuus sensim & placidè pro respectantium voto progreditur, eâ vultus amœnitate, vt cum oculos omnium in se conuertisset, animos sui caritate inflammaret. Magna sequebatur Procerum, Patriciorum, Nobilium turba; magna ex vrbe occurrebat. Aderant cohortes equitum cataphractorum duæ honoris & præsidij ergò. Vicinos campos auida spectandi multitudo complebat: armati dispositique inde ad portam ciues exercitus speciem præbebant: ab omni parte litui tubæque concinebant: personabat plausibus ac gratulationibus cælum: ex vrbe & mœnibus indices lætitiæ voces efferebantur: denique concursus hominum, vestium splendor, armorum fulgor, tot nobilium virorum conspectus, & supra omnia exoptatissima Principis præsentia speciesque vel hostibus amabilis, incredibile quantum animos omnium afficeret, erigeretque. Nullus tum publicorum malorum, quorum depulsores videbat, nullus priuatorum recordabatur. Vtque ægrè se amoris impetus moderatur, quasi certamen esset quis eum primò, quis sapius videret, instare, premere, suspicere, exclamare, inuicem ab humo sustollere, ferri, referri vndarum instar turbæ. Donec tandem quiete & audientiâ factâ Gandauensis Syndicus rursus in hunc modum perorauit:

SERENISSIME PRINCIPS,

*Ganda-
uensis
Syndici
oratio.*

Cum nuper Regiam Celsitudinem Tuam in vrbe nostrâ subsistere publica cura non sineret, eò grauior nobis repentinus ille tuus discessus fuit, quod maiorem de præsentia tuâ lætandi causam habemus. Alij Te vt moderatorem defensoresque salutis suæ excipiunt, nos pænè etiam vt indigenam. Dat hoc patriæ suæ, dat ciuibus Augustissimæ memoriæ CAROLVS Imperator. Neque enim nescis illum, quo gaudes, originis tuæ auctorem popularem nostrum esse, & ad tot gentium imperium ex vrbe, quam subis, processisse. CAROLI quidem natalibus numquàm non Gandauum gloriabitur. Sed cum transmissas in Te &

quasi



HIC EST TIBI QVEM PROMITTI SEPIVS AVDIS.



quasi rediuiuas eius virtutes videt, vt illum orbi dedisse, ita Te accepisse sibi gratulatur. Voluptatem, quam Maioribus nostris eius ortus attulerat, tuus aduentus nobis reducit. Atenim, SERENISSIME PRINCEPS, & naturæ quam ab illo amantissimo nostri Heroë trahis, benignitas, & muneris, quo vales, potestas efficient, vt quam Maioribus tuis acceptam referimus, Tibi conseruatam auctamque gratiam debeamus.

Substitit intereà Nobilium agmen. Vnà cum Syndico ad Principem propiùs se ad-mouerant Marchio de Lede summus vr bis Prætor, (nunc Limburgensi ditioni, quam vir-tute suâ Regi asseruit, præfectus) & Dominus de Ruddershoue primi subfellij Consul. *In ur-beris in-gressus.* Marchio deinceps pompam duxit. Consul à Principis latere non abscessit: atque illo varia inter eundum sciscitante, id inter cetera auditu gratissimum subiecit: Illum ipsum esse diem quo à quinque & triginta retro annis Ser.^{mi} Archiduces ALBERTVS & ISABELLA Gandauum paribus auspiciis ingressi essent. Iam porta in conspectu erat: in eius coronâ quatuor statuas, & media inter eas Regia Hispaniarum insignia collocauerant. Prima PHILIPPI, altera FERDINANDI erat: hinc & hinc Genij innixa basibus paruis scuta sustine-bant. Scutorum alteri inscriptum legebatur:

VOTA PVBLICA PRO SALVTE REGIS.

alteri:

VOTA PVBLICA

PRO ADVENTV

SER.^{MI} FERDINANDI.

Solere pro incolumitate atque itineribus Principum vota publicè suscipi, præter lapidum, monumentorum, numismatum (ex quibus hanc Geniorum figuram desumpsimus) in-scriptiones, testatur Plinius Epistolarum lib. 10. ad Traianum: Solemnia vota pro incolu-*Plin. l. 10. epist. 36. secundum alios 44.* mitate tuâ, quâ publica salus continetur, & suscipimus, Domine, pariter & soluimus, pre-cati Deos, vt velint ea semper suscipi semperque signari. Eodemque libro: Diem, Domi-ne, quo seruaſti Imperium, dum suscipis, quantâ mereris lætitiâ celebrauimus, precati Deos, vt te generi humano, cuius tutela & securitas salutis tuæ innisâ est, incolumem florentem-*Ep. 101. al. 105.* que præstarent. Et iterum alibi: Precati Deos, vt te remque publicam florentem & inco-lumem eâ benignitate seruarent, quam super magnas plurimasque virtutes præcipuâ san-ctitate consequi Deorum honore meruisti. Paria liceret Principum nostrorum non auri-bus, sed virtutibus dare: at modò gratulari sufficiat vota pro illis facta non irrita, cecidisse. Regem incolumem, FERDINANDVM præsentem habemus. Regis incolumitatem Deo, FERDINANDI præsentiam etiam Regi debemus: cui si dignas referre grates non possu-mus, danda opera est, vt illæ non nostro vitio, sed beneficij magnitudine impares fuisse videantur.

E L E G I A
A D P H I L I P P V M I V.
D E M I S S O I N B E L G I C A M
F E R D I N A N D O.



Ota valent igitur; nec inexorabilis vmquam
Est Deus, aut frustra nos finit esse pios.
Si negat interdum, negat vt concedere possit
Plura. Mora hæc pretium non leue ferre solet.
Non leue nunc certè est, quod Belgica cepit, habetque
Cur non auditas gaudeat antè preces.
Non quia nunc vrbes, quas perdidit antè, recepit;
Alterius donum temporis illud erit:
Nec quia depositis, quod adhuc non expedit, armis
Dulcia securæ tempora pacis eunt;
Tunc erit hoc, cùm se, quod iam reor esse propinquum,
Subdiderit Domino Battava terra suo:
Sed quia, quod multis meritò plus esse triumphis
Ducit, habet Fratrem, magne PHILIPPE, tuum.
Dumque habet hunc, ipsum te, Rex, se pænè tenere
Credat; & vt credat, moribus ille facit.
Tam similis virtute tibi est, quàm tu ipse Parenti.
Imperio minor est, cetera Fratrìs habet.
Ergo Deum sibi iam fauisse fatetur abundè,
Et Te, post magnum, quem colit illa, Deum;
Et, quamuis animo nil non sperabat ab illo,
Iam tamen optatis plura tulisse suis.
Scilicet ingentem cùm plurima Regna per orbem
Imperio & curâ sunt moderanda tuâ,
Te, quod iure potest, tellus sibi seruat Ibera:
Nos Tibi, post illam, proxima cura sumus.
Illa quidem seruat, multos & seruet in annos,
Quo nullum speret maius habere caput:
Sed, quo non illi propiùs vel sanguine possit,
Vel virtute dari, Belgica nostra tenet.
Vos igitur nobis, quorum defensa labore,
Emptaque sæpè fuit sanguine nostra salus,
Vos precor, ô magni nobis faueatis Iberi,
Et Belgas vobis dicite pænè pares;

Namque

Namque vbi, qui cunctis satis esset gentibus vnus,
 Vni se genti plus satis esse videt,
 Iam bona nobiscum diuisit vestra PHILIPPVS:
 Vos Regem, Fratrem Belgica Regis habet.
 Et tamen hîc aliquis (veniam da patria, luctum
 Si renouem, & prodam dedecus ipse tuum)
 Et tamen hîc aliquis Dominum non fidus in illum
 Vixit? posteritas ne precor adde fidem.
 Si tamen hoc certum est, nec adhuc, quod iure timebas,
 Patria, paucorum crimine tota iaces;
 Irasci si dum potuit, miserescere Princeps
 Maluit, offensæ nec meminisse suæ;
 Si, quæ summa foret clades, auersa voluntas
 Non fuit, in miseros sed magè creuit amor;
 Denique si Fratrem, nondum quem fortè dedisset,
 Permotus tantis miserit ille malis;
 Qui fuit inuictas qui prodidit hostibus vrbes,
 Vtiliter nobis perfidus ille fuit.
 In FERDINANDO nam plura recipimus, huius
 Quàm malè tentatum perdidit antè scelus.
 Ergo Tibi, per quem nobis sic esse beatis
 Contigit (ô BelgI spesque salusque tui!)
 Numina tam faueant (quid enim nisi vota queamus
 Reddere?) quàm nobis ipse PHILIPPE faues;
 Et, quàm longa Tibi petimus, dent tempra, Princeps
 Vt noster possis esse, Paterque diu.
 Atque vbi, quos terræ debes, impleueris annos;
 Teque tuos inter cernet olympus auos;
 Tum tuus, in laudes natus qui surgit auitas,
 Indole cognosci qui tuus esse potest,
 Per tua, perque tui Fratris Te facta sequatur,
 Et sedeat solio non minor ipse tuo:
 Sceptraque cum totidem, quot Tu, gestauerit annis,
 Per similes dextras posteritatis eant.
 Cetera cumque Deus concesserit omnia, Fratres
 Tam claros habeat, quàm Pater antè suos.

Placuerat FERDINANDO publicis se votis expetitum videre, & sanè quantum sui desiderium fuisset, ex præsentis omnium sensu æstimabat. Vt enim de iis, quæ parum cupiunt, parum lætantur mortales, ita non possunt non magno in desiderio fuisse, quæ, dum ex animi sententiâ contingunt, summo in pretio sunt. Quoniam verò beneficium aliquod consecutos maximè conuenit auctoris meminisse, vt supremo bonorum omnium largitori gratiæ communiter referrentur, ante omnia ad ædem sacram deduci voluit, tum demum exhibendum sibi admissurus, cum debitum Deo honorem ipse persoluisset. Mirum quan-

FERDI-
 NANDI
 pietas.

Populi in eo excipiendo studium. tum illa religio ciuium animos ceperit, cum crederent fieri non posse, ut eius infelix esset imperium, qui cum ceteris animi virtutibus coniunxisset pietatem. Primarium Gandavi templum distat sanè quàm longè à Brugenfi portâ; sed tædium viæ cum pulcherrimæ amplissimæque vrbis aspectus, tum populi studium leniebat. Multi domos suas, multi plateas excogitatis pro anni tempore ornamentis decorant: Qui sumptum affectui parem adferre non poterant, tenuitatem industriâ compensabant. Quacumque progredere, quos vel ætas, vel sexus, vel valetudo immiscere se multitudini prohibuerat, domorum fores fenestrasque & tecta ipsa occupabant, quàm Principis videndi cupidi, tam cum viderent animo gestientes. Illum paruuli noscere, grandiores ostentare; illo conspecto liberi parentibus, parentes liberis gratulari; ægri ipsi ad eius aspectum, tamquàm ad sanitatem accedere: nullus denique non ingentem voluptatem & capere animo & vultu verbisque testari.

Adit templum. Ad templum ubi peruentum est, Perillustis ac Reu.^{mus} Dominus Antonius Triefst, cui ad auitum nobilitatis decus sacram Præfulis dignitatem virtus addidit, cum sacro ordine ad limina venientem excepit, ac cruce de more ad osculum oblata in templum introduxit. Adorato numine, Diuisque loci præsidibus inuocatis, sacrum carmen, cuius initium, Te Deum laudamus, pulcherrimo vocum animorumque concentu decantatum est. Templum deinde, & quæ in eo visu sunt rara studiosius spectata.


Ducitur ad forum Caroli V. Vicina est templo curia, magnitudine suâ & operis elegantia imprimis spectabilis. Propter hanc leui flexu Principem deduxere ad forum, quod à CAROLI V. statuâ, quæ in eius medio columnæ insistit, Carolinum; à tempore, quo merces venum exponuntur, Forum diei Veneris dicitur. Perampla huius planities est: in quâ ut triumphalibus operibus initium daretur, præter opportunitatem loci hæc ratio suaserat. Varius erat de Principis profectione sermo. Non de tempore, non de viâ constabat. Nunc Antuerpiâ Gandauum, nunc per Hannoniam Artesiamque Gandauo Antuerpiam, nunc aliud secuturus iter ferebatur. Quod si non illac veniret, quâ putaretur; circumducendi quò res posceret, in vastissimâ vrbe & plurimis fluminum anfractibus intersectâ, defutura commoditas erat. Igitur prudenti consilio statuerunt eò loci præcipua triumphi ornamenta conferre, per quem, vnde vnde aduentaret, transire oporteret.


Primum triumphale opus. Eam ob causam hætenus nihil admodum nisi priuatorum conatus & ipsam ciuitatem viderat. Nunc ad forum deflecenti occurrit primum operæ publicæ monumentum. Arcus is fuit, rebus ab illo in itinere gestis insignis.

FRONS LARCVS. Vniuersa moles quadraginta circiter pedes extensa, in altitudinem sesquialteram assurgebat. Operis formam positura commendabat: nam cum eo loco situque esset, ut portam nondum transgressis, ad proximum arcum conspectus pateret; ille item ad inlequens pegma visum transmitteret; fiebat ut communicato quasi inuicem splendore, cum plura simul conspicerentur, augustiora singula apparerent. Arcus dedicatio ea legebatur,

SERENISSIMO FERDINANDO
HISPANIARVM INFANTI
FELICI, FORTI, INVICTO, PIO,
PER MARE, PER ALPES, PER HOSTES ADVENIENTI
GANDAVVM.

Dedi-







ERGŌ VENISTĪ MIHIQVE EXSPECTATA TVERI ORA DATVR?
VICIT ITER DVRVM VIRTVS TVA.



Dedicationis sententia picturarum fuit, nunc erit scriptio argumentum.

Antiquissimum Gandauensis vr̄bis notissimumque symbolum est elegantis formæ ^{Symbolum Gandauense.} virgo, quæ sepimento ligneo inclusa, leonem in gremio suo recubentem manu mulcet. Leo virginis custos, auream coronam capite, vnguibus Flandriæ labarum gestat. Singulorum sensum eum esse volunt Gandauenses. Per sepimentum, quo virgo cingitur simul & defenditur, aiunt vr̄bis suæ munitiones intelligi. Est enim Gandauum omnibus locis egregiè munitum, multis etiam propter aquas inaccessum. Virginis formam, ciuitatis pulchritudinem; leonis custodiam, ciuium fortitudinem interpretantur. Flandriæ labarum à leone teneri dicunt, tum quia Gandauum Flandriæ caput est, tum quia Gandauenses ad eius conseruationem variis temporibus plurimum contulerunt: vt fusè docent rerum Flandricarum & Gandauensium scriptores, Oudegestus, Marchantius, & benè nuper de patriâ suâ meritis Antonius Sanderus.

I. TABULA.

Id symbolum picturæ mediæ argumentum dedit. Exhibebatur eâ virgo infuetam vultu hilaritatem prodens. Septum apertum erat. Ipsa non sedens, vt solet, sed, nisi quod corpus veneratio inclinauerat, erecta, accedentem propius Principem, vt septo succederet, inuitabat. Nec nihil agebat interea leo: sed ferociæ oblitus, totusque cum dominæ affectibus conueniens, ablandiri & ipse videbatur, & inflexâ leniter ceruice venerationem obedientiamque præ se ferre, nec iam ampliùs præcipuam magnanimitatis laudem sibi vindicare; quasi non esset nescius, quemadmodum nuper, qualem

latis caprea pascuis

Intenta, fuluæ matris ab ubere

Iam lacte depulsum leonem

Dente nouo peritura vidit;

talem Sueci FERDINANDVM vidissent.

In virginis attentius ipsum contemplantis animo simul gaudium, simul admirationem crescere diceret: gaudium, dum qualis quantusque esset, perpenderet; admirationem, dum mente repeteret, quæ pericula eius in Belgas amor contemnere, quas itineris, difficultates virtus superare potuisset. Hos affectus duæ infernè innuebant epigraphæ; quarum prima,

ergo Venisti, Mihi Iq Ve expeCtata t VerI
ora Dat Vr?

Inscriptiones communes toti moli.

annum numeralibus litteris indicabat, quo tanta huic vr̄bi felicitas obtigit: altera,

VICI t Iter DVrVM VIrtVs t Va.

exprimebat annum, quo Princeps iter, & Belgarum fines ingressus est. Non enim eodem Gandauum, quo in Belgium venit. Pauca sunt hæc pro rerum dicendarum copiâ Virginis verba. Sed in inscriptionibus consultò breues fuimus, tum vt non legi tantum, sed etiam memoriâ teneri possent; tum quia intempestiuum videbatur, spectatorem, satis videndo impeditum, longâ lectione fatigare. Hic igitur habe, quod illic abfuit potius, quàm defuit.

I N A D V E N T V
S E R E N I S S I M I F E R D I N A N D I
G A N D Æ G R A T V L A T I O.

Chronicon.

ergo Venisti MihiqVe eXpeCtata tVeri
ora DatVr?



Rgo venisti, mihiq̄ue expectata tueri,
Promissi toties Principis, ora datur?
Dexter ades FERNANDE; fauet tibi terra polusq̄ue,
Et Deus aduentu dat bona signa tuo.

Ecce nitet puro diffusum lumine cælum,
Cumq̄ue tuo vultu conuenit ipsa dies.
Tuq̄ue quod in terris, hoc præstat in æthere Titan:
Tu tenebras animis discutis, ille polo.
Ecce Tibi Pariæ surgunt ad sidera moles,
Aspicias laudes in quibus ipse tuas.
In quibus armorum videas monumenta tuorum,
Atque animi pariter pignora certa mei.
Ecce Tibi festis collucent compita flammis,
Lætitia signis non caret vlla domus.
Suntq̄ue mei ciues; quod, cum duxere triumphum,
Credibile est turmas antè fuisse tuas.
Esse suum dicunt Te post mala multa leuamen,
Extendiq̄ue orant iam sua fata senes:
Et, tua quos spatiis tangit propioribus ætas,
Non sibi, Maiores quæ subiære, timent.
Atque aliquis Tyrio cum Te conspexit in ostro,
Phœbus vt in Cynthi dicitur ire iugis;
Qualis, ait, facies! quàm tanto Principe digna est!
Quàm placidæ speciem signaq̄ue mentis habet!
At bona mox alius quæ sunt maiora recenset,
Quæ carpat nullus diminuâtq̄ue dies:
Quòd Tibi, cum titulis tam sis generosus auitis,
Non tamen est virtus nobilitate minor:
Quòd decus ipse tuis addas natalibus, & quòd
Par animus generi est, par animoque genus.
Nortlingæ pugnam tum narrat; iterq̄ue fuisse,
Quæ foret alterius gloria summa, tuum:

Exci-

Excipiunt illum plausu fremituque sequentes,
 Quisque tuas laudes spes putat esse suas.
 Ipse tuus, tanto qui iam sessor superbit,
 Plausibus attonitus sæpè resistit equus.
 Tu, precor, interea totam circumspice turbam;
 Quaque venis, gaude vix reperire viam:
 Et placeat quod quisque cupit tibi proximus ire,
 Et studium populi iudiciumque nota.
 Cumque sat è vultu fuerit mens cognita, dicas:
 Cui tam sum carus, hic mihi carus erit.
 Tum subeas arcem, quâ nusquam forsitan esse
 Hospitiis possit dignior vlla tuis.
 Scilicet hæc illa est, nostro quæ præstitit orbi,
 Præstiterat summo Creta quod antè polo.
 CAROLVS hic primùm, quem nunc tenet, æthera vidit:
 Hæc domus, hæc illi terra paterna fuit.
 His cœpit reptare locis, tectoque sub illo
 Augustus tenero vagiit ore puer.
 Tu quoque in hos igitur lætus succede penates,
 Auctorem generis & venerare tui.
 Quodque illi natale solum est, tuare; velisque
 Me partem curæ, quod facis, esse tuæ.

GRATVLATIO ALTERA

A D

SERENISSIMVM FERDINANDVM.

Chronicon.

VICIt Iter DVrVM VIrtVs tVa.



I Rgo dies venit, quâ Te, fortissime Princeps,
 Victricesque manus cernere & ora licet?
 Fortunata dies, Belgarum digna quotannis
 Plausibus, & Vatum carmine digna coli.
 Illa dies nostros inimica per arua timores,
 Et Batauum ventis in mare ferre dedit.
 Battaue, si sapias, tua, dum licet, arma repones,
 Et pacem orabis quâ geris illa manu.
 Plus aliquid, moneo, solitisque potentius armis,
 Plus aliquid solito iam patiere metu.
 FERDINANDVS adest; tibi formidabile nomen,
 Ni flectas Domino colla superba tuo.

Elegia
 Sidronij
 Hoffschij
 è Societ.
 Iussv.

F

Quid

Quid paret ille tibi, campo monstrauit in illo,
 Spes vbi Suecorum vestraque fracta iacet.
 Scilicet vt timeas, potuit satis esse videri
 Durum, quo venit te domiturus, iter.
 Per mare, per montes, adituque asperrima saxa
 Duxit cum signis agmina tota suis.
 Illum & Rhæteæ videre in nubibus Alpes
 Tendere, & in summis ponere castra iugis;
 Creber vbi in præceps scopulos abruptit hiatus,
 Fluminaque horrendo lapsa fragore sonant;
 Quæ nisi pallenti nemo videt ore viator.
 Hæc animis, ferro cetera facta via est.
 Quà Sueci obstiterant, per densa cadauera venit.
 Testis adhuc ingens ossibus albet humus.
 Nec mora longa fuit, venientem fulminis instar,
 Quem non posse putat Suecus adesse, videt.
 Tantaque nox animi est; hanc sponte laceffere demens,
 Quâ perdendus erat, cœpit in arma manum.
 Audendi causæ, felix furor hæcenus, & spes
 Imperij, & Suecæ robora pubis erant.
 Dimicat Austriades, & castris exiit hostem,
 Omniaque ingenti cæde fugâque replet.
 Vicini colles, vicinæ sanguine valles,
 Et procul hinc latè sanguine terra rubet.
 Battaue sic venit, qui, quàm sic vincere, mauult
 Parcere, si vinci forsân amore potes.
 Sic venit, monuitque alio te victor in hoste:
 Tantaque confecit dum tibi bella parat.
 FERDINANDEI sunt hæc primordia Martis.
 Sic iuuenis veterum contudit arma Ducum.
 CAROLE, vosque atavi Reges, magnique PHILIPPI,
 Quæcumque æthereæ vos tenet ora plagæ,
 Spectate è cælo, & tanto gaudete Nepote,
 Qui quâ venistis tendit in astra viâ.
 At nobis tecum simul omnia gaudia Princeps,
 Ipsa etiam tecum est visa venire salus.
 Salue ingens animis, ingens virtutibus Heros,
 Sospite quo sospes Belgica semper erit.
 Certa fides: mens hoc sapiens innataque stirpi
 Austriacæ virtus spondet, & ipse Deus.
 Talis Alexander, cùm debellare Darium
 Cœpit, & Euphratem sub iuga traxit, erat.
 Talis erat Proauus, cùm Rhenum victor & Albim,

Et tenuit Libyci littora capta freti.
 O quoties Tibi, seu domitas subieceris vrbes,
 Seu valido aduersas fregeris ense manus;
 Iam castris assueta tuis Victoria laurum
 Ad sibi dilectum deferet ipsa caput!
 O quoties hæc scuta Ducum, galeasque comantes
 Atria formosâ figet ad alta manu!
 Pictaque signa feras, auulsaque rostra carinis,
 Heu nimium velis hætenus ausa suis!
 I felix tua quò te virtus, Regie sanguis,
 Famaque vincendo iam Tibi parta vocat.
 His rerum auspiciis maior Tibi nascitur ordo,
 Non leue principiis talibus omen inest.
 Tempus erit cùm Te Nereus, amnesque Bataui
 Victorem agnoscent, terraque capta suum.
 Seu quicumque alius Te per fera bella laceffet,
 Exuias domito semper ab hoste feres.
 Eueniet. Martemque & auitas laude columnas
 Excessisse, tui meta laboris erit.

FERDINANDI iter, uti hic versibus, ita illic picturis exprimebatur. Quas antequàm explanem, dabit hanc mihi veniam Lector, ut enucleatiùs postremos superioris elegiæ versus expendendo, communis lætitiæ causam repræsentem.

Annus ferè est, cùm hoc poemà cum quibusdam aliis huic operi præmissum, & in lucem editum est. Et ecce quasi ab Apolline Delphico dictatum esset, ita non bona tantùm præfagia, ut pleraque aliorum, (quos omnes FERDINANDI felicitas veraces aliquando faciet) sed certa & expressa rerum futurarum vaticinia videtur complexum. Adeò non abs re Vates Poëtæ dicuntur. Ut verò ordine singula prosequamur, tertio à fine disticho sic habet:

Tempus erit cùm te Nereus, amnesque Bataui

Victorem agnoscent, terraque capta, suum.

An non idipsum est quod fieri vidimus? An non Nereus FERDINANDI fortunam sensit, cùm quidquid hætenus eius auspiciis in mari gestum est, id ferè omne prosperè nobis feliciterque euenerit? Taceo naues modò singulas, modò plures, non minori emolumento quàm gloria expugnatas, atque hostibus ereptas. Taceo commerciorum vsum inter ipsos non mediocriter impeditum. Taceo itinera, quò nostri intenderant, feliciter confecta. Vnum instar omnium sit. Soluerat nuper Dunkerckâ Regia viginti nauium classis ductu Amplissimi Domini Ioannis de Gauarelles: quem virum pietas in Deum, fides in Regem, amor in patriam, prudentia rerum gerendarum fortissimum in togâ militem fecit. Ea, cùm post aliquot dierum nauigationem, celeberrimam ac sumptuosissimam Hollandorum in Septentrionali Oceano piscationem turbasset; naues supra nonaginta demersisset; bellicas ad illarum custodiam oppositas, quæ expugnasset, quæ in fugam dedisset; plurimos, pro nauium depressarum numero captiuos cepisset; tandem propiùs Hollandiam vento acta, in

G

hosti-

Victoria
mar-
tis-
ma FER-
DINAN-
DI.

Expedi-
tio Ioan-
nis Ga-
uarelles.

hostilem classem haud paullò se maiorem incidit. Imminere atrox, & quoniam numero ce-
 debant nostri, periculosa pugna videbatur. Sed vbi virtute res geri potest, parum multitudo
 aut fortes terret, aut timidos iuuat. Hollandus, quasi satis ausus, quòd in conspectu venisset,
 contractis velis subsistit. Nostri eam moram ignauiam, vt erat, interpretati, vltro cunctan-
 tem inuadunt; segniter se defendentem disiciunt; multum damni inferunt, nihil acci-
 piunt: dubium maiorine suâ gloriâ, an hostium probro. Illis enim, præterquàm quòd &
 copia nauium fiduciam, & damnum suis illatum vindictæ cupidinem augere debuisset,
 venti etiam, quorum ad naualem victoriam maximum momentum est, obsecunda-
 bant. Ita volente Numine, simul vt victoria solâ virtute parta nostrorum fortitudinem te-
 ftatorem faceret, simul vt omnes manifestius viderent, quàm inuidi essent, qui sub
 FERDINANDI auspiciis pugnarent. Quemadmodum enim (vt à nauibus non recedamus)
 ad prosperum nauigationis cursum, singulorum quidem nautarum in exequendis ministe-
 riis sedulitas multum conducit, præcipua tamen penes gubernatorem & cura & laus est;
 ita in negotiorum bellorumque administratione quidquid prosperè euenerit, potissima &
 maxima supremis rectoribus gloria debetur: qui, vt quondam Fronto Romanus orator
 non ignobilis dixit, quasi longissimæ nauis gubernaculis assidentes, velificationem & cur-
 sum etiam procul absentes administrant.

Batavia
descri-
ptio.

Sed non feliciores mari quàm terrâ FERDINANDI Duces videas: per illos Nereus, per
 hos Batavi amnes eum victorem agnouere. Batavia fertilissima celeberrimaque Hollandi-
 cæ ditionis insula est. Eam Rhenus, teste Tacito, & Oceanus olim efficiebant: nunc Rheno
 ambitur. Hic vbi per plura ostia mare subiturus se diuisit, vti diuersos alueos habet, ita plura
 quoque nomina fortitus est. Quà Neomagum versus deuoluitur, Wahalis; quà Arhne-
 mium, retentâ aliquamdiu veteri appellatione, vbi præterfluxit urbem, Lecca dicitur. Regio
 media Batavia est, nusquâ lata; verum vbi Rhenus in cornua sese aperit, in longè arctissimas
 fauces compulsa. Hisce angustis à Martino Schenckio quondam impositum, ab Hollan-
 dis variis operibus amplificatum munitumque castellum, simul fluuiis imperitabat, simul
 Bataviam tuebatur. Sed nihil est aut tam arte munitum, aut loci naturâ inaccesum, quò
 Imperatoris nostri felicitas non penetret. Illud insuperabile, vt credebatur, propugnacu-
 lum, ille Hollandiæ obstructissimus aditus, illa certissima Rheni tutela, non multorum
 militum pecuniarumque dispendio, non longâ ac difficili obsidione, sed vnius noctis labo-
 re in nostram potestatem venit: & cum multis antehac annis vix nostra seruare magnis
 exercitibus potuerimus, nunc paucarum cohortium Virtute, tantum hosti præsidium, &
 vt ipse ait, clauim Prouinciarum suarum eripimus. Perinde quasi FERDINANDVM non
 comitata tantum, sed & præstolata esset in Belgio victoria. Dubites tamen maiorine glo-
 riâ captum Schenckianum sit, an hætenus retentum. Sanè

Quid. a.
de art.

& maio-
ri virtu-
te hæte-
nus ser-
uata.

Non minor est virtus, quàm quærere, parta tueri.

Illud nonnumquàm fortunæ adscribitur, hoc prudentiæ ac fortitudinis opus. Quid
 si plurima difficultatem augeant? Ea hic adeò fuere multa, vt, qui magis quid ser-
 uandum esset, quàm qui seruarent, attenderet, de successu timeret. Remotissimæ
 nostræ, vicinæ hostium vires & vrbes erant. Ad manum illis omnia, nobis summo labore
 comportanda. Longa itinera; difficilis commeatum subuectio; intutæ, vt in hostico, sta-
 tiones; periculosa pabulatio; pabuli penuria, nonnumquàm defectus. Hostis intercæ op-
 pugnationi instare; & vti, dum cor petitur, totas naturâ vires exerit, summâ operâ adniti:
 impres-

impresiones frequentare; fodere; armis, consilio, tormentis, nauibus omnia tentare; nihil aut industriæ aut contentionis omittere. At his omnibus ita FERDINANDI prouidentia ^{FERDINANDI prouidentia.} occurrit, ut nec annonæ difficultas, nec locorum iniquitas, nec irremissus pugnandi, proficiscendi, munitiones exstruendi labor militem nostrum fregerit, nec hostis tanto conatu quidquam effecerit, nisi ut perspectâ recipiendi, quod tam facile amiserat, castelli difficultate, acrius de iacturâ doleret. Non tamen nihil (et si nullâ eius laude) non, inquam, nihil in Schenckiano damni acceptum est. Einhoutium, cuius ductu atque operâ expugnatum ^{Einhouty mors.} fuerat, in eius defensione amissimus. At laudandum magis quàm deplorandum talis viri lethum, qui idem habuit gloriæ suæ mortisque monumentum.

Hæc ad Rhenum Wahalimque. Quid ad Mosam? Non multò dispar fortuna fuit. Is & ipse Batauiæ munimentum, quâ maximè hostibus parebat, noster factus est.

Geneppij arx, quæ flumini adiacet, cum id prohibere iure non possent, armis non audent, occupata. Dein, quasi per otium (tanta securitas erat) munita, propugnaculisque ac milite firmata. Ira Mosâ velut Rheno commissus. Nec minore commodò hîc erectum, quàm illic expugnatum fortissimum castellum est. Velint Superi, ut tantis hac parte præfidiis firmata fidelis Belgij fortuna numquàm collabascet: in hostium iugulo sumus: ad vitalia telum peruasit; quâ potest adigatur. Excitet nos illorum vigilantia, instiget dolor, sollicitet cura. Quantum vicerimus ex illorum sensu æstimemus. Nostrum nobis lucrum non minoris sit, quàm sua illis iactura. Id agamus, ut ille victoriæ non terminus, sed gradus sit, breuique Batauus non tam munitum se fluuiis suis videat quàm inclusum.

Fluuiorum occupationi vincendam terram Poëta coniunxerat. Terræ quàm multum ^{Geldria & Cluiæ oppida præfidiis munita.} hoc item anno recuperatum est? Iam plurimæ Geldriæ ciuitates præfidiis nostris tenentur. Iam Cluiua nobis inferuit. Iam omnis intra Mosam & Wahalim terra, hosti ad colligendos deducendosque quolibet milites, ad ponenda castra, ad subuehendos commeatus aptissima, nobis ea commoda subministrat. Iam Limburgum, ex septemdecim Prouinciis ^{Limburgum recuperatum.} altera, & quæ ei adiacet Trans-mosana regio, veterem Dominum agnoscit. Iam tota belli moles à nobis auersa, illis, quibus debet, incumbit. Hosti non modò noster, sed & suus miles grauis. Illum foris sibi imminentem; hunc, quoniam cetera erepta sunt, in visceribus patriæ suæ hibernantem videt. Denique cum apud nos sudum sit, illi nubes & eruptura mox è nubibus fatalis procella impendet. Adeò nihil nimium de FERDINANDO potuit nobis potestque promitti. Sed transeamus ad alteram (sic enim libet vocare) vaticinij partem: non enim vereor ne extra rem loqui videar, cum de FERDINANDO loquor; errare non possum, dum in eius laudibus verfor. Cum, quæ memorauimus, Poëta præfagiisset, subiunxit:

Et, quicumque alius te per fera bella laceffet,

Exuias domito semper ab hoste feres.

Lacefsiuit & alius per bella FERDINANDVM. Sed ut multiplicatis hostibus gloriosius vinceret. Cum numero copiarum esset inferior, defectum militum virtute suppleuit: quodque de se Græcus iste iactabat, ipse pro exercitu fuit. Quod nouum victoriæ genus est, vicit nolendo pugnare, tantò maiori cum gloriâ, quantò plus sibi, minus fortunæ debet: ut nihil illa de laude detraheret, nihil illi commissum est. Non prælio (in quo sæpè non minus casui, quàm virtuti licet) sed consilio peracta res est. Milites, quamquàm digni, qui pugnando vincerent, cedere iussi sunt. Norat FERDINANDVS se, cum suis parceret, hostes atterere: in impetu illis vim esse: si eludere possis, plus terroris quàm periculi habere: cun-

Etatione languescere, & si nihil aliud accedat, morâ ipsâ & militiæ labore interire.

Ergo cùm exercitus magnitudine, & fortunæ sub initium nonnihil adspirantis fauore, non tam ad bellum, quàm ad victoriam se ire arbitrantur; tandem aliquando fateri debuerunt, ferociores se fuisse quàm prudentiores. Cuius terræ iam tum se dominos credebant, eam miseri non nisi mortui tenuerunt: vbi se tropæa fixuros confidebant, ægrè tumulum, nec nisi per alienam misericordiam, repperunt. Vtque præter damnum etiam ignominiam referrent; cùm ante Louaniensem urbem (de Thenensi enim taceo, quoniam de eâ sine nimio hostium dedecore loqui non possum, neque cupio benignissimi Principis laudibus crudelissimi excidij narrationem admiscere) cùm, inquam, ante Louaniensem urbem, vix aliis propugnaculis, quàm Præfecti sui D.ⁿⁱ Baronis de Grobbendoncq, militumque non multorum, sed fortissimorum, virtute munitam, decem dies nequidquam hæsisent; vtrò obsidionem soluere coacti, qui toti Belgio exitum minati fuerant, de propriâ salute laborarunt: læti, post multa millia fame, morbis, ferroque consumpra, si impunè ceteris abire liceret. Hic exitus illorum fuit, qui Belgio, sub tanti Imperatoris tutelâ posito, bellum intulerunt.

Sed nunc ad propositum, à quo nos tum FERDINANDI gloria, tum iucundissima discussi per eum periculi memoria non inuitos abduxit, aliquando reuertamur.

Post explicatam Gandæ gratulationem, proximum erat, vt FERDINANDI iter prosequeremur. Erat id in ceteras tabulas distributum.

II. T. A.
BVLA.
FERDI-
NANDI
DVS NA-
uigar in
Italiam,

Prima discedentem ab Hispaniâ nauigantemque referebat. Nauigatio, vt infidum semper mare est, periculo non caruit. At nimirum viros supra communem mortalium sortem in excelfo positos, suos quoque potentior Genius, & non vulgaris felicitas comitatur: neque eadem institorum nautarumque, & summorum Principum conditio est. Iulius Cæsar exemplo fuit. Is hyeme nauigans, cùm superante artem tempestatis vi, rector navis de salute desperaret, Nihil, inquit, est quod timeas, Cæsarem vehis, Cæsarisque fortunam. Nec iactantior, quàm felicior fuit. Fecit euentus hominis de se æstimationi fidem. Quod ille sibi arrogauit, FERDINANDO Superi concessere. Nauim, quâ portabatur, securam præstitit onus suum. Cùm inhorresceret nonnumquam mare, tandem, quasi tantum caput reuerteretur, strauit fluctus; & venti sæuitiam posuere. Ea picturæ subdita Epigraphe est:

fauenti-
bus Sa-
peris.

Ex lib. 8.
Æneid.

VENTIS ET DIS VENIT ILLE SECUNDIS.

Pictura
ex vest-
rum fa-
bulis de-
sumpta.

Deos secundos fauentesque, & Regiam FERDINANDI triremem, humeris certatim propellentes appinxit pictor, ad eum modum quo apud Virgilium alteram quamdam

omnis

lib. 5. Æn.

Nereidum Phorci que chorus, Panopæaque Virgo,
Et pater ipse manu magnâ Portunus euntem
Impulit.

Eam Deorum turbam mari veteres tribuerunt, quod neque immane illud elementum extra Numinis prouidentiam esse, neque in vnicam mentem vniuersorum aut curam aut imperium cadere posse autumarent. Stultè id quidem, cùm diuinam sapientiam potestatemque iisdem ferè, quibus humanam, angustiis circumscripsere: rectius tamen quàm ille, quem amici naufragium eò impatientiæ egit, vt diceret:

Proper.
l. 3. elc. 6.

Non habet vnda Deos.

Sunt



VENTIS ET DĪS VENIT ILLE SECUNDIS.



Sunt enim vbique Diuis curæ res mortales, & in ipsis fluctibus non tam gubernatoris manu, quàm Numinis prouidentia nauës gubernantur. Vndarum motus, quibus nihil instabilius; ventorum flatus, quibus nihil incertius, non minùs, quàm cælorum orbes, stabilemque terræ molem suprema Mens moderatur. Quæ vt FERDINANDVM nobis incolumem daret, quoniam fortassis aliquid Belgicæ vota contulerunt, ea adiungimus.

E L E G I A

A D B E L G I C A M

D E

SERENISSIMI FERDINANDI

EX HISPANIA IN ITALIAM

N A V I G A T I O N E.



Re parat dubias FERNANDVS classè per vndas:

Vota fer ad magnum Belgica ritè Deum.

Nam tu causâ viæ: te propter, patria Regna,

Te propter, Fratrem deserit ille suum:

Cumque aliter nequeas, quàm quâ finit æquor, adiri,

Æquoris incertas sustinet ire vias.

Scilicet hîc aliquid forti debere necesse est:

Virtutis totum, quod superabit, erit.

Sed malè (me miserum!) ventis, malè fiditur vndis.

Oceano constans non solet esse fides.

His tamen ille suam credit sustinere salutem,

Spesque per incertas tanta feretur aquas?

Et tota à fragili pendebit Belgica ligno;

Et tantùm felix, si volet Auster, erit?

O vtinam Diuis soluat ratis illa secundis,

Sentiat & magni, quem vehat, vnda maris,

Et commissâ sibi populorum vota duorum.

Deferat ad portus, Ausoni terra, tuos!

O vtinam venti veniant in vela ferentes,

Et faciant celerem remus & aura viam!

Quæque regunt nautas, numquàm fulgere sereno

Sidera deficiant officiosa polo!

Tyndarei fratres, formosæ pignora Ledæ,

Præcipuè vobis conuenit illud opus.

Nam quod tu cælo Pollux cum Castore, terris

Hoc cum Fratre, ratis quem vehit illa, suo est.

Qui fuit in vobis, vinclo qui vestra perenni

Iunxit, & illorum pectora iungit amor.

I

Vos

Vos immortales fecerunt fata, nec illos
 Gloria permittet posteritasque mori.
 Vos iubare & radiis genitor circumdedit aureis,
 Hos genus illustres & sua vita facit.
 Sidus sollicitis vos estis amabile nautis,
 Gratus hic populo sidus vterque suo.
 Denique quâ Virtus olim vos duxit, eâdem
 Hos quoque, sed serò, ducet in astra viâ.
 Vos igitur, cui se nunc horum credidit alter,
 Ne finite in mediis puppis vt erret aquis.
 Audior? an totus tenebris inuoluitur aër?
 Nox fugat atra diem, nubibus astra latent;
 Insurgunt venti, tolluntur in æthera fluctus,
 Exitium tumidæ triste minantur aquæ.
 Hoc, Superi, prohibetê nefas, Hispania quotquot,
 Et non auersos Belgica quotquot habet;
 Et seruaturum populos seruâte, nec vnum.
 Fluctibus his perdi credite posse caput:
 Belgica naufragium puppi patietur in illâ:
 Hei mihi! si frustra tot modò vota facit.
 Hei mihi! si vestras frustra procumbit ad aras,
 Et spargit lacrymis omnia templa suis;
 Si veniâ nondum digna est vestroque fauore,
 Imperio dignam quam putat ille suo.
 Nequidquam timeo. Redeunt sua sidera cælo,
 Et rabiem Ducis ponit, & vnda suauit.
 Per mare nunc VENTIS ET DIS VENIT ILLE SECVNDIS;
 Nunc portum è summâ nauita puppe videt.
 Felicem terram, quæ gaudia debita Belgis;
 Præcipiet, felix, quod premet ille, solum.

*Genuam
 appulsi
 FERDI-
 NAN-
 DVS.*

*Profici-
 scitur
 Media-
 lanum.*

Genuense id fuit, ad quod sub initium Maij anni M. DC. XXXIII. appulit, cum ante medium Aprilem Barcinone soluisset. In mediâ viâ ad diuersas insulas portusque hærendum fuerat, tum auræ ac ventorum, tum Ducis Sabaudia, quem in portu Villæ-Francæ conuenit, salutandi causâ. Inde continuato cursu Genuam, & post paucorum dierum eâ in vrbe moram, Mediolanum perrexit. Hic diutius cum ageret, id effecit, vt eum Belgæ ardentius desiderarent, Mediolanenses ægrius dimitterent. Vt enim ignoti boni nulla est cupido, ita iam explorati, semelque possessi difficilis est iactura. Sæpè patientius desiderata non obtinemus, quàm obtenta dimittimus. Præualuit necessitas Belgarum. Plus calamitatibus nostris FERDINANDVS tribuit, quàm Insulbrum votis, gnarus optimi quidem Principis esse, omnes cupere beatos; sed prudentissimi, maximè indigentibus succurrere; & instar medici, vulnera, quæ curanda sunt, coràm inspicere. Coacto sub æstatem anni M. DC. XXXIV. florentissimo quâ Hispanorum, quâ Italarum exercitu (iam enim



INVIA VIRTUTI NULLA EST VIA.



enim ille, quem Dux Feriensis ad sternendam viam in Alsatiâ duxerat, occultâ Fridtlandi perfidiâ progressu impedito, & robur & Ducem amiserat) in Germaniam contendit.

In Germaniam tendit.

ITALIA BVLA.

Quale id rursus iter, quàm durum, quàm molestum! Alpes, quâ parte asperrimæ sunt, emensus est. Per loca singulis hominibus non sine labore peruia, ingentem cum impedimenti exercitum traduxit. Curtius in iudiciis æquè ac scriptione sincerus, Alexandri sui non prælia magis, quàm itinera commendat. Ciliciæ fauces, Persidos aditus, Caucasum, & quæ ad illum obnoxia Boreæ loca superata, in illustrissimis victoriis ponit. Eadem Vegetij, aliorumque sententia est, afferentium non minùs requiri, ut exercitum proficiscentem, quàm ut pugnantes dirigas. Hoc militis, illud Ducis esse. Quàm pauca autem itinera reperias, quæ Alpium traiectionem difficultate exæquent? Sed ut has inuictus ille exercitus feliciter transmitteret, & militum robur fecit, & providentia Ducis: qui cum, ne suis quid deesset, prospiceret, pudebat illos Duci deesse; pudebat hostem superaturos rupibus & saxis cedere. Si quando grauior labor incideret, si molienda priùs quàm ineunda via, ad Imperatorem se conuertebant. Fatigatas vires eius aspectus recreabat, neque tædebat imperium exequi, dum exemplum viderent. Denique cum FERDINANDVM ad gloriam, & ad salutem populorum festinantem nihil moraretur, nec æmulantem eius animos militem quidquam tardare potuit: ut enim epigraphæ ferebat,

Per Alpiter.

Tabula inferiptio. Ouid. 14. Metam.

IN VIA VIRTUTIS NULLA EST VIA.

De quo argumento simulque de eâ quæ profectionem præcesserat mora, non longiori quidem quàm necesse esset, sed quàm cupidissimi optabant Belgæ, elegiam subnecto.

ELEGIA

AD

SERENISSIMVM FERDINANDVM

DE MORA

EI IN ITALIA INIECTA

ET

ALPIVM TRANSMISSIONE.



Vmpe moras, FERNANDE, manus tibi Belgica tendit,
 Tam tibi, tam Fratri Belgica cara tuo:
 Et (quamuis Moncada nihil finit esse timendum)
 Nescio quo sine te fluctuat illa metu,
 Et plus à tanto (quamuis nihil ille reliquit
 Armis quod potuit consilioque geri)
 Plus tamen, ut par est, à tanto Principe sperat.
 Est aliquid, Diuûm ducere stirpe genus.
 Nec minùs infelix sibi te Germania poscit,
 Indiget auxiliis nec minùs illa tuis.
 Te vocat assiduus, ô Princeps, vtræque votis;
 Dinumerat lentos vtræque mœsta dies.

K

Vtra-

FERDINANDI INFANTIS TRIUMPHALIS INTROITVS

Vtraque cùm vocat hæc, cur te tenet Itala tellus?
 Cur magis illius vota precesque valent?
 Cur regio felix damno manet vna duarum,
 Plus iusto nostris perfruiturque bonis?
 Iam certè discessit hyems; iam frigore pulso
 Aptaviatori tempora veris eunt:
 Iam tibi miles adest summo Duce dignus: Iberis
 Adiunxit turmas terra Latina suas.
 Rumpe moras igitur; populis nec ferre salutem,
 Nec dubita laudes accelerare tuas.
 Quid loquor? obfistit nobis natura; voluntas
 Nec sua FERNANDVM, sed graue tardat iter.
 Quoque minùs veniat, tangentes vertice cælum.
 Impediunt Alpes, impediuntque niues.
 Hoc est, infidi quod post discrimina ponti,
 Post dubios timuit Belgica sæpè notos.
 Sed frustra timuit. Nam quod natura negauit,
 Hoc illi virtus iam sua pandet iter.
 Nempe licet forti quouis penetrare: nec vlla
 Intuitu virtuti difficilisque via est.
 Quis teneat volucrem, ne tendat in æthera, flammam?
 Quis faciat nimbis fulminibusque moram?
 Quis clausum cæcis vetet exspirare cauernis,
 Et cælo Boream liberiore frui?
 Quis, quæ non superet virtus, obstacula ponat?
 Semper vel reperit, vel facit illa viam.
 Hac duce FERNANDVS per montes nubibus æquos,
 Incola quos tuto vix subit ipse pede,
 Per rigidas cautes & inhospita saxa, geluque
 Obsita perpetuo per loca carpit iter.
 Hac duce præcipites contemnit rupium hiatus,
 Nec timet abruptas per iuga summa vias.
 Et quò consuetas pasci per saxa capellas
 Vix ageret pastor, hîc sua castra locat.
 Scilicet ad magnos sic tendimus, inquit, honores:
 Ad famam mollis non solet esse via.
 Principis exemplo miles non segnior instat;
 Et pudor est tardè, quò præit ille, sequi.
 Ante alios festinat Iber, fortemque probare
 Iam tum præcipuè se studet ille Duci:
 Et mediis dum pender adhuc in rupibus agmen,
 Iam tum pugnandi tempus adesse cupit.
 Iamque animos, iamque arma parat, iam concipit iras,

Prædicit tristem iam tibi Suece necem.
 Suece cades, inquit; meritas dabis improbe pœnas,
 Addidit & vires qui tibi cumque suas.
 Nec minùs, iniusto nisi vis desistere bello,
 Bataue fatalis Mars tibi nofter erit.
 Sic ait, & durum minuit spes illa laborem.
 Cælicolæ dictis pondus inesse velint.

Quàm de virtute suâ confidebat FERDINANDI miles, tam de Superùm fauore securus erat, cum sibi & Imperatoris sui pietatem, & causæ, pro quâ pugnaturus erat, æquitatem proponeret. Superatis Alpibus, Tyrolensique comitatu emenso Bauariam ingressus, cum & urgente rerum statu ad amicorum auxilium, & sponte ad victoriam properaret, regionem peruasit eâ celeritate, ut non tam incedere, quàm rapi agmen videretur; eâ disciplinâ, ut appareret non prædatrices illas, sed auxiliatrices copias esse, nullis, nisi hostibus formidabiles.

III. Kal. Augusti Donauertam peruenit. Donauertam & Ratisbonam vrbes ad Danubium sitas, FERDINANDVS Hungariæ Rex armis receperat; ad Nordlingam castra habebat, urbem prælio mox secuto, quàm suâ antehac famâ nobiliorem. Non procul inde hostis confederat, dubius rémne prælio tentaret, an cunctando traheret bellum: & incerta certis præponendo daret operam, ut quos sine periculo aggredi non posset, obsessione viarum & comituum interceptione fatigaret. Suadebat postremum Hornius, negabatque tot annorum labores & victorias paucarum horarum fortunæ committendas; nec vnus vrbs conseruationem, totius exercitus discrimine quærendam esse. Nordlingam etsi amitterent, habituros se tamen maximam Germaniæ partem in potestate: exercitu deleta, omnia victoribus cessura. Non esse quod belli pœniteat, si quæ hæcenus cepissent, seruare possent. In eo victoriam ponendam, si non vincantur. Multos dum cupidius quàm prudentius noua acquirere laborant, ea quæ parauerant è manibus amisisse. Nec magis laudandos Duces qui ab incerto prælio, quàm aleatores qui ab vno tesserae iactu omnes fortunas suas possessionesque pendere volunt. Ad hæc cum numquàm non ambigua pugnae fors sit, hostem (si vera referantur) numero superare: sin autem, facilius eius & reprimi cursum & atteri vires posse. Denique si configere placeret, non addendam consilio ancipiti noxiam semper præcipitationem. Othonem Rhijn-grauium cum quatuor peditum, duobus equitum millibus vix diei itinere distare: id subsidij non sine temeritatis notâ neglectum iri. Nimiam fiduciam sæpè calamitatis initium fuisse. Contrà Wimarientis Dux (penes quem imperij summam Sueciæ Cancellarius Oxensternius esse voluerat) ut erat præfidenti ingenio, inuadendum sine morâ hostem sentiebat. Cunctationi locum esse, vbi vel non necessaria pugna, vel dubia multum victoria sit. Regem Sueciæ non cunctando, sed pugnando tantum terrarum subegisse. Illas non aliter seruari, quàm partæ sint. Non de Nordlingâ, sed de famâ agi. Quam si amitterent, haud multò minorem, quàm si vincerentur, iacturam fore. Duas in conspectu suo vrbes sibi ereptas. Si tertiam occupari sinant, fatendum aut vires sibi ad auxilium, aut voluntatem defuisse. Hoc si ceteræ in animum inducant, quid causæ fore cur contra hostem resistent, cum intelligent celeritate deditionis æquiores condiciones, obsidionis tolerantiam nullas suppetias expectandas esse? Multa addebat, magis pro fe-

rociâ animi,quàm militari prudentiâ. Qui fiduciam facerent, adesse exercitatisimos & cupidissimos pugnae milites, Sueciâ Germaniâque robur. Utendum feruore, qui pro felici omine sit. Victoriâ viribus, non numero constare. Neque tamen se, post Comitum Cratlij & Wirtenbergensium militum aduentum, pauciores numerare. Decepsisse multum præteritis obsidionibus de Regis Hungariæ copiis. Debilem esse foederatorum sub Lotharingo exercitum. Cardinalem non ultra quinque peditum, duo equitum millia adducere; atque ea non tam militum quàm mendicorum: quibus vix ad iter vires suffecissent, nedum ad pugnam superessent. Quamobrem quid necesse Rhingrauium expectari? periculosam moram esse. Urbem ad extrema adductam. Eam magis expectatione præsidij, quàm suis munitionibus defendi. Si tam fortibus eius propugnatoribus promissam opem non ferant, daturos se causam cur à suis aliquando deferantur, qui eos, cum iuuare possent, prius deferuerint. Hæc memoranti Wimariensi assentiebantur quidam. Alij qui consilium non probabant, imperium audiebant.

Decernunt acie confingere. Monent castra,

Decretâ pugna, castra mouent: primum ut dissimulato consilio hostem impariorem reperirent; Vlmam versus: mox obliquo itinere Nordlingam deflectentes, instructis ordinibus ad Catholicorum castra appropinquant. Id ubi nuntiatum, simulque cognitum pugnaturos aduenire, mirari nostri audaciam, mox de temeritate lætari. Siquidem postquam se Cardinalis cum Hungariæ Rege & Lotharingo coniunxisset, nihil magis timuerant, quàm ne timerentur; cumque acie certare cuperent, existimauerant quærendum sibi hostem non expectandum. Iam enim & numero superiores erant, & Cardinali in Belgium maturanti expediebat res Germaniæ confici, credebantque hostem, si prælio vinceretur, bello quoque victum iri: neque postea difficile fore Hungariæ Regi victricia arma quò vellet circumferre, & victoriâ partâ illius quasi fructus colligere. Ergo cum detrectare hostis, nos optare prælium deberemus, fecit ipsius præfidentia, ut non tam è re suâ, quàm è voto nostro bellum administraret, pugnaeque non tantum copiam faceret, sed etiam necessitatem imponeret. Nimirum cum sua plus æquo extolleret, quæ ad hostem accesserant subsidia, dignè non aestimabat: quasi nesciret & de quâ gente essent, & sub quo Duce venirent. Cum in Suecico exercitu spes, in Austriaco maius robur esset, illi ad inuadendum hostem, hi ad excipiendum se parant, ambo nec de ineundâ fortiter pugna, nec de obtinendâ victoriâ dubij. At paris consilij ac spei quàm dispar ratio? Solet ut plurimum euentus belli causam sequi, & velut æquus iudex, pro quo ius facit, ei victoriâ dare. Ius vnde staret, quis nisi iniustus ambigat? ab his defendebatur suum, ab illis alienum imperium contra fas impetebatur: his religionis conseruatio, illis euerfio cordi erat: hi asserendæ in libertatem Germaniæ, propulsandæ vlciscendæque iniuriæ voluntatem; illi spoliatorum templorum, trucidatorum mortalium, excisarum crudeliter urbium conscientiam adferebant. Hinc denique Austriaci, illinc Sueci stabant: Sueci longo militiæ usu, & audaciâ multis successibus confirmatâ freti; Austriaci cum victoriâ à virtute suâ sperare possent, magis tamen à Diuinâ indulgentiâ expectabant, gnari nec impietatem diu felicem, nec infelicem pietatem esse.

mirantibus & lætantibus Catholicis.

Expenditur virimque rei momenta.

Virimque in pugnam ardent.

Sapè euentus causam sequitur.

Causa virimque apponuntur.

Imperatores muneri sui partes explent.

Sic constitutis animis, & in tam dissimili causâ, simili fiduciâ erectis, par quoque cura & sollicitudo erat. Imperatores, Duces Tribunosque conuocare; consilia de summâ re maturè inire, hostilia indagare; casus prospicere; euentus expendere; qui explorent aditus, quique occurrent mittere. Quæ omnia licet prælium commissuris haud inueta, in FERDINANDIS tamen

DELINEATIO ACIEI ET PVGNÆ AD NORTLINGAM VI. SEPTEMBRIS. A° M. DC. XXXIV.



A	NORTLINGA a Casareis obsessa.	à Petri de Cardenas.	ferendi aliquantulum admittunt, dum interim re	D	COLLIS unde hostes post septendecim vrupitio	10	Legio Germanica Lesien.	Tandem productus omnis cruxus Equitum maior	
	Campis in quem copæ Catholicorum de quanta	Legio Neapolitana Principis S. Sueri.	liqua hostes collum aggrediuntur.		31		Legio Hispanica Maritum de Hydaque.		partem totius capta 80. curvus bellis: 80 impedi
	Septemb. ab occasu solis usque ad ortum sequen	Reliquæ copæ Casareæ et Liaz Catholicæ sum	Copæ hosti oppositæ in dicto campo.		32		Legio Neapolitana Gasparis Toraldi.		mentorum curris ad certum, vigilia ad tercen
	tes colliguntur.	mi mane diei sextæ Septembris huius colliguntur.	Dux Lotharingus et Comes Ioannes de Wiert		33		Legiones Comitis de Salms et Wormesser.		num
	Serenissimus REX HUNGARIÆ ET CARDINALIS	Impedimenta et sacrorum Serenissimorum Regis	cum corpore Electorum et Principum Imperij.		34		Cesariorum in subitum.		Equites Pedites
	HISPANIARUM INFANS.	Hungariæ et Cardinalis Infantis.	Marchio Spinola Generalis Profectus equiti		35		Legiones Longobardicæ Comitis Pannigarioli		6000. 7000.
	Cohortes ad custodiam Serenissimorum Regis	Campis in quo cum hoste pugnam.	Hispaniarum et Paulus Denici Locumtenens		36		et Caroli Guaschi.		SER. INFANS CARD. 3500. 12000.
	Hungariæ et Cardinalis Infantis.	Castra hostium trium horarum videri a Nortlinga.	cum aliquot turmis Hispanis.		37		Pedites mille selecti ex Casareis.		Dux Lotharingus 1000. 3000.
	Legio Lotharingiana Maritima Liman.	Iter Vltimæ simul hostis die quarta Septembris.	Horæ decima matutina.		38		Hora vnderam Catholicis undique in hostem v		12.500. 22000.
	Legio Hispanica Comitis Fuenclara.	Impi meridiem huius aciemque explicat.	Pedites Hispani 300. ex Legionibus Com. Fuenclara.		39		ruentibus Dux Weymar ad alios subsidio pro		Weymar 4500. 5000.
B	Marchio de Cornu Tormentorum Cesariorum	Prima nocte silium hostis aggrediuntur, eamque	Eques Cezareus.	27	Muci equites ex Cesariorum et Hispanis.	E	Gustavus Horn 4000. 2100.	Cratz 800. 3000.	
	Generalis Profectus.	media nocte totam occupant.	Eques Cezareus levis armaturæ.		28		Gerardus Gambiactoria cum equite Neapolitano.		Wirtembergensis 1000.
	Legionis Burgundicæ Comitum De la Tour et De	Munitiones terre calidæ nocte ab hoste confusa.	Insidit postea ad impediendas suppetias hostis		29		Burgundus et Cesaris primas hostium congressus		9300. 13300.
	Affrich.	Turma equitum huiusmodi post subitum offensus.	les vrbis inferunt.		30		in colle exopto oriente Sole.		
	Legionis Neapolitanae Marchionis Turrazzi.				31				
					32				
					33				
					34				
					35				
					36				

I
n
c
r
d
c.

m
ri
le
bi
th

E.
di
vi
gi
m
ta

V.
gi
ph
at

Se
ue
ca
sc;

C.
vi
gi
po
tu

In
to
m
fui
ex;

tamen non parum admirationis habebant. Eâ ætate quâ ceteri milites esse incipiunt, summorum Ducum munia exequiebantur. Maiorem in providendo curam, in consultando prudentiam, in ordinando exercitu peritiam ne ab exercitatisimis quidem desiderares. Nec suis utrimque partibus Tribuni deerant: milites ad strenuè agendum cohortari, animos ac spem diuersis ex causis subdere. Illi partos hæcenus triumphos, hi acceptas iniurias; illi mortui Regis memoriam, hi viui præsentiam; omnes victoriæ momentum, & præmia proponere: ita incensos in ordines mittere.

Pridiè quàm plenâ acie cerneretur, sub vesperam cum siluulam tenerent nostri inter utrumque exercitum opportunè sitam, post acriorem quàm pro numero defendentium pugnam, inde eiectioni sunt. Paucorum virtutem multitudo irruentium superabat. Quàm in occupandâ siluâ vehemens hostis, tam eâ obtentâ improvidus fuit. Collis siluæ contiguus assurgente clementer solo eminebat. Inde in omnes obsidentium copias despiciebatur. Si illum nondum satis firmis præfidiis munitum, eodem impetu hostis inuassisset; poterat assiduus tormentorum ictibus impunè subiectum exercitum infestare, eoquæ adducere, ut neque sine clade se subtrahere, neque sine certissimo periculo congredi posset. Sed aduenerat tempus, quo Germania à continuis tot annorum cladibus aliquando respiraret; & ad illos quasi postliminiò rediret victoria, à quibus ad religionis hostem tantisper recesserat: ut periculi magnitudine pensatâ, Germania cognosceret, quantum Hispaniæ; orbis autem Christianus, quantum Domui Austriacæ deberet. Hostis cum omisso salubriore consilio, quasi ereptâ sibi diuinitus mente, reliquum noctis quietus ageret, neque ad insidendum collem sese è siluâ promoueret, nostri eius muniendi spatium nacti sunt. Iam agger, qualem temporis angustia, & petrosæ terræ malignitas patiebantur, ductus erat: iam tribus legionibus Germanicis quarta Neapolitana se adiunxerat: equites mille partim à Rege, partim à Cardinale submissi, cum tormentis aduenerant. Enimuerò non satis in his omnibus præsidij fuisset, nisi alteram generis siæ legionem ad ceterarum subsidium, vel potius ad exercitus & Imperij salutem, Cardinalis submisisset. Tanti refert quo quemque loco adhibeas, quas partes quibus præfidiis firmes; neque solum quàm fortes milites habeas, verum etiam quàm prudenter atque aptè ad pugnam disponas.

Munito colle, in eoque Comite Piccolominio & D. Ioanne Serbellonio mediam aciem curare iussis, cetera pro loco ac copiis instructa est. Dexterum cornu, in planitie multorum militum capaci, & ad equestrem pugnam aptâ, Duci Lotharingiæ commissum. Ei præter exercitum cui præerat, maior pars copiarum Regis Hungariæ cum aliquot Hispanorum legionibus addita. Sinistrum latus, cui minùs timebatur, legio Germana cum mille equitibus seruabat. Quæ supererant legiones, partim vrbi, ne qua inde eruptio fieret, oppositæ, partim in subsidiis collocatæ. Tormenta ubi maximè vsus erat, adhibita. Vniuersæ aciei, post Regem Cardinalemque, Comes Galassus & Marchio de Leganes moderabantur: quos nescias de propriâne cuique prudentiâ, an de mutuâ concordia magis laudes. Hostilis exercitus mediam aciem, quæ quatuor selectissimorum peditum & quinque equitum milibus constabat, ducebat Gustauus Hornius. Dexterum cornu Comes Cratsius tuebatur; sinistrum Wimarientis sibi sumpserat.

Instructis per noctem aciebus, manè dubiâ adhuc luce horrendo tormentorum fragore pugna prælusum est. Vbi plenè illuxit, Hornius signo dato aciem promouet: & quoniam

M

occu-

Tribuni
suis a-
gunt.Hostes
siluam
occupant.Non pro-
sequuntur
victoriam.Nostri
nocte
collem
muniunt.Serbellonius &
Piccolominus
mediam aciem
curant:
dextrum
cornu
Lotharingus.Hostes
aciem
instruunt.TABV.
LAPV.
GNÆ
NOR.
DLIN.
GA.
NÆ.

innadunt collem. occupasse collem pænè vicisse erat, in eum inuehi iubet. Excepere primum impetum Itali ac Germani. Restitere fortiter Itali. Germani, quorum multi tirones erant, laxatis ordinibus cessere. Ad Hispanos, qui ceteris inter se implicatis taciti collegerant iras, pugna deuenit. Primus cum pauidis & percussis tironibus labor. Hos, ne in aciem suam miscerent, strictis gladiis, directisque hastis repulso circuire & ordines instaurare cogunt. Ipsi vultu animisque ardentis praelium capessunt: in locum ab aliis desertum se inferunt: hostem primo successu ferociorem deturbant: stragem non paruam edunt. Succus repelli se indignatus ab Hispanâ legione, unde duas deiecerat, in furorem agi, vehementius irruere, totâ vi, sed in vanum, niti. Hispano fortitudo pro vallo erat: utq; in mari rupes irruentes vasto impetu fluctus frangit & elidit; ita ille, cum fortissimè impeteretur, fortius impetentem repellabat, ne tum quidem quidquam turbatus cum incenso sulphureo puluere hostilem conatum importunus sanè casus adiuuaret. Coeperat timere hostis, quem contempserat, FERDINANDI militem: nondum tamen aut spem, aut animos dimittebat. Fessis faucibusque recentes substituit, numerum auget, extremum virium suarum iam propè efferatus experitur. Numquam aliàs plures cecidere. Hispani cum praesentissimis animis, neque minore peritiâ quàm robore pugnarent, ubi hostem vno impetu, ut fit, glandes suas emissurum vident, ad terram submittentes se, frustra uere ictum: mox se momento erigentes, suasque vicissim eiaculantes, cum in vicinum & confertum hostem nulla innoxia caderet, plurimis vitam, omnibus animos ademere.

Sueci ag-grediuntur frustra Italia: deficiunt. Desperatâ de Iberis victoriâ, in Italos se conuertunt. Sed cum & illi robore suo inuicti, & noui accessione praesidij, quod Duces submittebant, alacriores essent; nihil hinc etiam nisi stragem retulere. Quare, dum nihil se plurimis amissis profecisse vident, paulatim deficiunt: & ut quaedam animalia amisso aculeo, ita isti velut effusa tot impressionibus omni virtute, languescunt. Interea in planitie inter equites, qui haecenus spectarant magis quàm inierant praelium, certamen ingrauescit. Ducebat hinc agmen Wimariensis, inde Carolus Lotharingæ Dux; ille imperatae temerè pugnae conscientia ferocior, hic dignum genere suo, dignum causâ spiritum gerens. Lotharingo aderat Philippus Spinola Marchio de Balbases, equitum, quos Cardinalis adduxerat, Magister. Is cum variis locis equitatus sui partem perite ordinasset, hic cum reliqua pugnabat, non consilio, quàm manu promptior. In partem Ioannes Wertanus veniebat, ad cetera belli decora hodie non minimam laudem additurus. Wimariensi Duces non ignobiles aderant. Acrius cum eo, quàm diutius certatum. Cum aliquamdiu acies inter se implicatae cruentum & dubium praelium edissent, nostri virtuti addentes dolum, hostem retrocedendo eò abduxerunt, ubi insidias inter casus, circumfitaque casis arbores, collocarant. Imprudens in eas hostis incidit: plurimi extemplo cadere, ceteri inexpectatâ pugna percussi, ordines confundere: tandem deflectentibus eò nostris ex colle peditibus, & intacta latera verberantibus, omnes pedem referre. Auxit terrorem immittens se turbatis eques.

Virtus Ducis Lotharingia. Dux Lotharingus, qui haecenus in primâ acie versatus suis incitamento, hostibus damno fuerat, nec tantum omnibus prouiderat, sed & ipse multum pugnârat, omnes & strenui militis & boni Imperatoris partes expleuerat; tandem incredibili ardore animi, quâ solum hostium ordinem videt, equum adigit, obuios sternit, Wimariensis signiferum ferro inuadit, signum vi extorquet, tantò ceteris virtute praestantior, quantò maior dignitate. Valuit ad inflammandum militem exemplum Ducis. Quamquam, ubi certa victoriæ spes affulget, haud

haud aliis magnoperè stimulis opus est. Simile decus sibi quisque petere: hostem velut ad æmulationem ferire: repugnantes pellere, pulsos insequi: reficiendis ordinibus nec tempus, nec spatium dare. Tandem cum sibi locum vincendo facerent, siluam, in quâ disposita hostium tormenta erant, occupant. Amisissis tormentis desperare Wimarientis miles, & apertè terga vertere. Non tam pugna quàm cædes esse.

Inchoata hac parte victoria iis qui in colle pugnant feruorem geminabat. Ad Hispanos Italosque veterana Germanorum legio accesserat. Tunc demum patuit priores, quæ pulsæ fuerant, non virtutis, sed longioris militiæ defectu celsisse. Ergo & hîc acerrimè res geri. Qui hætenus repulerant vim, nunc inferre: nolle aliis fugati primùm hostis palmam concedere: lassitudinem corporis animi magnitudine supplere. Piccolomini inprimis & Serbellonius animis ardere, hortando, imperando, pugnando instare. Hostis segniùs resistere, salutem magis quàm victoriam spectare. Mox ut suos in sinistro cornu pulsos, nostros insequentes iamque latera sua præteruectos certò aduertit, veritus ne à tergo circumuentus spatium euadendi amitteret, in fugam effulsissimè sese dare. Tum verò multum sanguinis fusum est. Inhærebat tergis fugientium victor, profugos cadauerum acerui, & ipsâ festinatio retardabat. Et quoniam molem pugna pauciores nostrorum sustinuerant, ceteri, quibus adhuc integræ vires & recentes erant, fatigatum labore & vulneribus hostem facile affecuti tam atrociter cædebant, ut eos non tam victoriam persequi, quàm supplicium de impiis sumere diceres. Voluebantur sacrilegæ in sanguine suo turbæ, & continuis funeribus, equis, armis cuncta latè tegebantur. Alij semiuiui, quos vires in fugâ defecerant, inter mutuos gemitus expirabant. Alij mutilatis membris, cum reliquam sui partem aliquousque protraxissent, ab equitibus deprehensi miserabiliùs interibant. Tanta strages fuit, ut ex sexdecim & eò amplius peditum millibus, præter quatuor captiuorum millia vix quisquam viuus euaserit. Ex nouies mille & trecentis equitibus non quinta pars; tormentorum impedimentorumque nihil omnino superfuerit, quod in victorum manus non veniret. Inter paucos qui fugâ salutem inuenerunt, Wimarientis, cum recentem equum nactus esset, elapsus est. Alia Comitum Cratij fors fuit. Cum eo Hornium alterum hostium caput nostri comprehenderunt, virum quàm in dissuadendâ primùm, tam postea cum Bernardi Saxo nis consilium magis non probare, quàm non iuuare posset, in moderandâ ad collem pugnam prudentem, neque maiorem ostentatorem suæ, quàm alienæ virtutis æstimatorem. Hic (vtar libentiùs hostis testimonio) cum à prælio omnibus victoribus summam, maiorem tamen Hispanis atque Italis laudem tribuisset, addidit desinere se mirari, quòd tot sibi terras subegissent, & in omnibus mundi partibus victoriarum suarum monumenta fixissent Hispaniæ Reges, qui talibus tamque inuictis nationibus imperarent. Deinde cum captus ob virtutis famam à Cardinale inuiseretur: Non habeo, inquit, quod de fortunâ multum querar, dum cladis meæ auctorem video. Si victoriam mihi inuidit, eum certè victorem dedit, cui celsisse non indecorum puto. Quod siue FERDINANDI conciliandi gratiâ (ut faciliè fortunæ verba accommodantur) siue pro sensu suo diceret, certè præcipuam eius diei gloriam in Hispanum exercitum conferebat. Quam cum ille officiosè declinaret, Germanos Burgundosque laudabat.

Miles militi, Dux Duci, exercitus exercitui de concordia, de mutuo auxilio, de nauatâ strenuè operâ, de domitis hostibus, de Imperio ac religione seruatis gratulabantur. Omnes ad Imperatores conuersi, illis victoriam quam & ductu suo obtinuerant, & antequam

N

pugna-

pugnaretur, pietate meruerant, potissimum adscribere, & illorum nomen, cuius vel solius cogitatione fortius dimicassent, in cælum laudibus efferre. Vt autem intellexere non consilio tantum, sed & corporibus eos pugna interfuisse, eoque loco constitisse, vbi fortuna non parum in illos licuisset, & ad ipsorum quidem latus alterum tormentario globo abreptum, alterum grauisimè saucium, ne ad terram affligeretur, Cardinalis manu sustentatum; mirabantur quidem eam impauidi atque inuicti animi constantiam, optabant tamen sua illis imposterum carior vita esset; & periculo illis commisso, quibus suo tantum fato vincere aut mori liceat, se ad tot gentium salutem Germaniæque in primis ac Belgij incolumitatem referuarent, neque tantum magnanimitati suæ, quantum aliorum necessitati darent. At Imperatores, vt erant non tam sui quàm Diuini honoris studiosi, Deo palmam acceptam referre: illius magis, quàm suâ virtute partam dicere: Deo grates agere, & ad ceteros qui superessent ipsius nominis inimicos debellandos se victoresque suos exercitus offerre. Planè vt scires ex illorum post victoriam sensu, quid sibi propositum ante pugnam habuissent, & vel inde Austriacos diceret; quòd sicut maximè pro Deo pugnassent, ita quòd vicissent eidem potissimum tribuerent, eandemque more Maiorum suorum & belli causam, & triumphum habuissent. Nos, post militum Ducumque, quos narrauimus, post aliorum, quos legimus toto ferè Christiano orbe editos plausus, hoc epinicion accinimus.

FERDINANDUM
in pugna
animi &
corporis
presentia,

& pietas
partem
victoriae.

E L E G I A

DE VICTORIA

AD NORDLINGAM OBTEANTA

A SERENISSIMIS

FERDINANDO IV.

HUNGARIÆ REGE

ET

FERDINANDO

HISPANIARVM INFANTE.



Laudite io populi, patriæ quos cura Dei que

Tangit, & antiquæ religionis honor.

Plaudite, fortunam qui vestram ducitis esse,

Austriacæ Numen quam volet esse Domus.

Et tu flere tuos (quamuis iam sæpè coacta,

Cæsare sub tali non patienda, pati)

Desine flere tuos tandem Germania casus:

Desine fatorum de grauitate queri;

Tristibus vt pæssim tua videris oppida flammis,

Sancta que cum signis templa flagrare suis,

Ciuiibus exhaustas vrbes, cultoribus agros,

Pingua de domini sanguine prata sui;
 Deletasque acies, totisque cadauera campis
 Sparsa, cruentato non bene tecta solo.
 Germanas aquilas hosti celsisse pudendo,
 Vincere consuetos vincla tulisse Duces:
 In mare Danubium currus voluisse virosque,
 Purpureas Rheni sapè fuisse vias:
 Et quæ, quàm dici possent, maiora tulisti,
 Define funestis ingeminare modis.
 Iam facies rerum versa est: iam cœpit olympo
 Candida depulsis nubibus ire dies.
 Suecia dat poenas: versisque in prospera fatis,
 Ultio sumpta tuis dignaque parque malis.
 Gratia magna Deo. Vetuit Deus ipse manere
 In sibi sacrato barbara signa solo.
 Emendare suam voluit, non perdere, gentem:
 Et pietate minor, ut solet, ira fuit.
 Magna sed & vobis, ô altera causa triumphi,
 O animis similes nominibusque Duces,
 O consanguinei duo fulmina FERDINANDI,
 Vobis post vnum gratia magna Deum.
 Per vos ille fauet nobis: quas numine vestro
 Protegitis terras, protegit ille suo.
 Per vos parta salus; per vos Nortlinga rependet
 Hactenus amissum quidquid ubique fuit.
 Spes vbi nunc, ô Succe, tuæ, vocisque minasque?
 Illa vbi Cæsareæ certa ruina Domus?
 Nempe prius victor fueras quæcumque minatus,
 Turpiter hæc victus cogeris ipse pati.
 Suecia Germanis leges an scriberet oris?
 Hanc populus dominam diceret ille suam?
 Imperij sacras regeres peregrinus habenas?
 Austriacâ gereres sceptrâ gerenda manu?
 Vel gereres, vel Marte tuo quæsita, cuiquam,
 Cui tua te iungunt pacta, gerenda dares?
 Demens qui temerè sperasti talia; quamvis
 Sors fuerat cœptis visa favere tuis.
 Demens perpetuos tibi qui spondere triumphos
 Ausus es, hos aleret cum Domus ista Duces.
 Quorum hic auspiciis fraternis, ille paternis,
 Inuictusque animis esset vterque suis.
 An tibi non istis metuebas talia ab annis,
 Pugna sit à castris quod prius orta tuis?

O

Audeat

Audeat in sæuos vltro sic præda leones,
 Audeat in rabidos ire voranda lupos:
 Si nescis, armis, non annis, bella geruntur:
 Virtus, non ætas, ferre trophæa solet.
 Si nescis, hostes numquàm vt non vincere possint;
 Austriacis robur contigit ante diem.
 Quod vobis vsus, prudentia contulit illis,
 Ingeniumque annis maius vtrique suis.
 Quod vobis fortuna, hoc illis fata Deusque,
 Hoc stirpi virtus ingenerata dedit;
 Quæ, veluti duris truncata bipennibus ilex,
 Crescit in immensum cladibus ipsa suis.

Austriacorum in aduersis incrementum.

Cladibus, inquam, non tantum victoriis: quamquam hæc sine illis vix vnquam Austriacis accidunt, eâ æternaturæ familiæ vel potentiâ vel magnanimitate, vt sicut hæreticorum malè premitur odiis, ita frustrâ appetatur armis; & quemadmodum ingentes feras, si morsu à minoribus appetantur, non tam lædi quàm irritari videas; ita si qua in illam (vt sunt humana) aduersa incurrant, non tam ad ruinam cedant, quàm ad virtutis incitamentum. Sed quoniam & alius erit de hoc argumento differendi locus, nunc postquam de pugna victoriaque egimus, quod ad eius imaginem, quodque ad FERDINANDI iter propius attinet, exequamur.

Non poterant tantæ res, tamque varij euentus, qui in prælio diu dubio, & vtrimque summis animis facto, per multarum horarum spatium contigerant, in exiguâ tabellâ proponi. Pictor ceteris adumbratis magis quàm expressis, quod fuit in illo præcipuum, id perfectius elaborauit. Cum totos exercitus non posset, Imperatores plenius sub aspectum dedit; ratus quicumque hos viderent, eos præcipuam victoriæ partem, & virtutum, quæ in singulis militibus eluxerunt, quamdam quasi summam visuros.

IV. TABULA.

Flor. l. i. c. ii.

Eques vterque exhibetur, ad eum modum quo quondam Latino bello Castor & Pollux, nusquam non salutes Diui, Romano exercitui iuxta Regillum lacum apparuisse, & pugnantibus auxiliati esse perhibentur. Vt enim tum diuinâ istorum ope adiutos se Romani, & ideo inuictos fuisse crediderunt, quia præsentis in pugna Deos habuissent; ita FERDINANDORVM quâ præsentia, quâ virtute effectum est, vt ad Nordlingam Catholici exercitus & pugnarent fortius, & felicius suos ac Religionis hostes debellarent. Epigraphe picturæ subiecta nostrum potissimum FERDINANDVM spectabat. Atque vti priores maris Alpiumque traiectionem, ita hæc factam per inimicas terras, perque obstantes exercitus ferro viam noto illo Virgilij dicto testabatur:

Eius Epigraphe.

2. Æneid.

FIT VIA VI.

FERDINANDVS maturatur in Belgium.

Viâ factâ nihil habuit FERDINANDVS antiquius, quàm vt in illam se confestim daret. Quamuis enim Germani eum Principem, victoremque exercitum ægrè dimitterent; tamen quia sic constitutum erat Imperium, vt nihil restare videretur, quod non in potestatem aut veniret vltro, aut facile redigi posset; non sustinebat FERDINANDI in Belgas amor, vt eos præsentia suâ diutius, quàm necesse esset, frustrari pateretur: præsertim cum

idem



FIT VIA VI.



idem ferè esset iter in Belgium & victoriæ cursum sequi; pérque eas regiones transire oporteret, quas peti etiam Germaniæ rebus maximè & vtile & necessarium erat. Igitur Wirtenbergiam omni commeatus genere maximè abundantem, & reficiendo militi aptam, simul cum Regis exercitu ingressus est. Vix fuit quod resistere aut posset aut auderet. Wirtenbergici omnes victos se, & quod caput erat, reos agnoscentes, id vnum ne funditus euerterentur, neque vitâ ac bonis per vim spoliarentur, submisè postulabant. Nec reperère difficilius misericordiam, quàm implorauère. FERDINANDI pro suâ clementiâ, solâ victoriâ contenti, victoriæ iure uti noluerunt: satisque habentes ad officium reduci rebelles, spoliari ac perdi supplices vetuerunt. Non aliter, quàm si per amicam terram incederetur, miles à prædationibus, ab incendiis, à cædibus, à virginum mulierumque violationibus seuerissimè coërcitus. Et, quoniam militarem licentiam difficile est solo imperio continere, dum quisque propter multitudinem euadere aut latere sperat, pœnæ frequenter adhibita. Qui peccasse deprehendebantur, alij in furcam acti, alij aliter mulctati. Si quid militum libidine, nihil certè Imperatorum permissu, crudelius actum est. Adeò vel in eos quos vicère lenes Austriaci, hostibusque suis, non modò superiores, sed & dispares sunt.

Ex Wirtenbergiâ in Palatinatum inferiorem deuenère. Hic ab inuicem diuulsi sunt Imperatores illi, quos, & antequàm mutuò conspexissent, nomen, genus, affinitas, voluntas, omnia denique necessitudinis atque amicitiae vincula coniunxerant; & cum simul fuissent, ætatis, indolis, morum, virtutis similitudo, belli victoriarumque societas, mutuus aspectus vsusque, & incredibilis vtrimque beneuolètia atque amor multò arctiùs colligârant. Diceres à Ionathâ Dauidem auelli. Quod quoniam populorum saluti dandum erat, nescio quem locum designabant, vbi se denuò inter victores exercitus armati salutarent, & acceptam ad Nordlingam gloriam non absimili victoriâ renouarent. Eâ spe discessère Principes, qui ad Austriaci nominis gloriam geniti paucarum hebdomadarum spatio confecerant, quorum magnitudinem mirata posteritas, annorum opus fuisse dicet; nec aliunde credet tam breui tempore confecta, quàm quia dicitur FERDINANDOS fecisse. FERDINANDOS, inquam, eâ domo natos, eâ disciplinâ hisque maiorum ac parentum exemplis institutos, ut quemadmodum virtutibus ætatem, ita felicitate spes ac vota mortalium præueniant.

Rex ad reliquum belli, Cardinalis ad reliquum itineris, curam conuerterunt, pari uterque successu. Et Cardinalis quidem viâ per Palatinatum & extrêmam Franconiam continuatâ, breui Mænum traiecit: mox Rhenum. Ad Catholicorum terras, quæ tum erant extrèmi Germaniæ fines, medio ferè Octobri peruenit. Ingentem animo lætitiâ cepit dum, quod emensus erat, recolens iter, simul vnde, simul quo venisset, simul viæ longitudinem ac difficultatem, simul conficiendi felicitatem & celeritatem attenderet. Nam, ut omnia meliùs pro merito æstimamus, dum facta expendimus, quàm dum aggredimur; quamuis initio & Deo, & sibi, & militum suorum virtuti confusus, nihil de exitu rerum, quas moliebatur, nihil de itineris successu hæsitaret; iam tamen tot rebus simul expensis & sub vnum quasi aspectum datis, admirator erat eorum operum, quorum auctor & patrator fuerat. Et si enim in eo constaret operum summa, quòd tantum exercitum, tantum impedimentorum, tot murales machinas secum trahentem, primùm per illos

Nubiferos montes & saxa minantia cælo,
deinde per tam vasta terrarum spatia incolumem traduxisset; meminisse poterat, primum se esse, cui sub Catholici Regis auspiciis id præstare contigerit: alterum ferè tantum copia-

rum erat, quàm vllius vnquam ductu inde in Belgium commeasset. Sed & prioribus par-
tuere plerumque transitus, viaque conficienda tantum, non etiam aperienda fuit.
FERDINANDO præclusa, infesta, inimica omnia: quâ veniret non tam proficiscendum,
quàm pugnandum; non tam transeundum, quàm perrumpendum fuit. Id cum repeteret
animo, respiceretque regiones à se peragratas, ad quas ne peruenturum quidem inimici
iaetauerant; neque peragratas tantum, sed & subactas, in libertatem assertas, dominis resti-
tutas, quamquam, vt dixi, nihil horum insperato acciderat, tamen postquam euenissent, in
ipsiusmet animo, nescio quem admirationis sensum magnitudine suâ commouebant. Inter
cas cogitationes Coloniam appropinquabat. Quam urbem multis rebus sacrisque Di-
uorum reliquiis insignem cum visere cuperet, exercitu rectâ in Belgium tendere iusso, ipse
cum paucis suorum, ad eam pronò Rheno deflexit.

Venit
Coloniâ
Agrippi-
nam.

Ab Ele-
floribus
Coloniâ.
& Mo-
gunt. a-
lisque
Princi-
pibus ex-
capitur.

Erant Colonix præter Ser.^{mum} Archiepiscopum, Elector quoque Moguntinus, & Her-
bipolitanus Princeps, qui cum Neoburgico Duce aduenientem excepere. Deus immorta-
lis! quâ lætitiâ? videbant eum cui deberent quod de amissis recipiendis securi, de amitten-
dis quæ seruârant nihil timerent. Beneuolentia ex beneficij recordatione crescebat. Quam-
quàm si & persoluta ab aliis officia reputes, haud immerito ambigas aliquidne fuerit quod
ad illa addi posset: adeò omnes in eum, iam inde ab itineris initio, humanitate certarunt:
quos cum vniuersos exprimere pictor non posset, ex utroque ordine sacro profanoque sin-
gulos designauit. Vt hic illud valeat:

1. Æneid.

— ab vno

Disce omnes. —

V. TA-
BVLA.

Alterum artis defectum, quæ quod oculis discerni possit solum exprimit, sensa animi
non attingit, epigraphe supplebat:

S V P E R A T P R Æ S E N T I A F A M A M.

FERDI-
NAN-
DVS
superat
famam.

Solent ea quæ diu expectauere, cum iam adsunt, minùs admirari mortales. Atque vt qui-
bus videndis oculi assueuerunt, ea tandem stupere desinunt; ita quæ diu multumque cogi-
tationi obuersata sunt, vbi aduenerint minùs animos percellunt. Secus FERDINANDO eue-
nit. Cum longè esset desideratissimus, iamq; pridem ex factis famâque notus, maiorem ta-
men admirationem sui præsens concitauit, quàm absens expectationem. Fama quæ omnia
in maius efferre solet, hic infra verum fuit. Id cum omnibus, ad quos eum venire contigit,
tum nobis inprimis fatendum est, qui Regiæ stirpis virtutem sapiùs experti, non tamen
antè felicitatem nostram pro merito æstimare potuimus, quàm vbi eum coràm intuiti,
qualis esset fruendo didicimus. Neque enim vulgaria neque consueta dona sunt, quæ illi
Deus, & in illo nobis concessit. Quamobrem iure, cum tanto nondum bono potiremur,
ingens eius desiderium; postquam adepti sumus, ingentem lætitiâ, spem, securitatemque
animis concepimus. Hæ quatuor affectiones totidem figuris expressæ, pro statuis erant,
quæ supremo operi insitebant.

Statua
coronidi
imposita.

1. DESI-
DERI-
VM.

Prima desiderium referebat eo habitu gestuque qui esse desiderantium solet. Oculi ad
cælum intuebantur. Eò enim plerumque aspectus dirigitur, quò vota mittuntur. Sic apud
Virgilium Iouem precaturus

1. Æneid.

pater Anchises oculos ad sidera lætus

Extulit.

Nihil



SVPERAT PRÆSENTIA FAMAM.



Nihil in supplicaturis vulgarius, quàm vt cùm Diuos inuocant, suspiciant eorum sedes, ^{Mora} vnde opem expectant. Alæ ad humeros erant annexæ. Alas Desiderio perinde vt Amori ^{impatiens,} tribuimus, vt quemadmodùm Heliodorus ait, signetur pernicitas ac festinatio desiderantium. Ea non tam in agilitate corporis sita est, quàm in motu voluntatis, quæ votis suis haud aliter quàm aut pennis volucres, aut remigio naues quolibet celerrimè fertur. Moras nec facere nec pati nouit. Tempus omne, quo optata absunt, longissimum ducit. Hinc illæ voces,

Longa mora est nobis omnis, quæ gaudia differt.

Et,

Si mihi non hæc lux toto iam longior anno est.

Hinc Romanus ad Pontum exul, patriæ (vt solet) cupidine tactus, Nunc, ait,

Nunc ego Triptolemi cuperem conscendere currus,

Sparfit in ignotam qui rude semen humum.

Nunc ego Medæ vellem frenare dracones,

Quos habuit fugiens arce, Corinthe, tuâ.

Nunc ego iactandas optarem fumere pennas

Siue tuas Perseu, Dædale siue tuas.

Vt tenerâ nostris cedente volatibus aurâ

Respicerem patriæ dulce repentè solum.

Vt properat, vt festinat, vt in patriam, à quâ corpore abesse cogitur, desideriiis volat! At non minùs quàm ille suum, ipsâ patriâ Augusti longiorem in prouinciâ moram facientis reditum postulat. Horatius:

Diuis orte bonis, optime Romulæ

Custos gentis, abes iam nimium diu.

Et inferiùs,

Vt mater iuuenem, quem Notus inuido

Flatu Carpathij trans maris æquora

Cunctantem spatio longiùs annuo

Dulci detinet à domo,

Votis ominibusque & precibus vocat;

Curuo nec faciem littore dimouet;

Sic desideriiis icta fidelibus

Quærit patria Cæsarem.

Vt similiter Belgica FERDINANDVM quæsierit, vt vota soluerit, vt preces ingeminârit, vt moram impatienter tulerit, vt eius præsentiam aliis inuiderit, vt amanter quæsta sit, suis locis ostensum est. Nunc Desiderij, non sensum affectumque, sed effigiem explicamus, cuius altera nota erat quòd ex accenso corde subtiliores erumperent flammæ. Ardet quisquis desiderat: & quoniam tectus suppressusque ignis vehementiùs æstuat, prodit flammæ suas; nec dissimulare, vt velit, potest.

— quis enim celauerit ignem?

Eminet indicij prodita flamma suis.

Simulacrum, quasi lenire æstum niteretur, manum alteram pectori admouebat, alterâ tenebat scutum, in quo ara cum accenso foco & hac inscriptione,

Q

IL-

Ouid.ep.
18. Heroid.

Virg.Ecl.
7.

Ouid.s.
Trist.el.7

Lib.4.
Ode 5.

Ouid.ep.
15. Her.
Ep.12.

Virg. 9.
Æneid.
11. LÆ-
TITIA.

ILLIVS ORO REDDITE CONSPECTVM.

Desiderium Lætitiæ sequebatur. Lætitiæ puella referebat ætate ceteris inferior, at formosissimi vultus venustate gratior. Blando risu & nictantibus leniter oculis, gestientis animi sensum prodebat. Teneram ætatem huic affectioni tribuerunt veteres, quod ea nondum curis flagitiisque obnoxia angores doloresque adhuc ignoret, & quasi quoddam humanæ vitæ ver lætiores plerumque dies aspiciat. Seneca expendens ea, quæ variis hominum ætatibus, veluti diuersis anni tempestatibus, conueniunt,

Senec. in
Hippol.

— propria (inquit) describit Deus
Officia, & æuum per suos ducit gradus.

Lætitiæ iuuenem, fons decet tristis senem.

Quam
exhila-
rata
FERDI-
NANDI
DORECE-
PTO BEL-
GICA.

Iuenculæ caput distincta variè corona & intexti crinibus flores exornabant. Coronas in lætitiâ adhiberi solitas notius est, quàm vt latere quemquam possit. Certè neque ludis interesse, neque festos dies agere, neque conuiuia celebrare, neque Dis facere, neque triumphare sine coronis veteres consueuerunt. Præter coronam capiti additam, altera manus Amalthææ cornu, altera palmæ ramum gestabat. Palma victoriæ, Amalthææ cornu felicitatis symbolum est. Quas ambas cum FERDINANDVS in Belgium secum adduceret, mutata subitò rerum facies, & post graues metus ingens lætitiæ oborta est: neque aliter optatissimo eius aspectu exhilarata est Belgica, quàm post hibernas noctes purissimo verni Solis exortu terræ recreantur. Videres itaque in Virginis scuto hinc illum lucis auctorem, roseum ex vndis iubar efferentem nubesque ac tenebras radiorum fulgore dissipantem; inde aërem iucundissimo lumine perfusum; terris pulchritudinem, quam nox abstulerat, restitutam; occinentes inter nemora volucres; hiantes in hortis flores; pecora roscidis in pratis vefcentia; omnia denique velut renata, & à pulcherrimi sideris aspectu nescio quid nouæ iucunditatis haurientia. Subscriptum erat:

Virgil. 9.
Æneid.

NIHIL ILLO TRISTE RECEPTO.

Præter Lætitiæ, cuius quanta vis fuerit aliàs ostensum est, certissimam etiam secundorum deinceps euentuum Spem Flandri conceperunt.


III. SPES

Quam
spem cõ-
ceperim
us de
FERDI-
NANDI
DO.

Spei signum tertium erat suis quoque notis indiiciisque discretum. Vestis ad terram fluebat, nisi quæ extremam laciniam dextra manus sustentaret. Longitudo vestis spem in multas deinceps ætates extensam indicabat. Non enim brevis temporis felicitatem, sed in annos plurimos, quos FERDINANDVS viuendo meretur explere, duraturam, neque adhuc cum eius vitâ dimittendam, sed cum votis nostris adæquandam, tanta virtus promittit. Vtque cum æstiuæ soles occidunt, non ingratiore subeunt diebus suis crepuscula; ita cum maturum cælo FERDINANDVM hinc fata transtulerint, ereptâ eius præsentia iucundissimam memoriam superfuturam. Præter vestis formam situs corporis singularis erat. Summis pedum articulis simulacrum insistebat, non (vt quidam interpretabantur) quòd omnis spes re nondum adeptâ instabilis adhuc, & incerto quasi vestigio nixa est; neque quòd res maiores ferè apparent dum expetuntur, quàm dum possidentur; sed vt ex eo Spei sese erigentis habitu intelligerent cuncti, confirmato iam, qui collabi cœperat, patriæ statu, omnium quoque mentes erectas, & excitatas voluntates esse. Epigraphe clypeo de more inscripta:

Ex 4.
Æneid.

BELGICA IAM QVANTIS TOLLET SE GLORIA REBVS!
Non aliter, scilicet, quàm aut herba quotidianis auctibus in segetem, aut frutex in arbo-
rem





rem assurgit. Quare hæc statuæ symbola addita. Herbam, qualis est graminis è terrâ primum erumpentis, manu gestabat. Scutum exhibebat frutices in auras sese efferentes, de quibus & olim Horatius:

Crescit occulto velut arbor ævo

Fama Marcelli. —

Lib. 1.
Ode 12.

Quarta Securitatis statua erat ex Gordiani Imperatoris monetâ desumpta. Hæc læto atque interrito vultu, quàm nihil metueret ostendens, alterâ manu columnæ innitebatur, alterâ clypeo. In eo iuuenis amæno loco reclinatus ad Zephyri inter arborum folia leniter fufurrantis, & prætereuntis riui murmur placidissimè quiescebat. Additum erat illud Virgilij:

TIMOR OMNIS AB ESTO

11. Æneid.

Quo loco venit mihi in mentem eius quod inter septemdecim, quæ Augusto imperium portenderunt, præfagia narrat Suetonius. Quintus Catulus, inquit, post dedicatum Capitolium duabus continuis noctibus somniauit, primâ Iouem opt. max. prætextatis compluribus circa aram ludentibus, vnum secreuisse, atque in eius sinum signum Reipublicæ, quod manu gestabat, reposuisse. At insequenti animaduertisse se in gremio Capitolini Iouis eundem puerum, quem cum detrahi iussisset, prohibitum monitu Dei, tamquàm is ad tutelam Reip. educaretur. Ac die proximo obuium sibi Augustum factum, cum incognitum aliàs haberet, non sine admiratione contuitus, simillimum dixit puero de quo somniasset. Id prodigium seu verum, seu (vt erat superstitionum amans antiquitas) temerè arreptum, & Augusti auribus datum, toties iteratæ in nummis SECVRITATIS AVGVSTI, & sub Augusto SECVRITATIS IMPERII, causam insinuat. Quid enim aut illi in Dei opt. max. gremio, hoc est, certissimâ tutelâ posito; aut Imperio istius, quem Deus tueretur, curâ defenso deesse posset? Certè Augusti ætas

Fruges & agris rettulit vberes,

Signa & Latino restituit Ioui,

Direpta Parthorum superbis

Postibus: & vacuum duellis

Ianum Quirini clausit;

Horat.
l. 4. Od. 15

Et alia quamplurima peperit bona, quæ cum idem Poëta, tum alij Romanarum rerum scriptores non speciosius, quàm veriùs exequuntur. Vides quò tendam, Lector, non incerto somnio, sed ipsis rerum euentibus edoctus: vt scilicet conficiam FERDINANDVM quàm nostram curat, tam sollicitum de suâ salute Numen habere, atque adeò nos in illius, illum in Diuinâ tutelâ, constitutos; cum bellare necesse est, de victoriâ, cum optatissimum pacis tempus aduenerit, de vbertate ac rerum copiâ, de quæ perenni felicitate securos esse posse.

Chr. Bel-
ga per
FERDI-
NAND-
VM
securi.

POSTE-
RIOR
POR-
TE
TRIVM-
PHALIS
FACIES.

Aspectus posterior Arcus, si ordinem ac dispositionem spectes, ab anteriore nihil discrepabat; si formam ac rationem operis, nonnulla erat diuersitas. Tabularum numerus, magnitudo, situs, eadem quæ priorum: argumentum aliud magis quàm diuersum, historiæ similes. Placuit tales adhibere, tum quia semper oblectat vicissitudo, grataque est vti colorum ita argumentorum in picturis varietas: tum verò quia omnis collatio, quam aptè institueris, magnam rebus illustrationem adfert: nec quemquam magis laudaueris, quàm si laudatissimis parem dicas. Feracissima exemplorum antiquitas est, quibus vt nostra componere-

Historia
similes,

exq. an-
tiquissi-
ma: quò-
que id
consilio.

R

mus,

mus, suavit & illud, quod rerum diu præteritarum vulgò maior est quàm recentiorum opinio. Vt enim fluuij, quò à fontibus longiùs procurunt, auctiores voluuntur; ita rerum famæ aui successio incrementum adfert; & veluti quæ regionibus distant, temporibus remota maiora creduntur. Accedit quòd à pluribus decantata plerumque notiora sint, & præter lucem quam à se habent, magnam à scriptoribus claritatem acceperint. Fuit illa sæculorum istorum felicitas, cum non minùs scribere res gestas, quàm gerere scribendas, gloriosum putaretur. Tutior denique est omnis cum veteribus comparatio; quia extra inuidiam, nec odio partium obnoxia. Quoniam verò vel additioris scientiæ affectatione, vel oblectationis studio, multa veteres fabulis inuoluerunt, ne ab iis quidem, ubi res fert, abstinemus. Latet hisce inuolucris multum sinceræ eruditionis. Vtque ex umbrâ figuram situmque corporis, ita ex fabulosis Poëtarum commentis veritatem agnoscimus.

I. AD.
VERSÆ
PARTIS
TABV-
LA.

Apud Maronem lib. 6. Anchises Æneam fata venturæ stirpis edocens, de quæ vrbe Româ Romuli auspiciis condendâ sermonem habens ita fatur:

En huius gnate auspiciis illa inclyta Roma,
Imperium terris, animos æquabit Olympo,
Septemque vna sibi muro circumdabit arces;
Felix prole virum: qualis Berecynthia Mater
Inuehitur curru Phrygiæ turrita per vrbes,
Læta Deum partu, centum complexa nepotes,
Omnes cælicolas, omnes supera alta tenentes.

Roma &
Cybele
confe-
runtur.
Martial.
lib. xii.

Similitudinis causæ partesque hæ in promptu sunt: prima, vti Dea Cybele, ita Dea & Roma,

Terrarum Dea gentiumque Roma:

cui proinde & templum dicatum, diuinique honores habiti. Altera; Cybele Deorum mater, Læta Deum partu: Roma autem, Felix prole virum. E quibus plurimos Diuis adscriptos fuisse nemo est tam antiquitatis rudis qui ignoret. quare Rutilius ad illam:

Exaudi genitrix hominum, genitrixque Deorum.

Ad hæc: Cybele inuehitur curru; curru inuehitur & Roma, vt elegantissimè Claudianus in Olibrij Paneg. Denique, Cybele turrita, nec turribus caret Roma,

Quæ septem vna sibi muro circumdedit arces.

Comparatio certè & diuino Maronis ingenio & Romanâ maiestate dignissima. Sed quis eam pari iure aliò transferre audeat? fuit enim Roma terrarum & mundi caput, & Princeps vrbiũ; cui

Martial.
lib. xii.

Par esset nihil & nihil secundum.

Atque adeò quæ in illam laudes cadunt, alteri ex æquo conuenire haudquaquàm possunt.


Cybeles
& Gan-
da com-
paratio.

Sed nimirum si non æquales, certè non iniustæ fuere causæ, cur Poëtam imitati, nostram quoque Gandam Matri Berecynthiæ conferremus. Et de eorum quidem quos partim aluit, partim genuit, Flandriæ Comitum imperio terris æquato; (fuere enim tam qui Orienti quàm qui Occidenti imperarunt;) tum de Gandauensium ingentibus animis, iam dudum ante me ab auctore panegyris quadrimembris Flandriæ, cum Romanorum robore non temerè comparatis; denique de vrbis magnitudine, de quæ arcibus quas sibi circumdedit, erit alius dicendi locus. Id vnum hîc fumo quod tabulæ Cybelen curru suo inue-

hentem,



QUALIS BEREQYNTHIA MATER LÆTA DEVM PARTV CENTVM COMPLEXA NEPOTES.





AVSI SVNT VADA SALSA CITÂ DECVRRERE PVPI.



hentem, biuugosque ad fræna leones agitantem, & plures cum filios tum nepotes complexentem, referenti, subscriptum erat:

—QVALIS BERECYNTHIA MATER

LÆTA DEVM PARTV, CENTVM COMPLEXA NEPOTES.

Qualis illa talis & Ganda. Illa LÆTA DEVM PARTV. Hæc, vt Poëtæ verba repetam, FELIX PROLE VIRVM.

Non hîc iam omnes, imò ne plures quidem enumerabo quibus se Gandauum iactare potest. Vnus pro omnibus, CAROLVS est. CAROLVS æui sui gloria, orbis deliciæ, terror hostium, suorû amor. CAROLVS potentissimus, fortunatissimus, optimus Imperator; in quem plura quàm in vllum istius ætatis Principem regna quàm hereditatis, quàm armorum iure, virtutes indole atque institutione, victoriæ felicitate, honores populorum fauore conueniunt. CAROLVM ergo ciuem suum cuiusque gloriosissimos atque inuictissimos nepotes, tum priores qui iam cum ipso cælum tenent; tum illos qui per eadem vestigia eò tendentes adhuc in orbe, cui necessarij sunt, inter mortales degunt, PHILIPPVM & FERDINANDVM, alterum Regem, alterum Ducem nostrum summo amore complexa Ganda, se felicem, se Romæ æmulam, se magnæ Matri similem arbitratur.

Tabula
1. inscri-
ptio.

CAROLVS V.
Gandani
natus.

TABV-
LA II.

Inter magnorum virorum, quæ celebrauit antiquitas, suscepta mari itinera, Argonautarum in Colchidem nauigatio & prima & celeberrima est. Multis illa scriptorum ingeniis materiam dedit. Vtque Iliada & Æneida, ita Argonautica tractando sibi pariter atque illis immortalitatem pepererunt. Quare quos cum FERDINANDO mare subeunte committeremus hos potissimum desumpsimus,

Delectos iuuenes Argiæ robora pubis,
Qui primi, vt Catullus canit,
Auratam optantes Colchis auertere pellem,
Ausu sunt vada falsa citâ decurrere puppi.

De nu-
ptiis Pe-
lei &
Theti-
dos.

Tantò maiori laude, quantò in rebus arduis præire difficilius est, quàm sequi, exemplum relinquere quàm imitari. Quod eò dico vt animum aduertat Lector non solum nos vetustiora, verum ea ferè argumenta secreuisse, quæ primos rerum à nobis illustrandarum auctores referrent. Sic Cybelen Gandæ opposuimus, quia vt Ouidius innuit,

— primas turres vrbibus illa dedit.

Sic in FERDINANDI nauigatione Argonauim adhibemus, quia &

Illam rudem cursu prima imbuit Amphitriten.

Sic mox Hannibalem, qui primus immani ausu perrupit Alpes, cum FERDINANDO per eadem Italiæ claustra copias educente comparabimus. Id spectantes, vt hæ picturæ non modò cum iis quibus aduersæ sunt, sed & inter se, quàm licet, conueniant, vtque in tantâ argumentorum diuersitate aliqua inuentionis similitudo non ingrata peritioribus eluceat. Quod vbi generatim monuimus, ad mare & ad eius domitricem Argo reuertamur. Fuit hæc illa (in hominûmne exitium dicam an emolumentum?) diuino Palladis consilio fabricata nauis, quàm Iason Æsonis filius adlectis sibi Græcorum procerum nobilissimis fortissimisque, ad reportandum ex Colchide Phrixæum vellus nulli adhuc tentatum mare conscendit, vel Pelæi iussu, vt plerique, vel, vt Diodorus Siculus, suâ voluntate. Ardebat gloriæ studio

Lib. 4.
Fast.

Catull. de
nuptiis
Pel. &
Thet.

Argus
descri-
ptio

& Iaso-
niæ.

studio Regius iuuenis, & ad parandum nomini suo decus ipsâ periculorum magnitudine incitabatur. Proprium virtutis est, vt

— negatâ tentet iter viâ.

Horat.
lib. 4. Ode
2.

Proprium magnarum mentium & immortalitatem spectantium, vt quæ ceteri reformidant, ea ardentius deposcant, laborumque magnitudinem non caussam dumtaxat, sed & mensuram gloriæ credentes, tantam illam putent quanta fuerint per quæ parta sit. Vnde fiat vt quemadmodum res ceteræ cariores possessoribus sunt quæ maiori pretio constiterunt, ita eam laudem pluris ducant, quæ maiori nisu parari debuerit. Sed non in aggrediendo generosior quàm fortior in exequendo difficillimo opere Iason fuit. Quod viris fortibus maximè optabile est, adæquauit cum virtute fortunam: cursum in illo tam exiguo vitæ mortisque discrimine prosperum tenuit. Draconem magnitudine immanem, feritate terribilem, vigilantia inaccessum, ceteraque Colchidos monstra, quâ virtute suâ, quâ Medææ operâ superauit. Strauit hostium in se armatorum alios pugnando, astu alios; cum ex venenatorum dentium semine in vnus lucis æuum geniti, vt seipsi conficerent, simulque nascerentur simul occiderent, effecit. Tandem ne quid ad votorum summam deesset, recepti velleris gloriam iteratæ nauigationis felicitate cumulauit. Nolo quæ dixi de FERDINANDO aut fastidiosè repetere, aut quæ dicam intempestiuè præmittere. Ad rem præsentem satis est eum & fraternâ & suâ voluntate ad maximè arduam difficilemque expeditionem ex Hispaniâ cum lectissimis proceribus nauigasse, ingentia pericula interritum adiisse, contempsisse, superasse. Monstrorum rabiem (quid enim aliud rebellio, perfidia, tyrannis, hæresis quàm teterrima monstra sunt?) coercuisse in Germaniâ, hostes deleuisse pugnando ad Nordlingam, consilio (quod in Iasonis historiâ per Medeam, *ὅθεν τὴν μὲν* dictam, intelligunt Mythologi) vt seipsos confunderent nuper in Belgio effecisse, omnia denique quæ hæctenus intenderat animo fortissimè aggressum, felicissimè ad exitum perduxisse.

III. TA.
BVLA.

Hannibal in
Italiam
cum exercitu
perripit.

Sequebatur Hannibal, quem dubites in inferendone Italiæ bello an in persequendo magis mireris. Certè non sine quodam fortitudinis miraculo per altissima Alpium iuga, per immistas propè nubibus niues, per rapidissimos torrentium gurgites, saxa ipsa & fragmenta montium cum horribili fragore voluentes, per omnia denique visu quàm dictu foediora cum exercitu maximo in Italiam velut in alterum quemdam terrarum orbem descendit, & antequàm cum hoste congrediretur naturam vicit. Planè vt non immerito fulmini assimiletur, quod Saguntino, vt Florus ait, incendio conflatum perrupit saxa & rupes, & ab illis fabulosæ altitudinis niuibz velut cælo missum, in Italiam cum ingenti hominum vrbiumque pernicië penetrauit. Tabulæ subscriptum erat illud Iuuenalis,

Expenditure
ius iter.
Satyr. 10.

EXPENDE HANNIBALEM.

Expende, inquam, Lector, Hannibalem.
quem non capit Africa Mauro
Perfusa Oceano, Niloque admota tepenti.
Cuius ideò
Additur imperiis Hispania.
Mox


— Pyreneum.

Transilit. —

Deinde




EXPENDE HANNIBALEM





ET TANTA GESSIT BELLA DVM BELLVM PARAT.



Deinde cùm.

opposuit natura Alpemque niuemque;
Deducit scopulos & montem rumpit aceto.

Tandem parem initiis progressum faciens,
Tenet Italiam.

In eâ Carthaginis clades vlciscitur, victoriam victoriâ cumulat, ex maximo imperio vix sua
Romanis moenia relinquit.

— tamen ultra pergere tentat.

& hebetato ferè assiduis cædibus ferro,

Actum, inquit, nihil est nisi Pœno milite portas

Frangimus, & mediâ vexillum pono Suburrâ.

Iamque urbem vicerat, si occupare maturasset. Hæc omnia cùm in Hannibale expenderis, FERDI-
NAN-
DVS
idem il-
lud cum
exercitu
super-
uit.
ad FERDINANDVM, per easdem illas, quasi quodam naturæ studio ad difficultatem horro-
remque mortalium impositas Italiæ Alpes, simili virtute copias deducentem conuersus, non
minora ab illo extra Italiam expecta quàm ab altero in eâ fortitudinis palæstrâ perpetra-
ta sunt.

VIxere fortes ante Agamemnona
Multi, sed omnes illacrymabiles
Vrgentur, ignotique longâ
Nocte.

IV. TA-
BVLA.
Horat.
lib. IV.
Ode IX.

Vnde videas primos Duces, quorum egregiam in armis virtutem excepit ac celebrauit po-
steritas, eos esse qui Troiano bello, quo Europæ atque Asiæ vires commissæ sunt, interfuê-
re. Ex his Achillem selegimus, cui FERDINANDVM ad Nordlingam præliantem viamque Achilles
lauda-
tur.
vi facientem æquaremus. Achillis virtus quemadmodum præ ceteris eminebat, ita longè
præstantissimum præconem habuit Homerum: qui vel ad Alexandri Macedonis inuidiam
Heroem suum eâ gloriâ donauit, vt cùm nullius nomen illustrius sit, dubites magisne fa-
ctis suis id ille an diuinis Poëtæ versibus debeat. Sed nihil ad rem nostram æquè facit quàm
quod de eo Pyrrhus paternarum laudum acrior vindex quàm imitator, apud Senecam cum
Agamemnone altercando iactat,

In Troa-
de.

Illum (inquit) vicit pater,

Vos diruistis.

At multas Troiæ vrbes, multos Hectori Duces præmisit. Thebas, Chrysen, Lyrnesson vi-
cepit, confodit manu suâ Telephum Mysiæ Regem, multas cum populis suis insulas sub-
iugauit: quibus magnificè enarratis subiungit Pyrrhus,

Ibidem.

Hæc tanta clades gentium & tantus pavor,
Sparsæ tot vrbes turbinis vasti modo,
Alterius esset gloria ac summum decus,
Iter est Achillis, sic meus venit pater,
Et tanta gessit bella dum bellum parat.

Quid de FERDINANDO vel ad veritatem expressius, vel ad laudem illustrius adferri pos-
sit? an aliter Achilles ad Troiam quàm ille in Belgium venit? vterque præclusam ab hosti-
bus viam pugnando aperuit: vterque non prius bellare quàm triumphare cœpit: vterque Cam
FERDI-
NANDO
confer-
tur.

T

ad

ad victorias vincendo venit, tantò aduersariis formidabilior quantò ob prægustatam gloriæ dulcedinem animis erectior. Sed quoniam quæ FERDINANDVS in itinere præclarissimè gessit iam pridem fusiùs enarrata sunt, ad postremam huius Arcus tabulam, quæ gratissimum eius ad Catholicos Principes aduentum per Euandri Æneam amicissimè excipientis beneuolentiam repræsentabat, stylum oculosque conuertamus.

V. TA-
BVLA.

*Virtus
cultores
suos ubi-
que acce-
ptos fa-
cit.*

*Exemplo
sunt Æ-
neas*

*Lib. I.
Æneid.*

*& FER-
DINAN-
DVS.*

*Inscri-
ptio ta-
bulæ.
Lib. VIII.
Æneid.*

*Veteres
virtutē
à Diis
derina-
bant.*

Omne solum forti patriam esse non eò dictum crediderim, quòd viri fortes omnem regionem pro patriâ habent, in quâ sit virtuti locus, neque tam spectare solent ubi vitam acceperint, quàm ubi eam cum gloriâ traducant: sed quòd illud ubique gentium fortitudinis præmium sit, ut qui eâ præditi veniant, nusquam ingrati, nusquam peregrini sint, sed quasi ciuitatem suam patriamque circumferant, ubique ciues, ubique amicos atque hospites reperiunt: adeò nullus melior virtute commeatus est, nec vllum hospitium certius quàm quod illi fama præparauit. Id apud Homerum Ulysses, apud Virgilium Æneas, ambo non factis suis quàm erroribus illustriores, experti sunt. Et Æneæ quidem quid in Libyâ Dido, in Græciâ Helenus, in Sicilia Rex Acœstes deesse passi sunt? ubi si matris industria, si coniunctio generis, si prior necessitudo, si ipsa per se calamitas quid contulerint, nihil tamen vnquam potentius adduxit, quàm cum dixit:

Sum pius Æneas, raptos qui ex hoste penates
Classè veho mecum, famâ super æthera notus.

In Italiâ verò fatis sibi debitâ tellure, ne de Latino dicam, quàm gratus Euandro Pallanti-que aduenit? quàm beneuolè exceptus, quàm liberaliter habitus, quàm amanter dimissus est? paratum non hospitium modò, sed & foedus reperit: armorum auxilium pænè accepit prius quàm flagitauit. Non aliter FERDINANDVM populi, ciuitates, Principes complexi sunt, nisi quòd ob eam causam esset acceptior, quia auxilium non petiturus, sed laturus adueniret. In eo similiores videas, quòd & Æneam virtus præcipuè carum fecit, & in FERDINANDO cum plurima concurrerent, nihil tamen amarint magis suspexerintque quàm FERDINANDVM. Accommodata erat ad picturæ sensum, nec minus ad votum nostrum inscriptio, ex eo Maronis loco ubi Pater Tiberinus futuri haud ignarus Phrygium hospitem salutat:

HIC TIBI CERTA DOMVS, CERTINE ABSISTE, PENATES.

Nimirum cum non ignoret Belgica quantum cum FERDINANDO felicitatis possideat, cumque de ipsius deque Regis erga se voluntate tam secunda sit, quàm intelligit se sine illis saluam esse non posse, quidni certam hic domum, certos & stabiles penates FERDINANDO & esse optet & fore confidat? maximè cum commissura numquam sit ut eum aut aduentus poenitere aut moræ pigere possit?

Cum intelligerent veteres caeleste planè donum virtutem esse, hominesque non tam naturæ quàm Deorum beneficio probos nasci, in eam nonnumquam venere sententiam, ut quos longè ante alios præstitisse, & humanis viribus maiora perfecisse cognoscerent, eos aut cælo delapsos & latentes sub mortali specie immortales Deos, aut certè homines Deorum semine oriundos affirmarent. Sic Herculem, Pollucem, Achillem Græci, Phryges Æneam, auctorem vrbis suæ Romani, alij alios non solum morte obitâ ad Deos transiisse, verum & originem à Diis traxisse crediderunt. Nec aliâ de causâ Ioui Deorum summo tantam



HIC TIBI CERTA DOMVS, CERTI, NE ABSISTE, PENATES.



tantam liberorum multitudinem adscriptam fuisse credibile est, quàm quia, ut est apud Homerum,

Ζεὺς δ' ἄρ' ἀνδρῶν ἀνδραγαθὸν ὀφείλει τε μινύθει τε

Ὅπως κεν ἐθέλησεν· ὃ γὰρ πάρος ἐσσι πάντων.

Iliad. v.

quia, inquam, ille omnium potentissimus virtutem viris auget & minuit prout vult. Pro-
num erat hominibus in Deorum cognitione cœcutientibus, in eam de viris illustribus
opinionem induci, ut à quo virtutem eos suam adeptos scirent, etiam vitam atque huius
lucis vsuram accepisse autumarent. Non infelici pro illis tenebris errore, nisi aliquando
cùm Numina in homines beneficia facere voluerunt, etiam scelerata fecissent. Rectius
aliquanto (quamquàm & id præposterè) eorum quæ geri quæque euenire cernebant prin-
cipia ad latentes quasdam occultasque causas, & diuinæ providentiæ ordinem retulere.
Quid enim illa de Deorum circa humanarum rerum administrationem conciliis, conten-
tionibus, studiis vulgatissima commenta testantur aliud, quàm non dubitasse eos quin
esset Numen aliquod, quod, ut Comicus ait, quæ nos gerimus, auditque & videt, à quo
suspensa sint omnia, cuius lege immobilis rerum humanarum feratur ordo, sine cuius nutu
ac voluntate nihil aut præclari agere, aut mali accipere valeamus? certè ea quæ proximè
memorauimus præstare, non nisi aut

Dīs geniti potuere, & Dīs auctoris orfi.

Dīs geniti Achilles & Æneas: quorum alter Thetidem, alter Venerem matrem habuit.

Dīs auctoris orfi

Argonautæ pridem, deinde Hannibal. Direxit illos Pallas, hunc Iuno concitauit. De Pal-
lade sic Catullus,

Diua quibus retinens in summis turribus arces,

Ipsa leui fecit volitantem flamine currum,

Pinea coniungens inflexæ texta carinæ.

Et sanè cùm Argonautis ad adeunda pericula ingens animi magnitudo, ad fabricandam
regendamque per incertos fluctus nauem summa sapientia adesse debuerit, non abs re
Palladem fortem simul & sapientem Deam pro fortitudine expeditionis auctorem, pro sa-
pientiâ velificationis inuentricem statuerunt. Iunonem verò creditam bellis Punicis quasi
signum dedisse & ex Marone conficitur, & apertiùs ex Silio qui Hannibalis in Italiam irru-
ptionem pugnasque quibus grauius concussus & pænè subrutum Romanum fuit Im-
perium, à Iunonis consiliis & recrudescere in Æneadas odio exorditur. Iunonem ergo
Hannibalis, Palladem Argonautarum fautricem, Thetidem Achillis, Venerem Æneæ
matrem in supremâ operis coronâ constituimus, ut qui Heroas illos non nisi diuinâ virtute
res tantas quantas narrauimus cognosceret perfecisse, idem de FERDINANDO haud infe-
riora vel patrante vel promittente fateretur. Achillis mater Thetis gemmis conchisque
æquoris sui diuitiis ornata tenebat scutum (nam & scuta, ut vsquequaque conuenientia
esset, Diuarum statuis sunt attributa) in quo puer fluuiatibus lymphis, Achilles scilicet sty-
gi immergebatur. Adscriptum ex Ouidio,

CAPVT INSVPERABILE BELLO.

Insuuperabilis ut esset, Stygiæ paludis ope Achilles indiguit: FERDINANDO, talis ut sit, cæ-
lum dabit.

Veneris clypeum Æneæ frater Cupido sustentabat, in eo gladius lauro implexus inter
duas

Plaur.
capri.
Seneca ii.
quæst. na-
tur.
Luius
lib. xxv.

Inscri-
ptio com-
munis
tabulæ
Æstatii
posteriori-
bus pri-
mi Arcus.
Lib. 6.
Æneid.
De nupt.
Pelei &
Thetid.

Lib. i.
Æneid.
Lib. i.

STENVM
THETI-
DIS.

Lib. xii.
Metam.

VENE-
RIS,

duas ciconias visebatur: gladio fortitudinem, lauro victoriam, ciconiis pietatem signantibus. Epigraphe ex Virgilio,

Lib. 6.
Æneid.

PARITER PIETATE VEL ARMIS.

His olim excelluit Æneas, modò FERDINANDVS.

PALLA-
DIS,
Senec. in
Medea.

Palladi Argonauis appenso ad malum aureo vellere cum hac inscriptione data,

PRIMA MERCES DIGNA CARINA.

Nunc vellus illud ad digniores, quàm quæ id olim ex Colchide retulerant manus, deuenit.

IVNO-
NIS.

Iunonium scutum nascentem, vt à Virgilio describitur, Carthaginem, supraque illam currum à pauonibus protractum exhibebat. legebatur,

Lib. 1.
Æneid.

ID REGNUM DE A GENTIBVS ESSE
TENDIT QVE FOVE TQVE.

Sed nec æternum iura gentibus dare Carthaginem, nec semper vincere Hannibalem fata fuerunt. illud, vt meritò confidimus, Hispaniæ, hoc FERDINANDO permittent: qui cum Pœni Ducis gloriam triumphosque æmulatus fuerit, exitum dissimilem & virtutibus suis dignum nanciscetur.

FOR-
RVM
CA-
ROLI-
NV-
M.
enig. or-
natu.

Arcum transgressos diffusum latè forum excipiebat. Longam in eo porticum ducere pegmatifque ac stauis exornare Senatui in animo erat. Per tempus non licuit. Sola hinc & hinc sedilia in suggestuum formam aliquot à terrâ cubitis eleuata, viam continuâ serie distinguebant. In illis selectæ longè infra nubilem ætatem virgunculæ candidas præferabant faces; genere omnes & formâ præstantes. Ornatum cuique excogitârât ambitiosa matrum, vt solet, nutricumque cura. Nec sua sedilibus elegantia deerat. Varia in illis emblemata, mysticæque notæ. Ipsæ puellæ virtutum, affectionum, artium, regionum, vrbium spirantia symbola. Id ornamentum celeberrimis plateis additum, hic cum foro oculis subiicere placuit.

SCE-
NO-
GRA-
PHIA
FORI.

AR-
CVS
CA-
ROLI-
NV-
S.

Pertinebant sedilium ordines ad proximum vsque Arcum: hunc augustissimum Gandenses esse voluerunt. Centum & viginti pedes altus supra domorum fastigia multum eminebat, grato vel extra mœnia spectaculo. Nec maior, quàm elegantior, fuit. sed operi per se splendidissimo verborum ornatum addere, perinde esset ac Soli, quod aiunt, lumen mutuum dare. Ob oculos posuisse laudasse erit.

ANTE-
RIOR
EIVS
F A-
CIES.
CARO-
LVS V.
Gandani
natu.


Argumentum tabularum id erat, quo neque gloriosius sibi Gandauum, neque FERDINANDO gratius dare posset. Dium CAROLVM Imperatorem referebant, amabile Gandaenensibus nomen: eo consilio, vt FERDINANDVS illustrissima proavi sui facinora contemplatus simul eius memoriâ oblectaretur, simul reuocaret in mentem, quæ eum patria genuisset: atque adeò, cuius se nepotem lætatur, eius natalem vrbem præcipuo benevolentiae affectu complecteretur. De amore enim maioribus nostris debito partem sibi patria vindicat. Si illos illustres accepisse pro beneficio habemus, in hanc quæ dedit gratissimus necesse est. Et quamuis FERDINANDVM iis natura dotibus, Deus virtutibus cumulârît, vt ad summa peragenda ipse sibi sufficiens neque stimulis, neque exemplis egeat alienis; tamen si conspecta Miltiadis trophæa Themistoclem, Alexandri victoriæ Cæsarem ita quondam affecere, vt alteri somnum, alteri lacrymas excusserint; quidni & illum sponte ad gloriam ardentem obiecta oculis auitarum laudum monimenta vehementiùs inflammarent? Et sanè

FERDI-
NANDO
in excem-
plum
proposi-
tius.



LAVDVM MONVMENTA TVARVM FERRDINANDE VIDES.





OVEM DAS FINE
REX MAGNE
LABORVM

DISCE NEPOS VIRTUTEM EX ME


AVSTRIACVM POPVLIS NO-
MEN FATALE REGENDIS.

Qui potius tantum
vincere mater erat.

Tanto te Africa.

Hic Belgica tuus
sub alis.

super te Germaniam
et Indos, etc.






AVSTRIACVM POPVLIS NOMEN FATALE REGENDIS.





DISCE NEPOS VIRTYTEM EX ME.



fanè exemplorum summa vis: longè maxima tamen domesticorum. Valet ad æmulationem virtutis communio sanguinis; & facilius eorum vestigiis insistimus, ad quos imitandos ipsa nos natura ducit. Sed vt, quem factis sibi præeuntem videbat, velut præsentem audire posset, magis conspicua tabula vtrumque coniungebat. CAROLO pro Cæsareâ dignitate plus inerat maiestatis: FERDINANDO pro ætate plus spiritus ac vigoris. Ille, velut præcepta virtutum traditurus, vultum ad grauitatem; hic, vt accepturus, ad alacritatem componebat. Quid autem bellis innutritus & facere plura, quàm dicere, assuetus Imperator vel se dignius, vel apud Nepotem potentius adferret, quàm exemplum suum? Sagittæ imbellibus lacertis emissæ similis est adhortatio viri virtutibus, ad quas alterum stimulat, destituti. Nec illa destinatum ictui corpus, nec hæc audientis animum altè penetrat. Tum demum potenter impellit, cum dicentis orationem factorum gloria commendat. Notum illud Philosophi: Longum iter per præcepta, breue & efficax per exempla. Quare apud Virgilium Æneas Ascanio stimulos subditurus non aliud monet, quàm vt in se coniiciat oculos, se spectet, sua expendat facta, eorumque cogitatione mentem ad præclare agendum conformet. Quæ eius ad filium, CAROLI ad Nepotem verba erant:

DISCE NEPOS VIRTUTEM EX ME.

Atque si diceret: Laudem potiùs, FERDINANDE, quàm hortationem indoles tua postulat: sed quoniam eâ conditione natus es, vt tanta agere numquàm possis, quin maiora expectentur, macte animis esto: & familiæ, in quâ genitus, & prouinciarum, quibus præfectus es, memor, ea age, quorum hæc à te decus expectat, illæ virtuti tuæ campum aperient. Tranquillo mari cursum tenere cuius facile est. Artem & peritiam gubernatoris tempestas arguit. Vectorum periculum laudis illi materiam præbet: Tibi Belgarum. Quos quamuis iis fluctibus agitari nolles; erit tamen gloriosius attulisse, quàm inuenisse quietem. Tu post filium meum, auum tuum PHILIPPVM alter es, quem è progenie meâ Moderatorem vident. Quæ per illius absentiam orta sunt bella, te præsentem desinant oportet. Omnium vota consumpta sunt. Suprema in te spes est: cui quæ respondeas, à me disce. Quæ ego gessi quemadmodum mihi ad gloriam, tibi ad exemplum sint: vt iisdem rebus Austriaci nominis decus conferues, quibus partum est.

CAROLI Cæsaristes gestæ, vt magnitudine incomparabiles, ita locis disiunctissimæ fuère. Quantum terrarum aliorum fama peruagata est, tantum ipse non itineribus modò, verùm & victoriis peragrauit. Ex omnibus regnis prouinciisque, quas vel nascendi sorte, vel armis acquisiuit, vix vlla est, in quâ præter clementissimi Principis nomen, non etiam fortissimi Imperatoris laudem consecutus sit. Vnam Hispaniam ferè sine bello possedit. Vt illa perpetuâ pace frueretur, quam ad cetera per orbem conficienda bella præcipuam Regi suo operam nauare quâ pecuniis quâ viris suppeditandis oportebat. Operum, quæ maximam mundi partem impleuerunt, imagines in aliquot palmorum angustias contraximus. Quoniam rerum magnitudine vincebamus, breuiarium dedimus. Ne & id confusum indistinctumque foret, placuit per prouincias ire. Prima Germania est, Imperij sedes. Hanc bel-

I. TA.
BVLA.eum hor-
tatur ad
sui imi-
tatione,Æneid.
lib. 12.ex Bel-
garum
necessi-
tate.Hispaniâ
habuit
pacatam.Germa-
niam ad
officium
reduxit:II. TA.
BVLA.
captis
Saxone
& Hassio,

*Ciuita-
tibus se
submit-
tentibus.*

contumaciam superbiamque spiraret; sed tamen alter, cuius corporis moli magnitudo spiritus respondebat, calamitatem posse se ferre, alter non magis viribus, quàm animo fractum se ostendebat. Inde ad Imperatoris solium prouoluta Germania dextram, quàm prius arma tulerat, suppliciter protendens, ciuitatum suarum præsides veniam magis sperantes quàm meritos, habitu ad commiserationem composito adducebat, rogabatque vt quemadmodum alteri Cæsaris in prælio fortitudinem senserant, ita hi clementiam in victoriâ experirentur. Quasi non minùs Austriacum, quàm Romanum foret,

Parcere subiectis & debellare superbos.

*CAROLI
clementia.*

Cæsar naturæ suæ, non alienæ perfidiæ memor, annuere supplici videbatur; maiori documento clementiæ, quàm fructu. Quippe, vt indomitum ac refractarium malum hæresis est, non multò post violatâ rursus fide arma resumpserunt. Quæ sectarij quasi per manus accepta dissimulatis interdum, numquàm depositis in Austriacos odiis, hætenus seruauerunt quidem; sed non tam inuictam illam gentem, quàm seipsos læserunt, & magnâ ditiorum suarum, quasi membrorum, parte mutilauerunt. Adeò verum,

Austriacum populis nomen fatale regendis.

*Pro Au-
striacorum
imperio
votum,
an præ-
sagium?
Eleg. 1.
lib. 2.*

Quod cum dicimus, non eam ineuitabilem rerum futurarum necessitatem inducimus, quam Tibullus olim cum de vrbe Româ sic vaticinantem Sibyllam facit:

Roma tuum nomen terris fatale regendis,

*Austriaci
vni-
di.*

quamque homines istius æui plerique ipsis potentiorè Diis agnouere. Neque fatum quidquam aliud, quàm iustissimum diuinæ prouidentiae liberrimè omnia disponentis ordinem interpretamur. Sed quemadmodum ab hac augustissimâ Domo tot se gentes regi lætantur; ita fore vt æternum regantur vel vouemus, vel præsumimus. Sanè si in Germaniâ (de quâ hîc potissimum sermo est) spectare libeat per tot iam annos nihil hostium furorem toties iteratis bellis, nihil machinationes æmulorum, nihil subditorum defectiones, nihil perfidiam, rebellionem, insidias hæreticorum Domus huius statum laefa ctafse; sed, vt arbor vehementibus concussa ventis altiores firmioresque radices agit, ita omnibus eam difficultatibus periculisque consolidatam ac roboratam fuisse; quis est qui neget decretam ei diuinitus Imperij æternitatem videri? Certè dum illa Dei causam non deseret, suæ vicissim Deum & defensorem habebit & vindicem. Inuicta erit, dum bella Domini bella bit. Stabit inconcussa, dum pietatis fundamento nitetur. Si quam subinde cladem accipiat (nec enim vt fortiter ferre, ita euadere omnes virtuti casus contingit, imò ne expedit quidem) si quam, inquam, cladem accipiat, id eò fit vt constet vtrique fortunæ parem esse; nec secundis nimium efferri, nec aduersis frangi: in vtrisque Deum iuxta venerari: de illis gratiam habere, in his fiduciam erigere. Nihil denique ita vel sibi vel hostibus adscribere, quod non magis Numini ferat acceptum.

*interdum
cladibus
exercen-
tur.*

*TABV-
LA III.*

*CAROLI
victoria
ad
Ticinum.*

*Pugna-
uit ab-
sens.*

Germanicas CAROLI victorias sequebatur ea quæ ad Ticinum de Francisco Galliarum Rege parta est, par prioribus, si hostis fatum; illustrior, si dignitatem spectes; si prælij magnitudinem, CAROLI quæ fortunam, eadem vtroque: nisi quòd illic præsens, hîc absens pugnauerit. Nimirum communicatur cum Ducibus Imperatorum fortuna: & exercitus cuius auspiciis pugnat, eius felicitate vincit. Quamquam ea non felicitas magis, quàm virtus CAROLI fuit. Quid refert si signum pugnae ipse non dederit? Milites suos ita instruxerat, vt ad vincendum Imperatoris præsentia non indigerent. Alterius ductu, illius disciplinâ pu-
gna-



QVI POTVIT TANTVM VINCERE MAIOR ERAT.



gnabant. Sine ipso vicere, ab ipso habebant vt vincerent. Victoriæ vt immortalis fama, ita momentum maximum fuit. Per eam sibi CAROLVS & Italiam asseruit, & in Italiâ Galliam ^{Victorie momentum.} vicit: certè fregit ac debilitauit. Si enim Rex instar animæ per magnum corpus diffusæ regni sui vigorem vitamque conseruat, quid aliud Rege capto euenire Galliæ poterat, quàm quod corporibus linquente spiritu solet? Sed sua Cæsar seruasse contentus fuit. Vt scires CARO- ^{LI mo- deratio.} necessitate compulsus ad arma venisse: quæ postremus sumpserat, primus deposuit. Iram non accendit victoria, sed sedauit. Intra moderationem lætitia fuit. Priuatas inimiciæ causas Christiani nominis reuerentiæ posthabuit. Nec suâ Franciscus laude caruit. In prælio fortis, in clade constans: vbique Regem se gessit. Bello victus animo fuit inuicto. Ab hostibus captus de fortunâ triumphauit. Vt omnia dicam, vincere merebatur, nisi contra CAROLVM pugnauiſſet. Quare non eum victum ac comprehensum, sed adhuc in acie versantem, & glorioſo quidem, sed inutili conatu expedire se conantem repræsentauimus. Quod enim de leone perhibent, tum demum ferociſſimum eſſe, cum plagis implicitus, densiſve venatorum globis circumſeptus proximè periculum est: ita Franciscus numquam fortior fuit, quam cum ab hostibus cinctus nec vincere, nec elabi potens, nequidquam fortis eſſet. Intendebat vires desperatio omni nonnumquam spe potentior. Cum actum eſſet de victoriâ, de gloriâ dimicabat. Donec tandem, fatiſcente vulneribus equo, ^{eiufq. captiuitas.} ipſe etiamnum indefeſſus & postremus ſuorum victus venit in hostium manus, nè tum quidem de maiestate quidquam detrahente fortunâ. Contemplabatur hoc ex vicino colle Italia, videbaturque dubitare, victorine magis CAROLO gratularetur, an victum Franciscum doleret. At Neapolis atque Inſubria ingentem animi lætitiâ vultu præferebant: ^{Neapolis & Inſubria plauſus.} vtque Imperatori de victoriâ, ita ſibi de victore applaudebant. Ex habitu eas dignoſceres. Italia terrarum quondam domina, Reginæ instar ſceptrum geſtabat: caput turribus ac muris coronabatur. Inſubriam binæ in manibus coronæ diſtinguebant; altera è ferro, qualem Cæſares gerunt: ex auro altera, qualem, quos hodie regionum Duces appellamus. Illam Romano Imperatori Mediolanum ſeruât: hanc Duci ſuo gerendam donat. Neapolis verſicolore & floridâ veſte, hilaritate vultus, quem circumdata capiti corona leuiter obumbrabat, toto denique corporis habitu terræ ſuæ deliciis atque vbertatem oſtentabat. Ceterum lenis erat & moderata epigraphe, quæ victo captiuoque Gallo nihil inſultans, de duorum fortisſimorum Imperatorum æmulatione ita ab euentu iudicabat:

QVI POTVIT TANTVM VINCERE, MAIOR ERAT.

Fuere qui id iudicium à Regibus ad regna transferrent, quaſi eâ pugnâ non modò Franciscus CAROLO, ſed & Aſtriæ Gallia palmam conceſiſſet. Pro affectu ſuo ſenſuque quiſque iudicat. Nobis nec illis quidquam arrogare, nec his detrachere animus eſt. Vtriſque (ſi tamen vtrique ferre poſſint) pacem optare malumus, quàm de bellis bellorumque cauſis diſceptare. Quamobrem & quam nonnulli ex Virgilio ſuggerebant, epigraphen repudiaui-
mus. Aiebant illi Franciſci fortunæ conuenire, ſi ipſe de ſe diceret:

Nil ſuper Imperio moueor: ſperauiſus iſta

Dum fortuna fuit. Vincant, quos vincere par eſt.

Iam Europam, quanta erat, ſibi CAROLVS vel ſubiectam habebat, vel pacatam amicamque. In aliam mundi partem transferre arma placuit, & Chriſtianorum cæde imbuta ^{CAROLVS bellum in Africam tranſfert.} barbarorum ſanguine expiare. Cum his numquam non belli cauſa: tum etiam neceſſitas erat. Aſiduis ex Africâ claſſibus Italiæ littora infeſtabant, prædonum magis quàm mili-

tum more. Quin & nuper Barbarosâ duce Calabriam ausi inuadere maxima intulerant damna, maiora minabantur. CAROLVS tum demum libenter pugnaturus quando cum Dei hostibus res foret, classem armat, exercitum imponit, in Africam traiecit tot Romanorum Ducum triumphis nobilem. Exscensione feliciter factâ Golettam militibus operibusque instructissimam vi capit. Mox secundum cum Barbarosâ prælium facit. Tandem Tuneto præcipuo piratarum prædarumque receptaculo in potestatem redactò, bellum more suo, hoc est, celerrimè conficit. Victor in Italiam regreditur, pulcherrimum triumphi ornamento ducens assertos in libertatem Christianos. Huius expeditionis simulacrum nonnihil ab aliis discrepabat. Non classis, non pugna, non victi captique hostes, non expugnata oppida pingebantur. Vnus CAROLVS Africam trementem pauentemque quasi manu apprehensurus impetebat. Africam mulier referebat pro regionis ingenio fusca. Caput calanticæ loco proboscis elephanti integebat. Prominebant instar cornuum bestię dentes. Spicæ, quas manibus tenere solet, præ pauore exciderant: serpentes, quarum ob intemperatos calores feracissima est, volutabantur ad pedes. CAROLVS supra arma Cæsareis ornamentis induebatur: quasi non eius tantum robur, sed & maiestatem Barbari reueriti essent. Picturæ sensum huc quidam trahebant. Aiebant solum Imperatorem non milite, non copiis instructum exhiberi, propterea quòd in bellis, etsi non vnus Imperator vincat, vni tamen præcipua victoriæ laus tribui solet: neque tam spectari quorum manibus, quàm cuius ductu atque imperio parta sit. Alia res argumento causam dederat, ex Iulij Cæsaris historiâ. Is belli ciuilis reliquias in Africâ persecuturus, cum in littus exscendisset, seu sponte se in terram demittens, seu fortuito prolapsus, vt casum in omen verteret, manu solumprehendit, & Teneo te, inquit, Africa: quasi iam tum non littoralem arenam, sed totius regionis imperium in manibus haberet. Similem in modum CAROLVS Africæ victricem illam tot gentium manum iniiciebat: subscriptumque erat illud ipsum:

*Historiam
victoriarum
in signa
reportat.*

*TABV-
LA IV.
eius argu-
mentum.*

*CAROLI
cum
Cæsare
compara-
tio.*

T E N E O T E A F R I C A .

Fuit hic qui obiiceret aliter longè CAROLVM, aliter Iulium Africam tenuisse. Ab hoc vniuersam quæ culta, quæque inculta est; ab illo exiguam, quæ Italiam respicit, partem subiugatam. Cogitet is velim non tam quid egerit (id enim etsi difficultate operis potius, quàm terrarum spatiis metiendum est: tamen quantumcumque fuit, vel ipsi CAROLO parum fuit) cogitet, inquam, non tam quid in Africâ pius hic bellator egerit, quàm quid agere instituerit; nisi quidam, quidquid ille Imperio adiceret de suo detrahi cogitantes, à pulcherrimis hisce & Catholico Rege dignissimis curis, inuitum auocassent, domi semper vel inferentes, vel molientes bellum. Preceturque, vt aliquando compositis Europæ rebus, & cessantibus iis præliis, in quibus ne vincere quidem piis sine aliquo dolore licet, eò conuertantur arma, vbi non iustum modò, sed & misericors bellum sit: vbi hostibus ipsis profit vinci: vbi non ira, non æmulatio, non regnandi lubido, non avaritia effundendi Christiani sanguinis causa sit, sed dignus tali pretio Dei honor.

*Quid ex
Africâ
CARO-
LVM re-
noscantur.*

*Infer-
rum ta-
bularum
descri-
ptio.*

Duarum quæ reliquæ sunt tabularum altera ad Belgium, vnde CAROLVS initium regendi fecit, altera ad Indias, quò latissimè imperij sui limites protendit, pertinebat. Ambæ ceteris minores, etiam picturæ ratione differebant. Non viuis coloribus expressæ, sed vno eodemque, qui metallo similis erat, vbique inducto, magis ære fusæ, quàm penicillo pictæ videbantur. Nec minor in inuentione diuersitas, quàm in coloribus erat. Quod in aliis Imperatori, in his aquilæ tribuebatur non ingrata varietate. Hinc augusta volucris vacuo pendens



TENEO TE AFRICA.



dens in aëre, ac sese librando sustinens alarum suarum umbrâ Belgicam protegebat. Inde trans immensos Oceani tractus generoso volatu fidens nubes, ad incognita nuper Indiarum regna Austriaci ius imperij proferebat; potens scilicet & quæ possidebat seruare, & noua per virtutem acquirere. Belgicam virgo modestè speciosa referebat. In manu lignonem, in sinu (erat enim sedentis situ) acum nauticam gestabat. Per illum cultura terræ, quam vbique vel habet, vel facit fertilem; per hanc nauigationis vsus signabatur. Neque enim magis tellus, quàm Oceanus Belgarum solertiæ patet: sed vtriusque elementi cultores ac propemodum incolæ, hoc indefesso labore subigentes; illud, quaqua uersum diffunditur, ingenti ausu pariter atque arte enauigantes, magnum vbique sibi quæstum faciunt & nomen. Non tamen lignonem, quàm gladium; merces, quàm arma tractare meliùs didicerunt. Sed arma iacebant ad virginis pedes: quasi iis quidem uti cum gloriâ posset, sed tamen carere cum pacè, & sub pedibus habere, quàm in manibus mallet. Ita securitatis plena, & pacis negotiis intenta, sub expansis aquilæ pennis confidebat. erat enim

HIS BELGICA TVTA SVB ALIS.

Sed prò dolor! sortem illam beatissimam tota non agnouit, vel (ut in humanis fit) ferre non potuit. Ab hac se protectione magna pars subtraxit: quæ rerum secundarum, quasi^{i quâ pars se subduxit.} dulcium ciborum, pertæsa, cum pacis bonis gaudere posset, maluit belli calamitates experiri, non alio fructu, nisi ut sub specioso libertatis nomine grauiori seruitio premeretur. Benè tamen habet: iacta sunt melioris spei fundamenta. Breuî vel reditura ad officium, vel reducenda est: reditura quidem, si benignitatem; reducenda, si potentiam Austriacam velit experiri.

Vt olim Alexandro Macedoni vnus angustus erat orbis: ita neque CAROLI virtus potuit vnus terminis circumscribi. Pari in vtroque animi magnitudine. Sed cuius in illo laudem inexplibilis cupiditas, ardorq; dominandi non parum minuit, in hoc religionis studium vehementer auxit. Huius, quàm imperij propagandi cupidior; cum terris propè omnibus trophæa fixisset, incognita maiorum suorum exemplo scrutatus est maria. Instructas in Oceanum classes misit. Nouum orbem, quâ iam patebat, asseruit: quâ adhuc erat inexploratus, patefecit. Præter eas Indiæ, quæ ad Occasum est, regiones, quas post Bæticum bellum expulsasq; Maurorum reliquias Ferdinando & Isabellæ Castellæ Regibus, velut in laborum tam piè susceptorum sumptuumq; mercedem, Deus aperuerat, CAROLI auspiciis immensa Mexicanorum ac Peruvianorum regnorum spatia præcipuum Hispanæ opulentia thesaurum suffectura inuenta, adita, occupata sunt. Sic demum longè ultra fines Romanis aquilis notos Austriacæ penetrarunt. Rem pictor sic expresserat. Sedebat India barbaro, vel potiùs nullo cultu; nisi quòd pro veste, variarum volucrum plumis, nec adhuc tota tegeatur. Collum monilia, brachia armillæ innexis inuicem gemmis obibant. Vultum crassiora labra, obtusior nasus, grandiores oculorum orbes ab Europæâ facie distinguebant. Circumiacebant adesa humani corporis ossa crudelitatis argumentum. Manus de more arcu & sagittis, sed nihil in aquilam valituris, armabatur. Hæc tranatis longo tractu nubibus descendens timidam & ad ignotæ volucris aspectum solo afflictam mulierem rostro atque vnguibus impetebat; vel volenti, scilicet, imperatura; vel, si imperium detrectaret, repugnantem subactura. Subscriptum erat:

SVPER ET GARAMANTAS ET INDOS
PROFERET IMPERIUM.

Z

Protu-

Protulit sanè feliciter, proferetque ad extremos, si nondum eos attingit, mundi terminos. Ita diuinà sapientià, per quam Reges regnant, statuente, vt quorum inprimis virtute atque opibus Christiana res nititur, eorum imperio subiiciantur eæ regiones, in quas veritatis lucem omnibus retrò sæculis vel incognitam, vel incurià ac longinquitate relictam rursus inferri, ac deinde non minori studio necesse esset conseruari.

*Trans-
suepor-
te, in eo
Tabula
bina.*

Quinque, quarum argumenta exposuimus, tabulæ ex aduersum intuentibus obiicieban-
tur. Præter has binæ, quantas portæ profunditas admittebat, fornici, quâ arcuari incipit, confines in transitu spectabantur. Idem his quod ceteris argumentum, CAROLVS Imperator. Altera susipientem Imperij insignia, altera deponentem, regnisque se pariter exuentem referebat. Dubium vtro in loco gloriosorem: nisi quod tot regna tenuisse, maioris felicitatis; sponte dimisisse, virtutis fuit. Illud commune cum pluribus, hoc propemodum absque exemplo. Tantò difficilius est animo suo, quàm populis imperare: fastidire regna, quàm possidere. Non parum tamen illustre fuit, CAROLVM, cui maxima virtutis decora & mereri semper, & habere contigit, augustissimam Romani Imperij coronam communibus populorum votis sibi destinata, septemuirum suffragiis delatam, propriâ virtute assertam de manu Pontificis Summi suscepisse, & concessi sibi diuinitus honoris insignibus ab illo, qui in terris Dei vice fungitur, decoratum fuisse. Perinde vt si per hunc diuinæ voluntatis interpretem significaretur ad confirmandum ei Imperium, cum mortalium studiis cælestium decreta consentire. Bononiæ id contigit eo apparatus splendore hominumque frequentia, vt vnam in urbem multarum prouinciarum populos, opulentiamque conuenisse diceres. Quis omnium sensus, quod desiderium fuerit, epigraphe repræsentabat. Vt nimirum quæ CAROLVM mundo dedit,

*CAROLVS
PONTIFICIS
CORONATIO.*

*Quid i. g.
Trib.*

*Votum
pro Au-
striacis,
simul pro
Ecclesiâ.*

PERPETVO TERRIS IMPERET ILLA DOMVS.

Vt illa, inquam, tot præterea Regum atque Imperatorum procreatrix, Superis chara, mortalibus veneranda Domus Austriacæ Romanum Imperium tamdiu, quàm eius virtus merbitur, hoc est, æternum moderetur. Magnum, sed non ex Austriacorum honore magis, quàm è re Catholicâ votum. Vel ipsis sacrorum hostibus crede. Quid suscitata ab illis bella, quid conspirationes, quid perpetuæ inimicitia testantur aliud; nisi cogitasse eos, si quidem Ecclesiæ ædificium destructum vellent, hanc prius columnam euerti oportere? hâc labefactatâ, illud diu subsistere; hâc stante, cadere non posse? Quare quemadmodum nemo est Ecclesiæ inimicus, quin idem Domui Austriacæ bellum indixerit. Ita æquum, certè optabile est, vt qui illius se amicos profitentur, in hanc quoque beneuolum animum gerant.


*CAROLVS
re-
gnis &
Imperio
se exiit.*

Triginta sex annos Imperio, paulò plures paternis regnis potitus CAROLVS, prosperaque vt plurimum fortunâ vsus, nihil in posterum illi debere voluit. Quidquid vicissitudini subiaccere poterat partim in Fratrem, partim in Filium transtulit; in illum Imperij, in hunc regnorum possessionem. Ipse deinceps ignotâ Regibus quiete fruiturus, & tot populorum curas in se vnum aliquando vtilius conuersurus, magno illorum incommodo, nisi & Fratrem sibi virtutibus germanum reliquisset, & Filius non tam paternarum ditionum, quàm virtutum hereditatem creuisset. De Filio nobis potissimum sermo est. In quo cum pater sapientiam agnosceret, quam in se orbis probauisset; ætatem præterea vt magis integram, ita sustinendo oneri magis idoneam; velut quondam fulciendis cælorum orbibus Atlanti fesso successisse Herculem ferunt; ita sibi ætate ac curis fracto pollentem iuuentâ ac virtute substi-

*PHILIPPVS
II. regna
suscepit.*




PERPETVO TERRIS IMPERET ILLA DOMVS.





TV NVNC ERIS ALTER AB ILLO.



substituit. Secus profectò ac plerique faciunt, qui dominandi amor omnia posthabent: neque quid expediat, sed quid liceat, cogitantes, malunt cupiditatibus inservire, quàm suæ suorumque saluti prospicere. Nimirum post tot reportatas omni ex hoste victorias id sibi restare CAROLVS arbitrabatur, vt seipsum quoque vinceret, haud paulò maiori cùm magnanimitatis tum prudentiæ laude. Magnanimitatis quidem, dum quæ alij per ferrum & ignes petunt, ipse contempsit; quæ vix patienter amittunt, vltro deposuit; ostenditque, magis regna CAROLO, quàm CAROLVM regnis eguisse: prudentiæ verò, cùm, quod imminente fato necessitas futura erat, ipse virtutem fecit; & Imperij sui finem maluit esse voluntatis propositum, quàm naturæ defectum. Melius enim quæ tenere non possumus depouuntur, quàm extorquentur. Quod vel inuitis cum dolore faciendum est, facere cum laude prudentes occupant. Quamquàm non cupido laudis, cuius iam eum vel satietas ceperat, vel vanitas erudierat; sed pietatis studium ad id consilij impulerit religiosum Principem. Cupiebat, post tot annos subditis datos, sibi supremos impendere, & confecto cum gloriâ vitæ cursu æternitatis iter adornare. Volebat ex hac vitâ, cuius finis immortalitatis initiû est, exire potius, quàm educi; & Iudicis iram, si quam meruerat, tēpestiuè placando, iudicij seueritatem declinare: relicto Regibus exemplo vt recordentur potestatem non vltra mortem, si tamen vsque ad mortem, sibi adfuturam: sed sistendos se supremo tribunali, tamquàm publicos quosdam reos, tantò duriore conditione, quantò difficilius est de vniuersis, quàm de vno se rationem reddere. Hoc CAROLI factum per se illustrissimum, tamen & aliunde multum splendoris accepit. Rarò quisquam tantâ pompâ regnum suscepit, quantâ ille deposuit. Non quia nouo ambitionis genere ex honorum abdicatione honorem ipse captaret, & quemadmodum quidam vitâ functuri splendidè se efferri iubent, ita ipse magnificè regnis defungi & ostentare secessum, quasi voluntarias quasdam viuientis Regis exequias vellet; sed potius vt in illâ apparatus magnificentiâ ostenderet quantis rebus carere posset; & quoniam imitatores facti sui habiturum se sciebat vix vllos, testes haberet quamplurimos. Præter ipsum CAROLVM eiusque Filium PHILIPPVM Angliæ Regem, præter immensam Principum, Magnatum, Senatorum multitudinem, aderat MAXIMILIANVS Bohemiæ Rex, cumque illo Philibertus Emanuel Sabaudia Dux. Aderant Heleonora Gallia, Maria Hungariæ vidua, alteraque Maria Bohemiæ Regina, & Christierna Dani Regis filia Lotharingia Dux. His ad ignotum hætenus orbi Christiano spectaculum animo suspensis CAROLVS, cùm res à se iam inde ab ætatis anno decimo & septimo ad eum diem peractas, expeditiones, victorias, profectiones Dei ac subditorum causâ susceptas enarrasset; corpus laboribus pridem fessum, nunc morbis etiam senioque confectum, animum quietis ac sanctioris otij cupidum docuisset; subditos suos obedientiâ ac fidei obligatione, se curis atque onere regnandi lætus absoluit: numquàm magis Rex, quàm cùm noluit regnare; numquàm felicior, quàm cùm humanæ felicitati in tempore nuntium misit, & incertorum regnorum dispendio ad cælum sibi aditum muniuit. Ius omne quod CAROLI fuerat, PHILIPPVS suscepit. Qui non fato, vt solet, sed beneficio paterno Rex factus, ita populos sibi commissos complexus est, vt quotquot antea sub patris imperio vixerant, non tam pro CAROLO PHILIPPVM suscepisse, quàm in PHILIPPO CAROLVM seruasse viderentur. Eò epigraphæ spectabat;

CAROLVS cūram in se conuer- tit.

Ingeni pompâ & concursu regna depont.

PHILIPPVS jubet.

TV NVNC ERIS ALTER AB ILLO.
alter non imperio magis, quàm moribus ac virtute. Nam & ille singularis in Austriacos Nu-
Aa minis

Virg. Ed. 5.

minis fauor est, vt quorum in manus transire scepra debeant, eorum quoque in animos maiorum genius quasi commigret.

SUPRE-
MATA-
BVLA
ARCVS
CARO-
LINI.
CARO-
LI iam
calitis

Repræsentatis CAROLI rebus gestis, quibus immortalem apud homines famam, apud Superos felicitatem consecutus est, admonere res videbatur, vt adumbrata eius in terris gloria in cælis exhiberetur. Locus opportunus erat, arcus fastigium spectabile, & non structura magis quàm tabularum argumentis accommodatum. Quid enim aptius, quàm maxime in cælum assurgebat opus, quàm CAROLVM cælitem proponeret? Non prout antiquitas Imperatores suos sæpè vix hominum societate dignos, tamen inter Diuos referebat, ac si titulis quos quis gesserit, non moribus quibus vixerit, æternitatis conditio respondeat: sed vt, quos actam religiosè vitam sancto fine conclusisse censemus, ad beatam Diuorum sedem transiisse confidimus. Sedebat sublimis inter nubes CAROLVS, terras, quas olim rexerat, ex alto despiciens. Asidebat genitori non dispar Filius PHILIPPVS II. huic sua progenies PHILIPPVS III. ad quem nuper accesserat è Belgio eiusdem sanguinis ISABELLA, non indigna tantis heroibus coniungi femina. Quoniam verò certum est, æternæ felicitatis adeptione priores cælitibus curas non adimi, sed augeri potius in res, quas iure caras habuerunt, amorem: ad hos amantissimos sui Principes Belgica, prout erat, miserabilis accidebat: doloremque suum quàm lacrymis, quibus non parum sanguinis admixtum erat, quàm scissis indignè vestibus contestata opem, quam in terris præstiterant, è cælo flagitabat. & quamquàm luctus non omnino miseram deformarat, quin, vt decoræ nonnumquam lacrymæ sunt, aliquà sui parte pulchriorem reddiderat, tamen haud ignara quantum mutata esset:

opem
Belgica
implorat.

Belgica, inquit, sum, toti quidem orbi calamitatibus meis, sed nescio an vobis ex formâ nota. Adeò mihi multum de pristino vigore detractum est. Quod restat vna auxilij vestri spes sustentat. Mihi quidem ipsi imputare debeo quòd misera sum, nec aliud me fatum premit, quàm quod vltro accersunt ciues mei; sed cur qui immunes à noxâ sunt, non sunt liberi à calamitate? Non iis regionibus continetur malum, vnde ortum habet. Vt ignis vni domui subditus serpente mox flammâ in alias se insinuat; ita hoc bellorum incendium ab iis, quæ descuerunt, motum fideles etiam & innoxias prouincias inuadit. Malunt quidem illæ honestum bellum, quàm inhonestam cum hostibus pacem: nihilque sibi gloriosius ducunt, quàm pro suâ in Deum & in vos fide pugnare. Norunt hoc ipso se felices, quòd fideles sint; nec aliud esse malorum tolerantiam, quàm virtutis experimentum. Sed quantò alacriores ad incommoda ferenda sunt, tantò citius leuari par est. Per quæ fidelitatem probant suam, per ea auxilium merentur. Quem, ergo, aiebat ad CAROLVM (in quo enim plus haberet fiduciæ, quàm in eò quem ipsa genuerat atque educarat?)

Lib. r.
Æneid.
Exaudietur.

QVEM DAS FINEM REX MAGNE LABORVM?

Non in vanum fusæ preces. Commoti Heroum animi sunt, accedente ad beneuolentiæ affectum commiserationis sensu. Quid agerent? Belgicæ olim Principes, nunc patroni fiunt. PHILIPPO IV. supplicem commendant. Pro suo in hanc fauore, in illum fiduciâ, vt opituletur, monent. Gnari non alio opus esse auxilio, quàm tanti Regis voluntate.


Definitur in
Belgium
FERDINANDVS.


PHILIPPVS, qui vt cetera Maiorum habet, ita amore in subditos nihil concedit, Fratrem suum FERDINANDVM, hoc est alterum se, ad eius gubernationem destinabat. Nec detrectabis laboriosam quidem, sed plenam gloriæ prouinciam. Impositum à Fratre, commendatum à Maioribus, optatum à Belgis Imperium alacer suscipiebat. Planè vt Belgica pluf-



QVEM DAS FINEM REX MAGNE LABORVM.









PORTES. GREANTYR. PORTIUS.



plusquàm optare, certè quàm rogare auderet, consecuta, laborum suorum non leuamen tantum, sed finem speret.

Auersam molis Carolinæ frontem ad fastigium perducere tempus vetuit. Sed, quoniam studiosissimæ voluntati nihil obesse debet, quod euitari non potuit, incommodum, hîc perfectam damus.

Tabulæ vt si structuræ nihil deesset, suo situ erant, & velut in priori Arcu argumenti similitudine anterioribus respondebant. Quæ CAROLO nepotem exemplis suis informantem aduersa erat, habebat Martem Patrem prognatosque ab eo Romanæ vrbis conditores. Mars, relicto quem agitare solet curru, bellatori equo infidebat. In pugnam ruere diceret. Romulus & Remus formâ quâ notissimi sunt, in Tyberis ripâ pendebant à lupæ vberibus, nec præsentis periculi, nec futuræ sortis gnari. Hæc aliunde dignosci poterat. Iam tum victoriam felicitate ac gloriâ comitatam in Italiam fata destinabant. Ferebatur ea niueis per aërem pennis, & locum vbi sedem figeret indagans, nescio quos montes ambire videbatur. Procul inde Ilia puerorum mater, quamuis auctore crimen redimeret, tamen neque populi conspectum, neque patruî sæuitiam ferens, ad Anienis vndas dolorem effundebat. Interea matrem agebat lupa, cuius ne ducere vbera horrerent pueri, hausta à genitore præstabat indoles. Interiti erant, quia Marte sati. Creuit deinde cum annis vigor, vnaque adoleuit. Cùm genus dubium esset, ex moribus agnitum est. Vt enim aurum vel in sordibus aurum est, ita inter greges atque armenta Romulus & Remus Reges erant. Habitum fortuna, non naturam mutauerat.

Generosa in ortus semina exsurgunt suos.

Quòd si & interdum heroum filij noxæ sint; vtque non omnes facie, ita neque ingenio progenitores referant: certè illo, si quod est, deficientis naturæ vitio CAROLI posteros Deus absoluit. In eo mortalium generi consuluit, vt, cùm plurimi ab illis regi debeant, à bonis regantur. Quemadmodum riuus, quem limpido ex fonte ortum lenique tractu labentem purum excipit solum, imperturbatus & origini similis voluitur, ita transfusa in nepotes proauî indoles durat incorrupta. Vt ambigas gloriosiusne illis sit CAROLVM progenitorem, an CAROLO tales posteros habuisse. De quibus non minori iure, quàm de Mauortiâ soble, dixeris:

Fortes creantur fortibus.

Sed non hîc curiosiora sistebant ingenia. Vltèrius ibant. Neque tantum cum Marte CAROLVM, cum Romulo Remoque PHILIPPVM & FERDINANDVM, illos natiuitate, hos virtute geminos: sed cum Romano nomine Austriacum conferebant, non magnificentius, quàm veriùs. Seu enim potentiam asiduis bellis inexhaustam, seu fatalem hostibus virtutem, seu imperij amplitudinem, seu imperandi artem, seu facta, seu gloriam, seu maiestatem spectes, qui propius ad illos terrarum dominos accedunt? accedunt inquam? est in quo superent. Iustiores sunt. Non, perinde vt illi, dominandi lubidinem causam bellorum habent. Non maximam gloriam in maximo imperio ponentes, ex omni occasione triumphum quærunt. Non, quemadmodum de suis Cicero fateri non est veritus, sociis defendendis terrarum potiti sunt. Sed potentiam æquitate temperantes, vt virtutis suæ credunt hostem non timere, ita moderationis non prouocare. Bella non tam sibi, quàm religioni gerunt: neque tam quid possint vincere, quàm quid tueri debeant, propositum habent. Ignoscere, quàm vlcisci malunt: imperium beneficiis, quàm armis custodire. Denique, vt

AYER-
SA FA-
CIES
ARCVS
CARO-
LINI.

I. TA-
BYLA.
Argu-
mentum
tabula.
Martia
proge-
nies Ro-
mulus &
Remus.

Seneca
in Troa-
de.

Compa-
rantur
cum CA-
ROLO
& Au-
striaci.

Horat.
lib. 4.
Od. 4.

Romani
cum Au-
striaci
confu-
runtur.

Erycl
Putcani
in Hist.
Insub.

doctissimi atque acutissimi viri elogio finiam, cum Romani multa pro ambitione magis, quam pro ratione egerint; horum arma publicam spectant pacem, consilia salutem, potentia libertatem.

II. TA-
BVLA.

Germania tam
olim for-
tis

Germania ab omni retrò memoriâ armorum studiis addictissima, iam olim varias, ut in bellis, vicissitudines passa est. Diu vicinarum Gentium victrix, tandem communi orbis fato Romanæ vel fortunæ, vel virtuti cecidit: dubium cladibusne suis, an virtutis experimentis nobilior. Certè omnium, quæ trans Alpes sunt, terrarum postrema peregrinum dominum agnouit. Cumque iam Roma, non Italiæ tantum, sed totius mundi viribus pugnaret, una hæc regio diu suffecit: multos exercitus fatigauit: quosdam ad internecionem deleuit. In Druso tamen experta est, non omnia ferro geri. Disciplinam plus posse, quam vires. Ab eo tot ferme clades accepit, quot gentes numerat. Tandem, quanta est, vel victa, vel domita & in prouinciæ formam redacta est. Druso CAROLVM comparare placuit, non modò ob virtutis similitudinem, sed ob victoriæ modum. Sic vterque vicit, ut quamuis gloriosissimè triumpharint, non minorem triumphorum materiam successoribus reliquerint. Erat iam tum (quod de Romanis apud Florum Pyrrhus ait) instar anguis Lernæi Germania. A cladibus vires sumebat, & quasi si ex sanguine occisorum noui hostes renascerentur, quò plures cadebant, plures ad instaurandum bellum superesse videbantur. Drusum pietor hunc in modum efformauerat: per prostrata solo cadauera vrgebat cruentum equum, tamquam necdum gloriæ sanguinisque satur, ad nouas victorias properaret. Accidebat illi Germania, ut prius CAROLO, saltem in speciem supplex. Necessitatem iniecta fluuiis vincula testabantur. Regionum munimenta fluuij sunt. Iis interceptis, velut ciuitates occupatis fossis, hostium incurfionibus patent. Quare præsidij custodiisque potissimum firmanantur. Drusus certè per Albim, per Visurgim, per Danubij ac Rheni ripam amplius quinquaginta castella direxit, pontibusque ac clasisibus muniuit. Subscriptum tabulæ ex Ouidio:

à Druso
subigi-
tur.

simili fe-
rè modo
quo pòsi-
t à CA-
ROLO.

Lib. i.
cap. 18.

Fluuiis
captis &
vinctis
fit illi
supplex.

Lib. i.
Falk.

ET NOMEN DRUSO GERMANIA FECIT.

Sed & mortem. CAROLO solum nomen. Plures illi prouincias fata destinabant, mortemque non inter hostes, sed in receptu, sanctoque recessu, feliciter obeundam.

TABV-
LA III.

Gallorū
cum Ro-
manis
bella.

Ne vnquam Romana virtus hebesceret, assiduos & velut domesticos hostes habuit Gallos insidentes Italiæ faucibus. Cum his velut in palæstrâ domitor terrarum populus se exercuit, & ad externa bella instructiorem reddidit. Mirum est tot cladibus gentem suffecisse. De nullâ frequentius triumphatum. Si quid ad tempus victrix possederit, quoniam cœptis constantia deerat, pari mox facilitate amisit: nec ad aliud vnquam vicisse visa est, quam ut grauius caderetur. Quam leuiter suscipiebat, tam imprudenter administrabat bellum. Experimento deprehensum est, quòd sicut primus illi impetus maior quam virorum, ita sequens minor quam feminarum. Scio hîc de Gallis Alpium accolis, quorum corpora humenti cælo nata habeant quiddam simile niuibis suis, quæ mox, ut caluere pugnâ, in sudorem eunt, & leui motu, velut Sole, laxantur: scio, inquam, de his Gallis, non de iis Liuium Florumque loqui, quos aliter Francos dicimus. Quoniam tamen & nomen vtrisque commune est, & postea non dispar in Italiâ fatum; visum est confusis nominibus Ticinensem de Francisco victoriam cum eâ conferre, quam Claudius Marcellus de Virдумaro Gallorum Rege retulit. Vtraque in Insubriâ parta. Vtramque Regis maximè casus illustrem fecit.

Compa-
ratio vi-
riorum
CARO-
LI de
Franci-
sco, &
Marcelli
de Vir-
dumaro.




NOMEN DRVSO GERMANIA FECIT.





INSIGNIS SPOLIIS MARCELLVS OPIMIS.






O FORMOSVM SPECTACVLVM.





PARCE METV CYTHEREA: MANENT IMOTA TVORVM FATA TIBI.



cit. Qui pari consilio ex Alpibus descendentes, sociorumque ille Gefatorum, hic Helueto-
rum trahentes auxilia, cum velut torrentes ex iisdem illis montibus deuoluti, magnâ Italiæ
partem copiis inundaturi, multasq; abrepturi vrbes viderentur, in ipso prouinciæ limine re-
pressi victiq; sunt. Alter cum plurimis suorum interfectus, alter in prælio captus, humanæ fra-
gilitatis & infortunatę fortitudinis exemplū dedere. Vir dumarū manu suā Marcellus intere-
merat. Opima Ioui Feretrio deferentē spolia pinximus in eā Arce, quæ quondā sola Galli-
cis flammis erepta, Romanæ pubis reliquias ad eam seruârat ultionē. Adscriptū ex Virgilio:

INSIGNIS SPOLIIS MARCELLVS OPIMIS.

Post Drusum in Germaniā, Marcellum in Italiā CAROLO comparatos, quid in Africā
fieri deceret, vel suo nomine indicabat,

cui super Carthaginem.

Virtus sepulcrum condidit,

diuinus Africanus, vir qui fortunam quasi dubitantem quò inclinaret, coëgit pro patriā suā
stare; deceditque tandem cui populo terrarum imperium fata decreuissent. Dignum victo-
riis suis triumphum egit. Maiorem, certē lætiorem Roma non vidit. Is tabulę argumentum
fuit. Additum pro epigraphe, quod Romanis captiuam trahi Carthaginem conspicienti-
bus potiori iure dicere licuit, quàm prius Hannibali fossam Romano sanguine redundan-
tem intuenti:

O FORMOSVM SPECTACVLVM!

At quantum inter Tunetum & Carthaginem, inter Asdrubalem, Syphacem, Hannibalem
& Barbarossam interfuit? non id moramur. Victores, non hostes comparamus. Scipionem
cum CAROLO, non cum maximis Imperatoribus prædonū ducem. Romano plus vincere
licuit. Par in altero virtus, dispar persequendę victorię opportunitas. Atque vtinam tantum
Fabij CAROLO obstitissent! non tam illustrem mundi partem à Christi hereditate gеме-
remus auulsam. Sed erunt ex eius posteris, qui Dei causam ducent suam, quiq; innato sibi
religionis studio conficiant proprium & velut hereditariū familię suę cum impiis bellum.

Pari & hęc altitudine operis fastigium in cælum assurgebat, cui ornando desumptum ex
Virgilio argumentum. Is, vti nos Belgicam CAROLO, ita Venerem Ioui supplicantem non
semel inducit. Eximius lib. 1. locus est, ad quem picturam conformauimus. Conuenerant
ad Iouis regiam conuocati Dij. Venus his vel testibus vel patronis vsura, vultu ad misericor-
diam composito, & vt Poëta ait,

Lacrymis oculos suffusa nidentes,

de Æneæ casibus, hoc est, de suis doloribus querebatur. Miscebat querelis preces, & ad ge-
nitoris pedes aduoluta ab eo, cuius esset, quæque agunt, quæque patiuntur mortales ex
æquo moderari, addictam toties Troianis opem repetebat. Fauebant plerique supplicanti.
Iouem filiæ dolor commouebat. Ergo leniter subridens, inquit:

Parce metu Cytherea, manent immota tuorum.

Fata tibi.

Quæ premunt Æneam tuum, non sine Diuūm numine euenire vel ipse nouit. Tantū se
rebus futuris seruet. Breuī erit vt, quæ illum pati nolles, ipse tolerasse lætetur. Per labores ad
gloriam itur. Sic ad cælum, quos hęc vides, peruenire. Sic tu quoque feres

sublimem ad sidera cæli

Magnanimum Æneam.

Ita præsentia mala futurorum spe bonorū solabatur. Simile solatij genus fuit, quo dimissam

Lib. 6.
Æneid.
IV. TA-
BVLA.
Trium-
phus Sci-
pionis A-
fricanus,
Horat.
lib. Ep.
Ode 9.

Sen. Phil.
lib. 1. de
ira, c. 5.
eius cum
CARO-
LO simi-
ludo.

Venus
pro Æ-
neæ Ioui
supplicat.

Lib. 1.
Æneid.

Exaudi-
tur.
Ibid.

Ibidem.

Confer-
tur cum
Belgicâ.

à CAROLO Belgicam diximus. Agitari illam bellis, vt lætiori pace efflorescat. Post asperâs hiemes, blandiores plerumque æstates sequi. Quamdiu de stirpe suâ superessent, parceret metu. Impeti posse, perdi non posse. Concuti, non eueri. Vt in eius perniciem vicina regna conspirent, Hispaniæ opibus tutam fore. Vt noui insurgant hostes, noua auxilia non defutura. Quod instar omnium sit: & dubitare vltà vetet, venturum illi auxilio Nepotem suum.

ARCVS
CARO-
LINI
D V-
PLEX
DEDI-
GATIO.

Inferiorum tabularum locum duplex dedicatio occupabat. CAROLO altera; altera FERDINANDO inscripta.

D I V O C A R O L O

A V S T R I A C O . H I S P A N I C O .

B V R G V N D I C O . B E L G I C O .

I M P E R A T O R I

S E M P E R I N V I C T O . S E M P E R A V G V S T O .

G E R M A N I C O . I T A L I C O .

A F R I C A N O . I N D I C O .

R E G I C A T H O L I C O

P I O . O P T I M O . P O T E N T I S S I M O .

T E R R A Q V E M A R I Q V E

T O T O O R B E V I C T O R I

T R I U M P H A T O R I P E R P E T V O

R E L I G I O N I S P V B L I C A Q V E Q V I E T I S A S S E R T O R I .

C O M M V N I O R B I S C H R I S T I A N I B O N O A P V D G A N D A V E N S E S N A T O .

I N A N I M I S S V O R V M I M M O R T A L I , I N P O S T E R I S R E D I V I V O .

H O C P O P V L A R E S S V I V I R T V T V M L A V D V M Q V E M O N V M E N T V M

P E R P E T V V M E S S E V O L V E R V N T .

F E R D I N A N D O

H I S P A N I A R V M I N F A N T I

P H I L I P . F . P H I L . F R A T .

P H I L . N E P . C A R O L I P R O N E P .

B E N E O M I N A T I E T A E T E R N I N O M I N I S P R I N C I P I .

O P T A T I S S I M O S V O I N V R B E M G A N D A V E N S E M A D V E N T V


P R O A V I Q V A S I N A T A L E M R E D V C E N T I .

V I R T V T V M E I V S S E C T A T O R I L A B O R V M E T G L O R I A E A M V L O .

H O C A V I T O R V M T R I U M P H O R V M E T A N I M I S V I M O N V M E N T V M

L A T I S S I M I C I V E S E R E X E R V N T .







PONTVS QVOQVE SERVIVET ILLI.



Trophæorum, quàm Arcuum vetustior est usus. Ea propitiis in pugnâ Dis victores stantiebant. Sic Æneas,

Ingentem quercum decisis vndique ramis
Constituit tumulo, fulgentiaque induit arma
Mezentî Ducis exuuias, tibi magne trophæum
Bellipotens.

TRO-
PHÆVM
FERDI-
NANDO
GAN-
DENSES
ERI-
GVNT.
Lib. II.
Æneid.

Posteà religionem ambitio inuertit. Ipsis Imperatoribus dicari inscribiq̃ue cœpta. Nec iam è truncis arborum, sed è pretioso lapide fieri: à loco pugnæ, ad vrbes transferri: ædificiis inferi: postibus præfigi, cum superbis titulis ad posteritatem transitura. Hoc exemplo Gandauenses FERDINANDO trophæum erexere, illustrissimæ victoriæ, quâ sibi in Belgium, Germaniæ ad libertatem, iter aperuit, monumentum. Fastigio Victoria insistebat candido amictu, manuq̃ue laurum prætendens. Vtrimque se Fama in auras librabat. adscriptum erat,

INSIGNIS FAMA ET FELICIBVS ARMIS.

Lib. 7.
Æneid.

Eam felicitatem hostium calamitas commendabat. Suecia, quam nescio huiusne auctorem vocem, an instrumentum belli, ad trophæi basim alligata, fractis laceratisq̃ue insignibus suos ipsa conatus damnabat, agnoscebatq̃ue vrsam suam definito sibi Arctoæ plagæ termino prohibentibus fatibus egressam. Hæresis eam nequidquam complexa, alia quibus defenderetur arma circumspiciebat. Adstabat Gustauus Hornius & suo & patriæ casu tristis. Ad alteram partem duplici personata vultu perfidia, nihil dolis actum, nihil contra virtutem valuisse insidias frendebat. proximum Cratsum desertæ fidei pœnas expectare dices. Dedicatio basi grandioribus litteris inscripta:

HOC FERDINANDO VICTORI GANDA TROPHÆVM.

Sed quoniam quidquid FERDINANDI ductu, id PHILIPPI auspiciis gestum est, vtriusque sigillatim insignia apposita sunt. ex quorum aspectu subibat, tantorum Fratrum, sicut ad salutem subditorum conspirant voluntates, ita coniunctam apud posteros gloriam fore, recordaturosq̃ue FERDINANDI, qui PHILIPPVM; PHILIPPI, qui FERDINANDVM celebrabunt.

His spectaculis oblectatus in foro Princeps, deflexit in plateam varij generis mercium tabernis ante alias nobilem. A monetariis nomen habet. Incolæ præter alia festiuitatis signa, perpetuo ductu ante domos protenderant triplicis coloris pannum candidi, rubri ac flauī. Candidus ac ruber in Austriacis insignibus relucet. Flauo præter rubrum FERDINANDI famulitium insignitur.

O C.
CVR-
RIT EI
IN BA-
LÆNA
TRIL-
TON.

Platea in forum piscarium definit. Quò antequàm perueniretur, ingentis molis operisq̃ue balæna occurrit, oculis, rictu, motu vitam imitantibus. Oblectationi erat monstrum in sicco natans. Natantis enim in speciem occulto artificio progrediebatur. Circumcirca Delphines exultabant, quibus parui Ariones vestī, Principi laudes, & in lætissimo aduentu gratulationem accinebant. Balænae sublimis insidebat Triton, triumphale carmen cornu insonans: quo ominabatur fore, vt tanti Principis auspiciis hostis flumi-

In Del-
phinibus
Ariones.

num & maris obiectu hætenus, quàm suâ virtute, tutior, tandem aliquando debellatus Dominum suum supplex agnoscat recipiatque. Neque illepidè nostrum vulgus Batauum hostem piscibus comparat, qui in aquis validi & vehementes, in siccâ arenâ viribus subitò destituti torpent: ita & ipse aquarum præsidio ferox, quamdiu mari & fluminibus pugnat, inuietus putatur: minùs timendus quandocumque in puluerem & arenam prodit. Huc etiam spectabat sequens machina.

NEPTV-
NVS
PHI-
LIPPO
CVRRV
CEDIT.

Currus erat Neptuni, opere non vasto minùs quàm eleganti. quem summas Oceani vndas leuibus rotis perlabentem equi marini, prout à Poëtis describuntur, protrahebant. Neptunus non in eminenti currus sedili, sed depresso ad temonem loco confederat, perinde ac fidigniori cederet locum: & verò cedebat PHILIPPO Hispaniarum Regi, quem vnum latissimè Dominum agnoscit; cuius protensum ad extremas vsque insulas veneratur imperium: cuius, quaquaversum diffunditur, terras ambit: cuius potentiâ Orientem videt Occidenti coniunctum: cuius inuietis classibus omnia substernit maria, vt illarum operâ barbaris nationibus absconditus rectæ fidei thesaurus innotescat, barbarorum opibus Europa ditetur. De nostro potissimum mari hic agebatur. De eo Neptunus,

I N-
SCRI-
PTIO
CVR-
RVS.
Lib. 1.
Æneid.

HÆC REGI DICITE VESTRO;
NVNC ILLI IMPERIVM PELAGI SÆVVMQ. TRIDENTEM,
NEPTVNO CEDENTE, DARI.

Hollum
in mari
fiducia.

Iactan-
tia.

FERDI-
NANDO
debetur
eius vi-
ctoria.


In obsequij signum famulari velut manu aurigabatur, quò vehi consuevit, currum. Adeffe Principem sensit, cui nec ob prudentiam, consilium; nec ob virtutem, asserendi maris potestas defutura est. Credidit fore, quod hætenus potuisse fieri, nec factum esse, hostes ipsi mirantur. Quid, inquiunt, terrâ oppugnamur, dum mare permittitur? non tantum inde adimi potest, quantum hinc accedit. è mari nata, maris præsidio tuta stabit Hollandorum respublica. Terrâ nos premere perinde est, ac fluuium velle non obstructis fontibus exhaurire. Superbæ voces, & quas aliquando Batauus dediscet. Superbum successus facit. Iactat, maris beneficio non maximam Belgij partem tot terrarum Regi hætenus non audaciùs, quàm feliciùs restituisse; & Hispani Imperij potentiam elusisse. Indiæ opibus (quis credat?) Indiæ opes opposuisse. Sexaginta & quot excurrit annos pugnatum, & adhuc se libertatem sperare. Terrâ munitiorem, mari potentio rem esse. Quò Regis classes præcedunt, eò suas submittere; quàm latè ille imperat, tam latè se vagari, & ex inexhausto illo Indiæ opulentia fonte non exiguam ad sese venam deriuare. Tibi FERDINANDE debetur ea gloria, vt hostem hac parte vincas, quâ maximè fuit inuietus. Virtutem tuam terrâ sensit, sentiat & mari. Fateatur nihil Tibi inaccessum, nihil præter Te inuietum. Vincere illum terrâ poteris: difficile subiugare, nisi spem, quam in ventis & aquâ non vanam habet, præscindas. Hanc aufer: & hostem, vtrique Indiæ grauem, debellasti.

LANIO-
NVM
PEGMA.


Foro piscario macellum confine est. Ante eius vestibulum priuato ære pegma statuerant Laniones. In eo tres tabulæ apposito gratulantibus argumento. Vt piscium propolæ
in

Die Kien dater auf dem im ungenauen, gegenwärtigen, in der Natur, edelste d









in piscibus materiam gratulandi, ita hi in armentis, quò suum erga Principem studium animumque testarentur, non infelicitè inuenère. Præcipua tabula, quam mediam hinc & hinc ad latus duæ cingebant, repræsentabat Herculis cum Acheloo congressum, sub tauri ^{Herculis cum A- cheloo congres- sum.} formâ vltimum certamen ineunte. Eum nequidquàm cornibus minacem victor Hercules in solum prostrauerat, altero iam cornu truncum. Id Nymphæ sublatum, pomisque ac floribus, & omnium fructuum primitiis repletum, Copiæ consecratum ibant. Exiguum victo solatium, qui

— rapidis flens cornua legit in vndis,

Truncaque limosâ tempora merfit aquâ.

Speratæ per FERDINANDI victorias felicitatis imago hæc fuit. Batauum aquis potentem designabat Achelous. Hic arte viribusque pugnandi ceteris metuendus, Herculi optandus erat aduersarius. Vt enim victoris laudem hostis obscuritas deprimit, ita nobilitas commendat. Sic Achillem Hector, sic Æneam Turnus, dum vincuntur, immortalitate donarunt. Ante FERDINANDI aduentum, hostem Belgio formidabilem reprimere, victoria putabatur. Non de imperio, sed de salute videbamur certare. Nunc sibi etiam promittunt Belgæ, quod antè sperare non audebant. Quamuis successibus ferox, Batauus cum FERDINANDO congressurus est, hoc est, Achelous cum Hercule, è cuius fractis cornibus, fastu, inquam, & viribus domitis, vt FERDINANDI gloria, ita lætissima rerum omnium ^{cum cornu-copia vbertas futuræ victor hoste.} vbertas efflorescet. Sic Belgica vniuersa seipsam qualis olim fuit tandem aspiciet: ipse qui eam nunc distrahit & conuellit hostis, victum se esse gaudebit; aut hoc vnum, si quid doliturus est, dolebit quòd felicitatem fortunamque suam tam pertinaciter oppugnauerit. Cædibus & vastitate exhaustas prouincias noua ac felix populi frequentia restaurabit. Aucti olim sanguine fluuij, iam securis nauigantium votis omnium vtilitati voluptatique seruiant. Agros quos armatæ toties acies, tunc segetes tantum & fruges implebunt. Denique, vt à rebellante incendia, rapinæ, solitudo, vastitas; ita à debellato opulentia, securitas, copia, vbertas, tamquam ex fracto Acheloi cornu, gratissimâ vicissitudine manabunt. Id pauci versus complectebantur picturæ subiecti:

CORNVA VT ALCIDES FACTI DE FLVMINE TAVRI ^{Inscri- ptio ta- bulæ.}
FRANGIT, ET HINC RERVM COPIA PLENA VENIT:
SIC FACIET VIRTUTE SVA MOX CRESCERE NOBIS,
QVAS TIBI FERNANDVS BATAVE FRANGET OPES.

Ad huius tabulæ latus conspiciebatur altera. Ea erat Iouis, tauri specie se dissimulantis & insidentem tergo suo Europam per Oceanum ferentis: pauentem illam quidem & fluctuum monstrorumque marinorum fremitu pallentem, eius tamen, à quo vehebatur, potentiam tutam. Finguntur hæc de Ioue Europam ferente: de Te Belgicam seruante vera sunt, FERDINANDE. Quid erat non ita pridem hæc miserâ desperatius, quæ in mediis bellorum fluctibus deprehensa, ab iis, à quibus seruari debuerat, plus patiebatur, quàm ab hoste: præsidia iam illi versa erant in perniciem, eò certiore, quò grauius nocet perfidus propugnator, quàm apertus hostis. Quid faceret contra pertinacem armorum procellam, suis ipsa præfidiis non destituta tantum, sed & oppugnata? Peribat infelix, nisi subuenisses. Tu velut cælo missus, perditissimis rebus opem tulisti. Tu miserrimè conuulsam iamque fatiscentem, ne obrueretur, sustinuisti. Discussisti nebulas, pacasti fluctus, procellas eò, vnde ortæ erant,

E c

conuer-

FERDINANDI INFANTIS TRIUMPHALIS INTROITVS
conuertisti. Quæ antè, non dico timebat, sed in dies expectabat naufragium, Te recepto
ridet Oceani minas. Excitet nouas, qui uolet, tempestates. Dum in Te nititur,
Lætæ tumescentes æquoris audit aquas.

*Quid. l. 3.
Amor.
elo.*

Cælum terramque misceant coniurati hostes,

*Tabula
incri-
ptio.*

EVROPÆ VT MEDIAS IOVE TVTA FERENTE PER VNDAS,
SIC FERDINANDO BELGICA TVTA SVO EST.

Iactatur adhuc, sed modica tempestas magis iuuat, quàm terret. Prius quàm portum attige-
rint, non nullos nauæ, modò non aduersos, ventos optant.

*Arietis
Phryxii
vellus
Burgun-
do-Aus-
triaco-
rum tes-
tera.*

Tertia ex aduerso tabula similis argumenti erat. Phryxus arieti insidens Hellepontum
tranabat. Exhibebatur in origine suâ celeberrima illa Domus Burgundo-Austriacæ tessè-
ra, præcipuæ nobilitatis præcipuum decus, aureum Vellus. Quod in hanc Domum transla-
tum, plus æstimationis accepit, quàm attulit. Fabulosæ olim, nunc veræ virtutis præmium
atque ornamentum. Subscriptum:

*Dedica-
tio ma-
chine
Lanionii.*

HIC VIRTUTIS HONOR.
Pegmatis dedicatio infra Principis effigiem ea legebatur:

TIBI

F E R D I N A N D E
Π Ο Ι Μ Ε Ν Ι Λ Α Ω Ν

IN PVBLICA GRATVLATIONE

HOC SINGVLARE LÆTITIÆ MONVMENTVM

M A I O R I B V S T V I S

S E M P E R F I D I, S E M P E R C A R I

L A N N. P O S V E R E


Fastigij tympanis hinc Apollo pastoritio habitu, qualis Admeti boues paut: inde eius
soror venatricis formâ incumbabant. Apollinem habito ad armenta sua respectu, Dianam
pro iure venandi, quo à Principibus amplissimo donati sunt, operis munerarij elegerant.


*E ponte
amoni-
sinus
prospe-
ctus.*

Macellum Scaldis & Legia mixtis in vnum alueum aquis præterlabuntur. Fluvios varij
è lapide pontes iungunt. E proximo lanionum machinæ contermino, bini vtrunque am-
nissimum prospectu oculos oblectant. Hinc margines excipiendis mercibus æqualiter strati,
hinc magnificæ ex aquis ædes exsurgunt. Naues, vt plurimum, flumen tegunt. Tum solito
plures erant, & ipsæ festiuore apparatu lætitiæ signa præferentes. Duæ inter ceteras emi-
nebant bellicâ formâ ad pompam magis, quàm vsum. Alteram nauæ, quos liberos vocant;
alteram, qui pari immunitate non gaudent, adornarant. Liberi eximio Principum fauore
multa quoad nauigationem & transuehendas merces indulta consecuti, ceteros seu adue-
nas seu ciues à iuris sui participatione excludunt: solis id posteris optimæ instar hereditatis
relinquunt. Hanc gratiam pluribus Gandauensium opificum collegiis olim concessam:
hodie

*Nauta-
rum gra-
tulatio-
nes:*


His aequus vincula rerum. Mare lassum nec iam terras Vides Phileas.







Onibus referent in mare te novi Fluctibus: at nihil est sub moderamine Tanti quod metuas au'is.







hodie soli cum piscium propolis ac laniis nautæ seruant. Ab his eximiæ pro loco magnitudinis naus artificiosè constructa, gratum diu noctuque spectaculum continuabat. Per diem ornatu suo, per noctem festis ignibus illustris. Prora, puppis, & tota pænè latera picturis auroque radiabant. Accedebant non inuenustæ statuæ & aptæ linguâ vernaculâ epigraphæ. Multa ex serico suppara, aplustria, vexilla per aërem fluitabant. Supremo malo armis nauticoque instrumento ornatissimum simulacrum cymbæ magnitudine cælestem Argo referebat. Suam ex alterâ pontis parte nauim reliqui nautæ habebant nihilo segnîus elaboratam instructamque. Æmulatio animos accenderat, vtrîque continuo tormentorum fragore, tubarum cantu, epibatarum clamoribus cælum personabat. Classẽ pugnæ paratam innare fluuio diceret. Eò gratori spectaculo, quod solas actuarias alueus vebat, pontesque transmittant. Quamobrem has bellicas officio perfunctas eodem quo ædificatæ loco solui oportuit, futuras in imaginibus superstitis.

Inde curia concilij Flandriæ apparebat, quam modò vetus-Burgum, modò Comitum castrum vulgus appellat. Fama est Iulium Cæsarem, dum in Gordunis ageret, Arci initium dedisse. Fidem facit exesorum æuo atque imbri, lapidum vetustas. Propter ingressum augmentum, pegma, quod totam in latum plateam occuparet, Veteris-Burgi (ita territorium nominant) Senatus designari curarat.

Binæ in eo tabulæ eminebant. Hoc prioris argumentum. Ex Arce prodibant Fides & in Regem Amor. Fidem annulus & insidens brachio catellus insignibant, nota fidelitatis symbola. Amor galeatus scutum cum gladio gestabat. In scuto examen apum suum circumuolabat Regem: de quarum in Reges suos cultu ac veneratione sic Maro,

Regem non sic Ægyptus & ingens

Lydia, nec populi Parthorum aut Medus Hydaspes

Obseruant, Rege incolumi mens omnibus vna.

Ille operum custos, illum admirantur & omnes

Circumstant fremitu denso, stipantque frequentes.

Et sæpè attollunt humeris, & corpora letho

Obiectant, pulchramque petunt per vulnera mortem.

O naturæ prodigium! notasse satis sit. Ad tabulam redeamus. Fides ergo Amorque ex arce progrediebantur, & adequitanti FERDINANDO obuiam ibant. Fulgebat is in armis conspicuus, sed numquàm magis quàm sic amabilis. Accedentem venerabantur; arcem vt subiret, tum corporis flexu, tum his maximè verbis inuitabant:

QUAM CÆSAR CONDIDIT OLIM,
HANC TIBI NOS GENERIQ. TVO SERVAVIMVS ARCEM.

Perinde ac si dicerent: Inter tot patriæ vrbisque huius recentia, & adhuc oculis oberrantia discrimina, quorum obliuisci redditæ à Te securitatis dulcedo numquam finet, hanc arcem Tibi tuisque nos Fides & Amor seruauimus. Sed ea non tam gloria nostra est, quàm vestra. A vobis prius in hac arce seruabamur, & (quibus ars nulla est tutior) in ciuium peccatoribus. Non clypei, non enses, non muri; sed benignitas & pietas vestra inexpugnabiles nos fecit. Obsequia beneficiis prouocastis. Quod vobis debent subditi præstant. Vos plura illis, quàm debetis. Non Dominos vos, Patres experiuntur. Seu pacem, seu bella agitis, eorum rationem primam ducitis. Illorum salutem ac felicitatem, gloriam vestram creditis. Sic regitis vt imperium pro beneficio, potentiam pro præsidio, mores pro exemplo habeant.

F f

Iuuat

naues
trium-
phales.Flandria
Comitū
castellum.PEGMA
VETERIS
BURGI.Ganden-
sium fi-
des &
amor er-
ga Regē.
Apum
erga Re-
gem suū
fides.
Lib. 4.
Georg.Inscri-
ptio ta-
bula.Regis
amor er-
ga suos.

In Caio
Imp.
Origo
Ganda-
uensis
obscura.

Epist. ad
Cardina-
lem Co-
lumniam.

Tabula
veteris
Burgi
eam ad
Iul. Cæs.
refer.

Dini
Gandam
ad huc
teneram
muneri-
bus suis
ornant.

Ganda-
uensis
fortitudo
bellica.

Iusti Li-
psii.

^a Duce
Philippo
Arteuel-
dio.

^b Variis
bellis.

^c Brugas,
Aldena-
dam, Da-
mum, &c.

^d Beuer-
hout in
agro Bru-
genti sub
Maleano.

^e Anto-
ninus Epi-
scopus, Flo-
rent. &
annales
Gallici.


^f Sub Lu-
douico
Nimer-
nensi &
Maleano.

^g Sub Ma-
leano.


^h Sub Ma-
leano.

Iuuat, ait Aurelius Victor, de Principibus nosse omnia. Non ineptius fortè dixeris: Iuuat Principes, quæ subditorum sunt, nosse omnia. Certè Gandauenses, vt urbem suam non modò videret, sed & penitus perspectam haberet FERDINANDVS, eius originem, incrementa, incrementorum causas, gloriam pulcherrimis ex factis quæsitam, quantum imaginis ratio patitur, proponere non ambitiosum magis quàm decens credidère. Opportunitatem dabat veteris-Burgi arx, reliquarum quas Gandauum habet si non prima, certè primis proxima: si famæ credimus, Iulij opus. Iulium, dum Gallorum fortissimos Belgas armis edomaret, plures Gandaui, seu quodcumque tum loco nomen fuit, arces erexisse, extra controuerfiam est. Non tamen, etsi Gandauum Iulio conditore superbum vocet Petrarcha, ab eo conditam, sed amplificatam celebratamque urbem suam Gandauenses credunt. Origo obscura est. Ob id nobilior. Non est pulchrius vetustatis monumentum, quàm si rerum principia incertâ famâ cognita rationem temporum fugiant; deque suo ortu, quemadmodum fluuij quàm longissimè procurentes de suis fontibus, dubios inuestigatores relinquunt. Nos ad hanc arcem, quam & hodie veterem Gandam dicunt, primordia vrbis retulimus. Sedebat in arcis vertice Iulius Cæsar, hinc Victoriâ, hinc Virtute latera cingentibus. Iulium militare paludamentum sceptrumque veterum Imperatorum ritu decorabat: laurea caput ambibat. Virrus galeata in thorace ferro, dextro lacerto nuda oleam præferbat manu. Victoriæ trophæum in sinistrâ datum. dextrâ orbem ceu debellatum Cæsari gratulabunda porrigebat. Supernè Iulium sidus aureis illustre radiis promicabat. arcis fronti indita epigraphe, C. I V L. C. Æ S. Ante vestibulum sedebat Ganda virgineâ specie & cultu, tenera adhuc, vt quæ nondum adoleuerat, sed iam tum formosa. Ad eam certatim de cælo Dij sua deferebant munera. Mars armatus, & calside ad frontem adductâ toruus leonem adducebat. Est hic ille Leo, quem etiamnum vrbis hæc alit, vestræ, Ciues, fortitudinis ac magnanimitatis index. Quamuis enim non vestras à me, sed FERDINANDI laudes celebrari vultis; tamen quia & Principibus voluptati sunt quæ præclare sui egerunt, non possum quin eas leuiter & velut transeundo delibem. Est hic ergo vestræ fortitudinis symbolum leo, quâ eas quondam res gessistis, quæ (vt prudentissimi grauisimique & minimè vobis obnoxij scriptoris verbis utar) si ab æquo iudice censeantur, cum quibusvis veterum sunt conferendæ. Quâ hætenus seu intulistis seu propulistis bella, durastis inuicti: ^a quâ vniuersam vobis Flandriam, cum arma vestra prouocasset, subiecistis; sæpius, quod malebatis, defendistis: ^b cecidistis potentissimos exercitus, ^c munitissimas vrbes expugnastis: modò ^d triginta hostium millia longè minori fudistis manu: modò alias inimicis clades dedistis. Quid? in memorabili illâ ad Cortracum pugnâ, Galliæ, (seu vt illi scribunt) ^e mundi florem vester potissimum miles contriuit. Alias cum Flandriam multoque magis finitimas prouincias, Hannoniam atque Artesiam armis infestam iidem haberent Galli, vos ^f neque aliorum malis, neque hostium minis territi, communem causam priuatis armis sustinistis: fuitq; quòd ab vnâ ciuitate regnum timeret. Qui totis modò domandis, modò defendendis prouinciis suffecistis, quid mirum, si urbem vestram semper præstiteritis inuictam? quò tamen proximè ad Romanam laudem acceditis, non præteribo. Anno post millesimum trecentessimum septuagesimo nono sexaginta hominum millia premebant obsidione Gandauum. ^g Vineis, vallis, machinis, tormentis, impressionibus extrema tentabant, non spe minori, quàm conatu. Liceat hic mihi cum Floro exclamare, O horribilem fiduciam! ô singularem animum ac spiritum populi Gandensis! cum in iugulo hostem

habe-



FERDINANDO HISPANIARVM INFANTI MAIORVM SVORVM LVCEM BELGIO REFERENTI. 40



haberet, ausus est ad diuersa respicere. De sua vrbe sollicitus, emisit in viciniam arma, nec fegnius foris quam domi rem gessit. Simul suam defendit, simul duas hostium ciuitates * oppugnavit. Quis post hæc aggredi urbem vi auderet? Fuit cum eam viginti quatuor Anglorum millia, non ut hostes, sed ut amici tenerent. Ad hiberna admissi erant. Pactis interea cum Gallo induciis, cum sibi discedendum viderent, ne frustra venissent, urbem incendio prædæque destinant, ex sociis prædones facti. Iam regiones vrbs diuiserant, plateas descriperant, domos designarant: iam faces quatuor locis admotæ erant: iam ad eadem rapinamque discurrebatur. Exarsit eo incendio ciuium animus. Arma corripunt. Alius alium hortantur. Sibi quisque dux fit. Erumpunt domibus, proditores inuadunt, vrbe expellunt, persequuntur, cædunt. Donec tandem inclamante, qui aderat, Comite ut parcerent ferro, maluerunt eius voluntati precibusque, quam iustissimo suo furori indulgere. Nimirum, tot milites Gandauum habebat, quot ciues. Et qui ad bellum exirent, quot arma gestare poterant. Non pauciores octoginta millibus numerabantur. Fusi hæc dicta sunt, quam voluere Gandauenses, non quam meruere. Sed ne omnino tacerem, Mauors ad hanc urbem velut ad proprium domicilium veniens admonebat. Martem Pallas comitabatur: utque ille Leonem, ita ipsa volumen lauro oleæque inuicem implexis cinctum, superinsidente sua volucris, velut in doctrinæ sapientiæque tessera dabat. Non magis belli, quam litterarum studiis Gandauum floruit. Doctissimos omnium viros tulit. De his famam consuli malo. Alieno certe encomio non indigent, qui suis se scriptis commendant. Post Martem Pallademque sua dona non tam offerebat, quam ostendebat Mercurius. Designabat caduceo velificantes in fluminibus naues. Flumina importandis exportandisque mercibus commoda plura Gandauum habet, quam ullum in Europæ emporium. Sex numerantur, quæ naturæ beneficio concessa, quæ ingenti labore ac sumptu effossa. His subsidiis ad eam magnitudinem excreuit, quam Europæarum urbium paucæ æquant, vix ullæ superant. Neque dubium vel in primordiis id erat, cum ad eam ampliandam honestandamque tot Numina conspirassent. Addidit tamen Iuppiter de cælo oraculum, quo suum ipse fauorem addiceret, aliorum confirmaret:

BELLO, OPIBUS, STUDIIS, SIC DI VOLVERE, VIGEBIS.

Ad tabulæ latera in extremâ coronice, hinc Nobilitatem, hinc Abundantiam collocarant. Nobilitati paruam de more statuam Palladio non ab similem; Abundantiæ cornu Copiæ dederant. Illi veteris-Burgi, huic Flandriæ insignia. Est vetus-Burgum inter cetera Flandriæ territoria nobilissimum: neque in eo quisquam qui nobili profapia non sit, magistratum gerit. Vbertatem frustra verbis commendem. In Flandriâ est.

Erant & infernè in lateralibus pegmatis binæ augustâ formâ statuæ. Altera Balduinum, altera Maximilianum Flandriæ Comites referebat, illum Orientis, hunc Occidentis Imperatorem, utrumque bellis & victoriis clarum.

Deflectentem ad læuam Principem Diuæ Pharaïdis forum, à foro porticus excepit. Columnas, arcus, fornices, & quidquid oculis patebat, arborum, quarum viror hieme durat, folia obtegebant. Grata erat hiberno tempore verna amœnitas.

Sed alia iam nunc moles scenographica aspectum rapiebat: non artificiosa minùs quam superba. Quanta erat, auro argentoque radiabat. Fulgorem geminabat lux, quam è facum radiis collectam concaua ex metallo specula instar Solis ardentia euibrabant.

G g

Argu-

* Aloftu
& Den-
dermon-
dam.

Ita Frois-
ardus &
Meyerus.

Ganden-
ses do-
ctrinæ &
sapientiæ
clari.

Gandau-
læu à
merca-
tibus, opi-
bus, &
magni-
tudine.

Inscri-
ptio ta-
bulæ.

Veteris-
Burgi
nobili-
tas.

Flandria
Comites
Orienti
imperant
& Occi-
denti.

Area
D. Pha-
raïdis.

MOLES
SCENO-
GRAPHICA,
VULGO
PRO-
SCENA
CTIVA.

Princi-
pum no-
storum
Maiores.

Argumentum operi accommodatum. Stabant utrimque inter columnas sensim decrescentes longâ serie gloriosissimi Principum nostrorum progenitores: proportionem columnarum minuebatur statuarum magnitudo. Quæ profundissimè in interiora discesserant, aspectum ferè fugiebant. Nimirum tam vetusta Domus huius nobilitas est, ut primos auctores, nisi gloria immortales faceret, hodie inuestigare deberemus. Nec exigua ea posterorum commendatio est. Præstat quidem propriis virtutibus, quàm maiorum nobilitate niti: est tamen non paruum diuinæ benevolentiae argumentum, in lucem venire felicem, & quæ per pauci longæ vitæ laboribus consequuntur, à natiuitatis exordio domi parta reperire; si talis sis, ut te natalibus tuis dignum præbeas, atque inde non tantum notior, sed & melior fias. Rectè ille: Maiorum gloria quasi lumen posteris est: nec bona eorum, nec mala in occulto patitur. Si ignauus sis, quod honori esse poterat, in dedecus vertis. Si generis splendori virtutem adiunxeris, quemadmodum

Que po-
steris à
nobilita-
te com-
menda-
tio.

Salustius
in bello
Iugur.

Lib. v.
Æneid.

vbi flauo

Argentum pariùsve lapis circumdatur auro, ita rem pulcherrimam pulchriorem effeceris. Frustrà decora parentum iactas, quos, si viuant, tui pudeat. Frustrà imagines ostentas, quorum virtutes non exprimis. Secus Principes nostri, qui ipsi, velut viuæ quædam Maiorum imagines, id agunt, ut quam ab illis accepere summam, tradant posteris auctiorem familiæ claritatem. Eius rei specimen in speculis videre erat, quæ exceptum ab oppositis facibus lumen, multò deinde maius intensiusque remittebant. Congruebat epigraphe:

In FER-
DINAN-
DO Ma-
iarum
eius viua
repre-
sentatio.

F E R D I N A N D O
H I S P A N I A R V M I N F A N T I
I M P E R A T O R V M R E G V M Q V E
M A I O R V M S V O R V M
L V C E M B E L G I O R E F E R E N T I
G A N D A .

O felicem illum diem, quo post multos atros & luctuosos hæc tandem nobis lux effulsit! O conuersorum in melius fatorum indicium! O exorati Numinis argumentum! O terque quaterque felicem diem, qui optimos PHILIPPOS, fortissimosque CAROLOS, hoc est, Belgium, Belgio reddidit! Nec enim de reducturâ priorum temporum felicitate dubitamus, cum istius felicitatis causam, Principem prioribus similem receperimus.

Votum
pro Rege
& Ser-
uante.

Sed quàm de recepto lætos, tam de conseruando sollicitos esse necesse est. Grates egimus quia concessus, ut relinquatur vota facienda sunt. Ad te ergo preces conuertimus, ô ingens Hispaniæ decus & præsidium Magne Apostole IACOBE. Nec enim ambigimus quin, quâ curâ Hispaniam tueris, eadem nunc & Belgium complectaris. Quoniam magna

SYRGERE QVAE RVITLO SPECTAS INCENDIA CQELO FERNANDI SYCCENDIT AMOR.





magna Hispaniæ pars est, vbi FERDINANDVS degit. Ad Te supplices tendimus manus; &c, quæcumque sperare possumus, vno comprehensa voto postulamus.

D. I A C O B O
HISPANIARVM TVTELARI
VOTVM.

O, CVI, QVOD NEQVEAT VINCI, GENS DEBET IBERA,
ET DEBERE CVPIT BELGICA SEMPER IDEM;
SI PLACET HANC ETIAM SERVARE, NEC ABNVIS ADDI
FLANDROS HISPANIS, MAGNE IACOBE, TVIS;
INCOLVMEM TERRIS SERVA, CVM FRATRE, PHILIPPVM:
NITITVR ILLORVM NOSTRA SALVTE SALVS.

Diuus IACOBVS equestri statuâ (qualis non semel Hispanis suis in acie manifestum se præbuit) operis fastigio imminabat. Equi pedibus substrati Mauri, quàm fatale contra Diuos religiososque Diuorum cultores certamen sit, testabantur. Latera leones cladebant vastâ specie, altero pede erectum in oblongâ perticâ labarum, altero Regis Fratrisque insignia seruabant.

Exactum per spectacula pompamque diem vespertinus triumphalium ignium splendor excepit. Magnus ad hos apparatus tum publicè, tum priuatim factus. Priuatorum studia propositis à Senatu præmiis excitata. Quamquàm omni præmio acrius sua quemque lætitia stimulabat. Non tam paupercula domus fuit, cui ad augendam publicam celebritatem facultas non suppeteret. Ditiorum & maximè publicæ ædes funalibus, facibus, lychnis totæ collucebant. Per plateas ac fora ingentes mali cum pluribus picatorum vasorum ordinibus erecti: vasa variè picta exornataque. Malorum summitatibus alij serica vexilla, alij terrestres marinæve feras vario artificio flammam euomentes, alij alia aut opificiorum aut mercimoniorum suorum symbola imposuerant. Piscium propolæ, signorum cælestium, Delphinis, Ceti, Piscium simulacra, effinxerant. Quâ parte corporis astronomi stellas locant, exsecta in siderum formam foramina, ac deinde tenui ac pellucente materiâ obducta illatum in concaua transmittabant lumen, & velut stellares radios per noctem euibrabant. Sic & Lanij ingentis magnitudinis Taurum efformauerant.

At nihil illustrius fuit, quàm quod ad Diui Ioannis publico ære curatum est. Turris superne plana arti fauebat, & ad quæuis quæ ex nitrato puluere humana machinatur industria, opportunitatem dabat. Primum ex columnis ad quatuor turris angulos erectis oblectamentum captum. Ex in tubos excavata, dein ignitâ materiâ suffartæ, modò ardentes fumantesque globos, modò liquidissimas magno numero stellas, modò cometas, modò faculas, modò contortos vario flexu angues in cælum eiacularantur. Inter columnas ignis vi quatuor magno impetu strepituque voluebantur rotæ; axe, radiis, curuaturâ grato horrore flagrantibus. Mox aliquot volantium facularum millia simul emissâ, perque aërem latissimè

H h

fe

IGNES
ARTI-
FICIA-
LES IN
FASTI-
GIO
TVR-
RIS.

se dispergentia, quamdam velut incensi ruentisque cæli speciem præbebant. Multas horas tenuit ea ignium festiuitas, & diurni luminis defectum abundè compensauit. Proximâ vespërâ non minore studio ad illos reditum est.

*Cardin.
Infans
in Con-
sulûs ædes
specta-
tum ve-
nit.
Hippo-
dromus.
Ætnæ
simula-
crum.*

Princeps eum Consuli Ruddershouio honorem habuit, vt quæ & pro publicâ muneris fui, & pro priuatâ dignitate apparari curârat, vtrò ad ipsius ædes spectatum venerit. Ante has diffusa in vastissimam planitiem area est. Hippodromum ab equorum cursu vocant. Hic congestis ingentibus saxi arborumque truncis montem erexerant, qui pro Ætnâ esset. Vertex turbidos flammæ vortices eructabat. Per præcipitia voluebatur ignitis fluctibus torrens, molamque, quales sunt quæ aquarum impetu versantur, insinuantibus se in machinam flammis rapidissimè rotabat: nec fontes deerant, qui fluidi ignis, velut aquæ, venas nunc longiori, nunc breui tractu, nunc per vnâ, nunc per plures fistulas emitterent. Néve terrestres tantum aquas imitarentur, ingens minorum facularum vis in altum ciecta, cum sensim, prout altius atque altius quæque ascenderat, in terram recideret, laben-

*Vulcani
officina.
Lib. 8.
Æneid.*

tem è cælo pluuiam referebat. In medio monte officina Vulcani erat,

Quam subter specus, & Cyclopum exesa caminis
Antra Ætnæa sonant, validique incudibus ictus
Auditi referunt gemitum, stridentque cauernis
Stricturæ chalybum, & fornacibus ignis anhelat.

Hic, vt semper,

Ibidem.

Ferrum exercebant vasto Cyclopes in antro,
Brontesque, Steropesque, & nudus membra Pyracmon.

At modò feruebat præter morem opus. Ceteris, quæ inter manus erant, sepositis, arma FERDINANDO cudebant. De quibus incisum rupi hoc epigramma:

TE LICET INVICTVM VIRTVS TVA, MAXIME PRINCEPS,
QVAMLIBET INFESTO FORTIOR HOSTE FACIT;
QVOD TAMEN ÆNEÆ MATER, QVOD MATER ACHILLI,
FERDINANDE TIBI IAM TVA GANDA PARAT.
TV VENERIS NATO SIMILIS, THETIDISQVE, SVECO
QVEIS BATAVVM IVNGAS, PROTINVS ARMA CAPE.

Altera ex Iuuenale epigraphæ officinæ vestibulo apposita:

Sat. 8.


TV SIS

ÆACIDÆ SIMILIS, VVLCANIAQVE ARMA CAPESSAS.

*Theatru
ad Pala-
tij in-
gressum,*

Tandem ad triumphalium operum, simul & institutæ narrationis finem accedimus. Secreui ab aliis, & in hunc locum reseruauî, velut Principis hospitio propriam, theatralem molem ad Palatij ingressum, quâ liberior aduentantibus aspectus est, erectam, specie ornatuque, magis tamen argumenti maiestate augustam. Caroli Cæsaris natiuitatem exhibebat. Pueri fata futurumque vitæ modum, quæ ferè Genethliacorum carminum materia est, lectissima vrbis iuuentus in scenæ morem ordinata sub aspectum dabat. Summam continebat operis dedicatio.





D I V I C A R O L I

BENE OMINATIS NATALIBVS;

QVEM GANDA ORBI EDIDIT,

VIRTUTES EXCEPERVNT,

REGNA ET IMPERIVM SIBI VENDICARVNT,

FERDINANDVS BELGIO PROMITTIT.

*cuius de-
dicatio.*

Schema hoc erat. Supremâ theatri parte, quod sexaginta pedes latum in mediam altitu-
dinem per gradus assurgebat, aureis in cunis iacebat augustus infans; illi non absimilis, qui
tener in cunis iam Ioue dignus erat.

*Caroli
cuna ad-
umbrata.*

Cubantem expansis leniter pennis obumbrabat Aquila, faustissimum de cælo omen simul
& Imperij coronam deferens. Ganda cunas complexa, tantiq[ue] exortu Principis superba,
illud iactare videbatur:

*Ovid.
Heroid.
epist. 9.*

Hinc Domus AVSTRIADVM cunctis dominabitur oris,

Et nati natorum, & qui nascentur ab illis.

Affremebat lætūm ferociens LEO. FLV VII glauco amictu, arundine palustribusq[ue] herbis
festiuè exornati, omnibus vndis applaudebant: quasi intelligerent in se quoque & urbem
suam nati Principis eiusq[ue] posterorum gloriam aliquando redundaturam. Astabant illi
longâ serie PHILIPPI, CAROLI, FERDINANDI: magnifico Regiorum puerorum Proce-
rumq[ue] comitatu. Proxima MAIESTAS, coronâ ac Regio symmate insignis, venerabundos
præcipuarum gentium GENIOS ad cunas adduxerat, munera simul & obsequia deferentes.
Habitus cuique pro suæ gentis more. Hispani coronas Regias, regnorumq[ue] in Hispaniâ
plurimorum sceptrâ; Indi versicoloribus plumis seminudum & fuscum corpus tecti, au-
rum argentumq[ue], gemmas item & baccas & corallum in pateris aureis; Itali cum diade-
mate coronâq[ue] aureâ, ferream etiam in Longobardorum Regum olim, nunc Romano-
rum Imperatorum inaugurationibus adhiberi solitam; Germani orbem gladiumq[ue] cum
aquilâ & Imperij symbolis; Burgundi aureum Vellus & solemnem huic ordini cultum;
Belgæ denique hinc quam eorum Duces, inde quam Comites gestare solent coronam af-
ferebant. Regnorum ditionumq[ue] insignia magno artificio sumptūq[ue] sculpta, elegantes
pueri Romano habitu in theatri summitate sustentabant, pari in pueris atque insignibus
auri argentique fulgore. Proxima MAIESTATI FELICITAS floribus aspersa, vestem caput-
que euincta; flores item manu prætendens, certissima florentis ridentisq[ue] fortunæ dabat
argumenta. Huius latus claudebat ABVNDANTIA, Copiæ-cornu in secutura vbertatis si-
gnum largiter effundens. Comes illi candida PAX niueâ in veste, virenti ex oleâ fertum ca-
duceūmq[ue] gerens, bellicis exuviis insisterat: atque in certius publicæ quietis instauran-
dæq[ue] concordiæ argumentum, duo, quos ex habitu apparebat hostiliter fuisse inensos,
positis ante pedes armis in gratiam redibant. Extrema stabat VICTORIA loco maximè con-
spicuo, tamquàm certissima maximeq[ue] illustis futura CAROLI Comes. Vestis illi rubra &
quasi recenti sanguine imbuta, niueæ & auspicati ominis alæ. Galeæ laurum implicuerat.
Laurum item læuâ gestabat, dextrâ labarum cum hac inscriptione:

*Felici-
tas,**Victoria.*

CAROLO V. ÆTERNVM VICTORI S.

I i

Plures

Plures hinc atque inde GENII detracta hostibus spolia, galeas parmasque & truncis tro-
pæis affixas loricas, victarum item triremium aplustria, auulsaque cum velis rostra, Au-
striaci affigenda postibus Diuæ certatim porrigebant. Omnia venturo sæculo latari dice-
res, omnia nouam orbi felicitatem sub hoc Principe eiusque secuturâ progenie polliceri.
In fatiis sic esse testabantur PARCÆ, quæ in inferiori theatri gradu aurea puero nebant
stamina.

Carullus
in nuptiis
Pelei &
Thetid.

His corpus tremulum complectens vndique vestis
Candida, purpureâ talos incinxerat orâ.
At roseo niueæ residebant vertice vittæ;
Æternumque manus carpebant ritè laborem.
Læua colum molli lanâ retinebat amictam,
Dextera tum leuiter deducens fila supinis
Formabat digitis. Tum prono in pollice torquens
Libratum tereti versabat turbine fusum.
Ante pedes autem candentis mollia lanæ
Vellera, virgati custodibant calathifci.

Ipsas hianti in cantum ore veridicum fundere oraculum crederes, diuino carmine,

Carmine perfidiæ quod post nulla arguet ætas.

Neque sub PHILIPPIS hætenus, FERDINANDISQUE arguit: quibus referuant Superi, si quid
ad CAROLI fata fortunamque addi potest. In proximâ tabellâ legere erat:

Virgil.
eclog. 4.

TALIA SÆCLA, SVIS DIXERVNT, CVRRITE, FVSIS,
CONCORDES STABILI FATORVM NVMINE PARCÆ.

Fortitu-
do,
Religio,

Hoffet,

Altera theatri pars ex CAROLI virtutibus nonnullas repræsentabat, publico orbis testi-
monio in ipso & in Austriacâ gente singulares. Prima FORTITVDO BELLICA, armatæ Palla-
di non abfimilis, confugientem ad se Religionem obtento desuper scuto protegebat, libra-
to in ictum gladio hostes absterrens. Hanc tiara reliquisque sacrorum ornatus, socias par-
mæ cruce armatæ, sacri codices, acerræ & id genus religionis symbola insignibant. Vrge-
bat pauidas premebatque HÆRESIS, colubris & serpentibus vittata. Illi se comites adiun-
xerant impius FVROR & scissâ veste discors REBELLIO, Principum placita decretaque
dentibus lacerans. Hæ pestes non iam occultis artibus, quasi clàm sparso veneno, sed aper-
to Marte aris sacrisque moliebantur perniciem, eò adductis vesaniæ populis, vt pro
impietate non aliter, quàm pro aris & focis eorum maiores, in mortem pugnamque
ruerent. Solabatur confirmabatque RELIGIONEM periculo anxiam hoc de CAROLO
oraculum:

ARASQUE TVEBITVR IDEM.

Pugna,

Omnem metum eximebant concurrentes in imo theatro GEMINÆ ACIES; quarum altera
victrices aquilas & Austriaca gerens signa, per ipsa cæsorum hostium cadauera fugientes in-
sequi, & similem ruinæ stragem edere videbatur. Pugnam, non pugna simulacrum diceres.
Imminebant mutuis corporibus oculo irretorto defixi pugnatores: cohærebant inter se
arma: in ipsa ora directi fulgebant mucrones: cæsi duces militesque passim iacebant vul-
neribus deformati, aut in ora proni prout dimicantes occubuerant, aut auerso vulnere tur-
piter faucij. In extremo agmine cadentium fugientiumque summa consternatio. Nonnul-
los

los pudor & obstinatus in tam turpi causâ mori animus à fugâ cohibebat. Plures cum salutis spe, arma quoque indecorè abiecerant.

At non fortior in hostes CAROLI VIRTUS quàm lenior in victos CLEMENTIA. Illa con-^{Clemen-}
iuratorum duces positâ iam ferociâ supplices in gratiam admittebat. Et quoniam mollibus
remediis quædam ingrauescunt potius quàm curantur mala, IUSTITIA & IUDICIUM quasi ^{iustitia.}
ius dicturo Principi & lenitatem seueritate temperaturo tribunal apparabant. Rem vni-
uersam carmine complecti, & nato Principi genethliacon de more accinere visum est.

D I V O
C A R O L O A V S T R I A C O
A P V D G A N D A V E N S E S N A T O
G E N E T H L I A C O N .



Anda faue. da thura focis. da munera templis,
Qualia nec domitis hostibus antè soles.
Iam bello partos superas in pace triumphos;
Teque aliquid, quamuis maxima, maius habes.
Quem maria & terræ, quem mox sibi regia cæli
Vendicet, ille tuâ nascitur vrbe puer.
Vicini colles, vicinæ assurgite silvæ:
Spiet Blandiniis mollior aura iugis.
Lysa pater, tuque ô Flandrarum rector aquarum
Scaldi, iube fluctus purius ire tuos.
Nunc amnis celebris, nunc inter flumina, magnum
Quæ subeunt pontum, nobile nomen eris.
Nec tibi se Tiberis, quamuis cum fratre Quirinum
Dicitur innocuo sustinuisse vado,
Nec veneranda sacri se præferat vnda Numici,
Æneam quamuis fecerat illa Deum.
At tu vitales almi sub luminis auras
Edite, spes hominum, CAROLE, cura Deûm,
Accipe quid tibi fila ferant fusi que sororum,
Præscribant vitæ quem tibi fata modum.
Quas nec nouerunt alij, moderabere terras:
Surget in imperio noxque diesque tuo.
Et proavis tu multa licet, tibi plura Nepotes
Debebunt, per te qui caput orbis erunt.
Principe Te lætæ, tibi debita munera gentes
Obsequiique sui pignora certa ferunt;
Et dominas flexo venerantur poplite cunas,

Iam nunc, nescio quid, Numinis instar habes.
 Missus ab excelso Iouis armiger ales olympo
 Hæsurum augustis fert diadema comis.
 Suscipe dona Deum, populisque adolesce regendis:
 Vel teneras poterunt sceptrâ decere manus.
 Sceptra quidem tibi mox, sed erunt simul arma gerenda.
 Gallia tranquillos non finet ire dies.
 Bella, puer, video, crudelia surgere bella;
 Et coniuratos in tua fata Duces.
 Attu, ne terrere nimis. Dant bella triumphis
 Materiam. Gaudet sanguine nomen emi.
 Rex animis armisque ferox in prælia surget,
 Et tibi, Pelidæ quod fuit Hector, erit.
 Ecce per aërios rapit arduus agmina montes,
 Nec timet Alpinas primus inire niues.
 Iam tenet Italiam, turmasque lacessit Iberas.
 Quid facis? inuictas gens habet illa manus.
 Stant acies. dant signa tubæ. concurritur. Eheu!
 Ticini quantum sanguinis vnda vehet!
 Exitus in dubio est. Perimuntque, caduntque vicissim:
 Sed tamen indomitus fortius vrget Iber.
 Fit fuga. Rex capitur. Sequitur victoria caussam,
 Austriacæque Aquilas, notæque signa petit.
 Maxima quæsitæ est; maior modò gloria restat.
 Post hostes, animum, CAROLE, vince tuum.
 Et bellum & belli victoria finiat iram.
 Vindicta est Regi pulchra, fuisse pium.
 Causa quidem iusta est. sed ad arma venire coactum,
 Amplecti pacis fœdera sponte decet.
 Pax placet. Exhausti bellis gaudete coloni;
 Atque olæ lætas cingite fronde comas.
 Innocuo gladium miles commutet aratro:
 Occupet in tenebris tela cruenta situs.
 Quid loquor? Illa atris squallens serpentibus, illa
 Quæ vitiat purum vipereo ore diem
 Hæresis, erumpens dirarum ex sede sororum,
 Infidias alias & noua bella parat.
 CAROLE, quid speras in tempora longa quietem?
 Hostis adest. turmas ad sua signa voca.
 Ecce rebellatrix Germania cornua tollit,
 Et domini sumit in caput arma sui.
 Sed non & sumpsisse volet. Dabit improba poenas.
 Nemo in Te poterit perfidus esse diu.

Parce tamen, posito si quando furore, scelusque
 Fassa, tuos supplex concidat ante pedes.
 Vincere multorum: proprium non perdere victos
 Sit tibi. Proximior gloria nulla Deo est.
 Fulminat ille quidem; sed paucos fulmina lædunt.
 Contenta est solo Numinis ira metu.
 Sed tamen interdum nocet & clementia. Multis
 Ferri acies, multis attulit ignis opem.
 Tu quoque ne nulli sis implacabilis, hostem.
 Crede tuum, quisquis religionis erit.
 Relligio pascis ad te miseranda capillis
 Confugit. heu quantis fluctuat illa malis!
 Et tamen, Odrysio quæ seruit terra tyranno,
 Pacem habet, & felix impietate sua est,
 Et veteres clades, & nostri probra recenset
 Nominis, & magnum ridet inulta Deum.
 Vade age, damnatis infer pia gentibus arma
 Bistonios ultra, Sarmaticosque sinus.
 Hic odia, æternaque gere implacabilis iras.
 Hac causâ pulcrum crede piûque mori.
 Sospite Te, Scythicas paueat Germania lunas?
 Austriaco rutilent Turcica signa solo?
 Sospite Te, infames populentur littora classes
 Itala? sint populis æquora clausa tuis?
 Di melius. Vertes hoc ipsos omen in hostes,
 Captaque cum dominis barbara rostra trahes.
 Per medias acies, Libycas penetrabis in vrbes;
 Accedet titulis Africa terra tuis.
 Fallor? an Ilmariis video stare agmina campis,
 Byzantiq̃ue arces, moeniaque alta quati?
 Me miserum! cur hoc aliquis nostro inuideret æuo?
 Successusque tuos propria damna putat?
 Quisquis is est, precor vt ne sit sine vindice; quæque
 Hostibus inferri non finit, ipse ferat.
 Nectamen impediet trans Gangem victor & Indum,
 Extremo ponas quin noua iura mari:
 Herculeasque ultra metas, Bacchiq̃ue labores
 Austriacum nomen imperiumque feras.
 Eueniet. Dominæ fatorum, talia, Parcæ
 Dixerunt fufis, currite sæcla, suis.
 Tum Te sublimem titulos super atque tropæa
 Ad cælum niueis fama leuabit equis.
 In tua certantes ibunt encomia vates.

Hei mihi! nil magnum quod mea Musa sonet.
 Non maiora tamen laudum monumenta tuarum,
 Quàm benefacta tuæ posteritatis erunt.
 Ergo vbi de patrio terras spectabis olympos,
 Quæque animis fuerant regna minora tuis,
 Aspicias illic dignos Te Patre PHILIPPOS,
 Quorum vita, salus duplicis orbis erit.
 Aspicias CAROLOS, æternaque FERDINANDOS
 Nomina, in Austriacum nomina nata decus.
 Quorum aliquis proauum Belgis ut reddat, & æuo
 Olim restituat per tua facta tuum,
 Annue cum reliquis de cælo CAROLE Diuis.
 Post tua, sic etiam, fata superstes eris.

Hic spectaculorum operumque finis fuit, quibus Gandauenses suam erga FERDINANDUM voluntatem ipsi nuper, nunc orbi posterisque testatam voluerunt.

Quarto post die quo animo venientem susceperant, abeuntem profecuti sunt. Dominus Ioannes vander Speete urbis Syndicus, cuius prudens facundia tam frequenti huius muneris iteratione exhauriri non poterat, his eum verbis extremam allocutus est:

SERENISSIME PRINCEPS,

Nisi inexplebili tui desiderio flagrassemus, satiasset illud benignitas quâ Te nobis indulxisti. Sed ut sitis longo tempore collecta modico haustu accenditur magis quàm sedatur, ita tui videndi ardor videndo creuit. Magnum adueniens desiderium excitâras, maius relinques. At vbicumque locorum eris, amor Te nobis præsentem sistet. Sublatus ex oculis, animis obuerfaberis. Tu quoque tot inter curas, quibus salutem suam Belgæ debebunt, memoriam nostri Tibi nonnumquam sine recurrere; & quæ coram vidisti studia, benignitate tuâ absens foue.

His cum FERDINANDVS benignè respondisset, Senatu armatisque ciuium cohortibus quoad par erat prosequentibus, Alosto Bruxellas discessit. Breuî sit, ut speratis victoriis cumulatus amantissimos sui ciues reuisat, adeoque propensis in laudes suas animis novos quos celebrent triumphos, noua sufficiat gratulandi argumenta.

SERIES TABVLARVM.

1	Frons libri.	21	Tabula II. Germania captis Saxone & Hesso CAROLO se submittit.	41
2	Effigies PHILIPPI IV. Regis Catholici.	22	Tabula III. CAROLI victoria ad Ticinum.	42
3	Effigies Cardinalis Infantis.	23	Tabula IV. CAROLVS in Africam manum iniicit.	44
4	Porta Brugensis, quâ Ser. Cardinalis urbem ingreditur.	24	CAROLVS à Pontifice coronatur.	46
5	Arcus triumphalis primi frons, referens FERDINANDI in Belgium iter & aduentum.	25	CAROLVS regnis & imperio se exuit.	46
6	Tabula I. A tutelari Gandauensium Virgine excipitur.	26	Arcus CAROLINI suprema Tabula. Belgica CAROLI iam cœlitis opem implorat.	48
7	Tabula II. FERDINANDI in Italiam felix nauigatio.	27	Auerſa facies Arcus CAROLINI.	49
8	Tabula III. Ducit FERDINANDVS exercitum per Alpes.	28	I. Tabula. Mars Romuli & Remi Romanæque vrbs auctor.	49
9	Pugnæ Nordlinganæ delineatio.	29	II. Tabula. Germania à Druſo ſubaſta.	50
10	Tabula IV. FERDINANDI, Hungariæ Rex & Cardinalis, tamquàm victoriæ virtutumque ſumma, equites exhibentur.	30	III. Tabula. Inſignis ſpoliis Marcellus opimis.	50
11	Tabula V. Cardinalis Infans Coloniz Agrippinz ab Electoribus Principibuſque excipitur.	31	IV. Tabula. Scipionis Africani triumphus.	51
12	Posterior portæ triumphalis facies. Historiæ ſimiles.	32	Summa Tabula Arcus CAROLINI. Venus Ioui pro Æneâ ſupplicat.	51
13	Tabula I. aduerſæ partis. Cybele Gandæ oppoſita.	33	Trophæum à Gandauenſibus FERDINANDO erectum.	53
14	Tabula II. Argonautæ cum FERDINANDO nauigante collati.	34	Triton in balænâ FERDINANDO occurrit; in Delphinis Ariones.	53
15	Tabula III. Hannibal cum exercitu Alpes tranſmittit.	35	Neptunus PHILIPPO curru cedit.	54
16	Tabula IV. Achillis, dum ad Troianum bellum proficiſcitur, de Telepho victoria.	36	Lanionum pegma.	54
17	Tabula V. Æneas in Italiâ ab Euandro hoſpirio exceptus.	37	Liberorum nautarum nauis triumphalis.	57
18	Scenographia fori CAROLINI.	38	Aliorum nautarum nauis triumphalis.	57
19	Anterior facies Arcus CAROLINI.	39	Veteris Burgi pegma.	57
20	Tabula I. CAROLVS FERDINANDVM hortatur ad ſui imitationem.	40	Proſpectiua ſiue moles dioptica.	59
		41	Ignium nocturnorum in Hippodromo & turri imago.	61
		42	Theatrum Genethliacon CAROLI V.	62

S V M M A C A P I T A

TOTIVS HISTORICÆ NARRATIONIS.



TATVS Belgij mortuâ ISABELLA.
Mittitur FERDINANDVS in Belgium.
Belgarum de FERDINANDO spes.
In FERDINANDI adventu letitia.
Flandriæ Ordines FERDINANDVM saluant.
Gandaufenſi Syndici oratio.
Gandaufenſes ad ſe venturo honores parant.

FERDINANDVS proficiſcitur in Flandriam, vt finibus proſpiciat.
Gandauo tranſit.

Ad eum expiendum inuitatur Nobilitas.

Occurritur in glacie.

Eques ad urbem accedit.

Alterâ Gandaufenſi Syndici oratio.

Ingreſſitur urbem eodem die quo olim Ser. ALBERTVS & ISABELLA.

Portæ, ornatusque eius, deſcriptio.

Vota publica pro Rege & FERDINANDO.

Elegia ad PHILIPPVM IV. de miſſo in Belgicam FERDINANDO.

FERDINANDVS ante omnia in adem ſacram deducitur.

Inde ad forum CAROLINVM.

Arcus triumphalis primifrons, eiſque dedicatio.

Symbolum vrbis Gandaufenſis, eiſque interpretatio.

Tabulæ I. deſcriptio & explicatio.

Inſcriptiones primæ molis Chronographicæ.

Elogia Ganda gratulatio in adventu FERDINANDI.

Elegia alterâ Sidoronij Hoſcij de FERDINANDI itinere.

Verſus aliquot benè ominati explicantur.

FERDINANDI victoriæ maritimæ.

Ioannis Gauarellæ maritima expeditio.

Eiuſdem congreſſus cum claſſe Hollandicâ.

Bataua deſcriptio.

Arcis Schenkianæ expugnatio.

Arcis Geneppenſis occupatio & munitio.

Geldria & Clunia oppida præſidiis munita.

Limburgenſis provincia recuperata.

Gemini hoſtiles exercitus numeroſiſſimi in Brabantia cunctatione viſti.

Lonanium obſidione liberatum.

FERDINANDI in Italiam nauigatio, argumentum ſecundæ tabulæ.

Elegia ad Belgicam de FERDINANDI nauigatione.

FERDINANDVS appellitur Genuam.

Proſciſcitur Mediolanum.

Tendit in Germaniam.

Capit iter per Alpes. Argumentum ſecundæ tabulæ.

Elegia ad FERDINANDVM de morâ in Italiâ ei iniectâ, & Alpium tranſmiſſione.

Ingreſſitur Bauariam.

Magnâ celeritate & militari diſciplinâ Nordlingam ad Regem Hungaria contendit.

Hoſtium de prælio committendo conſilia.

Guſtauus Hornius diſſuadet.

Dux Bernardus V'Imarienſis ſuadet, & euincit.

Mouent caſtra in Catholicos.

Expenduntur vtrimque rei momenta.

Sueci cum noſtris conferuntur.

Hoſtis ſluam occupat.

Noſtri collem muniunt.

Acies vtrimque inſtruitur.

Pugna Nordlingane ari inſcra deſcriptio.

Conſpectus, variaque in eo fortuna.

1	Hiſpanorum & Italorum virtus.	24
1	Committitur pugna cum ſiniſtro hoſtium cornu, cui præeſt V'Imarienſis.	24
1	Ducitur hoſtis in inſidias.	24
2	Caroli Ducis Lotharingie egregia fortitudo.	24
2	Recuperatur ſluis.	25
2	Eripiuntur hoſti tormenta.	25
3	Coniicitur in fugam.	25
3	Fit caedes.	25
3	Expenditur quantam cladem eo die acceperit.	25
4	Capuntur Hornius & Cratſius.	25
4	Hornius à Cardinale viſitur.	25
4	Mutua victorum gratulatio.	25
5	FERDINANDORVM Regis & Cardinalis in pugna virtus.	26
5	Partâ victoriâ pietas.	26
5	Elegia de victoriâ ad Nordlingam obtentâ.	26
6	Auſtriacorum in aduerſis incrementum.	28
7	Tabulæ IV. FERDINANDVS vterque, tamquàm victoria virtutumque ſumma, equites exhibentur.	28
8	Ser. Cardinalis iter in Belgium maturat.	28
9	Ingreſſitur V'Dirtenbergiam.	29
9	FERDINANDORVM clementia.	29
9	Diuiſio.	29
10	Militum licentia coercita.	29
11	Cardinalis, cum ad fines Germaniæ venit, iter emenſum expendit.	29
13	Colonia Agrippina ab Electoribus aliſque Principibus excipitur. Argumentum quintæ Tabulæ.	30
13	Statua coronidi impoſita.	30
14	Signum Deſiderij, eiſque prolixa deſcriptio; vtrique FERDINANDVS Belgis fuerit deſideratus.	30-31
14	Statua Letitiæ eiſque deſcriptio; quamque Belgium FERDINANDO recepto fuerit exhibitarum.	32
15	Spei, quamque de FERDINANDO ſpem conceperimus.	32
15	Securitatibus.	33
15	Securitas Auguſti, & cur Belge nunc ſecuriores.	33
16	Posterior portæ triumphalis factæ. & ſcæptæ ſimiles.	33
16	Tabulæ I. aduerſæ parti. Cybele.	34
17	Cybeles & Romæ, item Cybeles & Ganda comparatio.	34
18	CAROLVS V. Gandau natus.	35
18	Tabulæ II. Argonautæ.	35
19	Cur cum FERDINANDO collati.	35 & 36
19	Tabulæ III. Hannibal.	36
19	Hannibal iter expenditur.	36
19	Conferuntur cum itinere FERDINANDI.	37
21	Tabulæ IV. Achilles Telephum confodit.	37
21	Achillis iter collatum cum itinere FERDINANDI.	37
21	Tabulæ V. Æneas ab Euanthro exceptus.	38
21	Virtus cultores ſuos acceptos facit.	38
21	FERDINANDVS vtrique gratus, vtrique acceptus.	38
21	Inſcriptio communis Tabulæ & ſtatuis poſterioribus primi Arcus.	39
22	Signum Thetidis.	39
22	Veneris.	39
22	Palladis.	40
23	Iunonis.	40
23	Forum CAROLINVM, eiſque ornatus.	40
23	Scenographia fori.	40
23	Arcus CAROLINVS, eiſque anterior ſacies.	40
24	Cur CAROLVS FERDINANDO in exemplum propoſitus.	40

SVMMA CAPITA TOTIVS HISTORICÆ NARRATIONIS.

<i>Tabula I. CAROLVS FERDINANDVM ad sui imitationem hortatur.</i>	41	<i>Occurrunt ei Balena & Delphines.</i>	53
<i>CAROLI encomium.</i>	41	<i>Neptunus PHILIPPO curru cedit.</i>	54
<i>Tabula II. Captis Saxone & Hesse Germania se CAROLO submittit.</i>	41	<i>Hostium in mari fiducia & iactantia.</i>	54
<i>CAROLI clementia.</i>	42	<i>Lanionum pegma.</i>	54
<i>Austriacorum Imperium.</i>	42	<i>Herculis cum Acheloo congressus, comparatur cum FERDINANDO.</i>	55
<i>Austriaci cladibus exerciti semper inuicti.</i>	42	<i>Iuppiter Europam reuens cum FERDINANDO confertur.</i>	55
<i>Tabula III. Victoria Ticinensis.</i>	42	<i>Arietis Phryxci vellus Burgundo-Austriacorum tessera.</i>	56
<i>CAROLI in victoria moderatio.</i>	43	<i>Flumiorum Gandensium concursus.</i>	56
<i>Laus Francisci Regis, eiusque captiuitas.</i>	43	<i>Caesarum utrimque gratulationes.</i>	56
<i>CAROLVS bellum in Africam transfert.</i>	43	<i>Geminae naues triumphales.</i>	56
<i>Golettam capit: Barbarossam vincit: Tanetum in potestatem redigit.</i>	44	<i>Pegma veteris-Burgi.</i>	57
<i>Tabula IV. in Africam manus iniicit.</i>	44	<i>Gandensium fides & amor in Regem.</i>	57
<i>CAROLI cum Iulio Cesare comparatio.</i>	44	<i>Regis amor in suos.</i>	57
<i>Quid ex Africa CAROLVM reuocauerit.</i>	44	<i>Gandavi origo antiquissima, sed obscura.</i>	58
<i>Tabulae inferiores: altera, Belgica sub Austriacorum protectione, à quâ pars</i>		<i>Arx veteris-Burgi à Iulio Cesare condita.</i>	58
<i>malè consultata se subduxit.</i>	45	<i>Iulij, Arcisque effigies.</i>	58
<i>Alterâ, Mexici & Peruuiæ occupatio.</i>	45	<i>Gandauenses bellicâ fortitudine clari,</i>	58
<i>Tabulae binæ in transitu portæ: alterâ CAROLVS à Pontifice coronatur; alterâ</i>		<i>& sapientiâ.</i>	59
<i>regnis & Imperio se exiit.</i>	46	<i>Gandauum magnitudine, atque opibus præstat.</i>	59
<i>PHILIPPVS II. regna suscipit.</i>	46	<i>Veteris-Burgi Nobilitas.</i>	59
<i>CAROLVS curam in se conuertit.</i>	47	<i>Flandria Comes, Imperatores Orientis atque Occidentis.</i>	59
<i>Ingenti pompâ regna deponit.</i>	47	<i>Area S. Pharaidis.</i>	59
<i>Arcus CAROLINI suprema Tabula. Belgica CAROLI iam Calitis opem implorat.</i>	48	<i>Moles scenographica.</i>	59
<i>Designatur in Belgium FERDINANDVS</i>	48	<i>Nobilitas maiorum quid conferat.</i>	60
<i>Auersa facies Arcus CAROLINI.</i>	49	<i>In FERDINANDO representati maiores.</i>	60
<i>Tabula I. Mars Romuli & Remi & Romani Imperij auctor.</i>	49	<i>Ad S. Iacobum pro Rege & FERDINANDO votum.</i>	60. 61
<i>Comparantur cum CAROLO & Austriaci.</i>	49	<i>S. Iacobi effigies.</i>	61
<i>Tabula II. Germania iam olim bellicosa à Drufo subacta, simili modo quo</i>		<i>Ignes triumphales sub noctem, in turris fastigio & alibi:</i>	61
<i>post à CAROLO V.</i>	50	<i>Eos Princeps è Riddershouij Consulis adibus spectat.</i>	62
<i>Tabula III. Insignis spoliis Marcellus opimis.</i>	50	<i>In Hippodromo Ætnæ simulacrum.</i>	62
<i>Gallorum olim cum Romanis bella.</i>	50	<i>Vulcani officina.</i>	62
<i>Comparatio victoriarum CAROLI de Francisco, & Marcelli de Virdumaro.</i>	50	<i>Cusa FERDINANDO à Cyclopihus arma.</i>	62
<i>Tabula IV. Triumphus Scipionis Africani.</i>	51	<i>Theatrum ad Palatii ingressum:</i>	62
<i>Eius cum CAROLO similitudo.</i>	51	<i>Eius Dedicatio.</i>	63
<i>Suprema Tabula. Venus pro Ænæ Ioui supplicat.</i>	51	<i>CAROLI V. cuna adumbrata:</i>	63
<i>Confertur cum Belgicâ.</i>	52	<i>Eius posteræ, maiestas, felicitas, victoriæ</i>	63
<i>Arcus CAROLINI duplex dedicatio.</i>	52	<i>Fortitudo, religio, hostes, pugna:</i>	64
<i>Trophaeum à Gandensibus FERDINANDO erectum.</i>	53	<i>Clementia, Iustitia.</i>	65
<i>Deducitur FERDINANDVS per plateam Monetariam ad forum piscarium.</i>	53	<i>Genethliacum CAROLO V.</i>	65. 66. 67. 68
		<i>Princeps Cardinalis Gandauo discedit.</i>	68
		<i>Syndici postrema ad eum Oratio.</i>	68

FACVLTA S PROVINCIALIS.

EGO infra scriptus Soc. Iesv per Flandrobelgicam Præpositus Prouincialis, potestate mihi ab admodum R. P. N. Mutio Vitellesco Præposito Generali factâ, concedo vt *Triumphalis Introitus Serenissimi Principis FERDINANDI S. R. E. Cardinalis, Hispaniarum Infantis, in Flandria metropolim Gandauum, Illustrissimi eiusdem urbis Senatus curâ ac sumptu, ancis tabulis expressus, atque à Guilielmo Becano nostra Societatis panegyricè descriptus, à Ioanne Meursio Typographo Antuerpiensi excudatur, atque ad perpetuam victoriosi Principis memoriam, ac publicæ spem felicitatis, vulgetur.* Antuerpiæ 14. Ianuarij, ann. 1636.

F R E D E R I C V S T A S S I S.

A P P R O B A T I O.

QVod Regi debent tam cari illi subditi, numquam exsoluent. Gandauenses suam erga eum voluntatem in triumphali in Flandriam Introitu Ser. FERDINANDO ostenderunt, nunc orbi exhibent. Quod bono atque exemplo publico fieri censeo. Gandavi Nonis Aprilis, anno salutis M. DC. XXXVI.

GVILIELMVS ARENTS
Archid. Gandensis L. C.

Cum Priuilegio Regis Hispaniarum, vti latius patet in litteris datis Bruxellæ 18. Iulij,
Anno M. DC. XXXVI.


Signat.

P. COOLS.

N n

[Faint, illegible text covering the majority of the page, likely bleed-through from the reverse side.]





Special
Oversize 88-B
5240
-2

THE GETTY CENTER
LIBRARY

